

WANIK

NIUSPEPA BILONG YUMI OL PAPUA NIUGINI STRET! 27 YIA NAU

32 pes

Namba 1,303

Wik i stat long Fonde Jun 17, 1999

60t



**Lak laikim
ol memba
Joinim gavman**

pes 3

**Spak brus kamap
bikpela hevi**

pes 5

**Simbu kisim
bek telepon
sevis**

pes 7



**Tokpilai
KANAGE**

pes 26

Lak bai kotim gavman

PETER MAIME i raitim

RIJINOL Memba na Westen Hailans Gavana, Pater Robert Lak i winim kot bilong wokim pamuk video tep na nau em bai kisim gen gavman i go long kot.

Pater Lak i bin mekim dispela tok-tok aste bihain long Nesenel Kot i rausim wanpela sas plis i tok, em i bin slip wantaim wanpela yangpela meri krismas bilong em i aninit long 16.

Pater Lak i tok dispela kot i mekim em i sem na tu bagarapim gut nem bilong em olsem wanpela wok man bilong sios na lida bilong kantri.

Em i tokim loya bilong em pinis long stretim ol pepa bilong kotim gavman.

Dispela kot bilong Pater Lak i kamap wanpela bikpela samting long kantri na planti pipel i bin bihainim stori bilong em long ol niuspepa, radio na televisen.

Kot bilong Pater Lak i stat long las yia, taim plis i bin sasim em long slip wantaim wanpela yangpela meri krismas bilong em i aninit long 16 we lo i tambuim na tu long mekim wanpela pamuk video tep.

Nesenel Kot i bin rausim dispela sas bilong wokim pamuk video tep pastaim na long dispela wik Mande

em i rausim gen narapela sas bikos i nogat evidens bilong kotim Pater Lak.

"Mi save bai mi kam aut long dispela kot. Nau mi fri....nupela Robert Lak."

Pater Lak i tok ol pipel bilong Westen Hailans i bin givim em pawa long kamap wanpela lida. Em i tok dispela samting ol manmeri i mas respektim na noken larim politiks long go insait na bagarapim wok bilong em.

"Ol pipel bilong Westen Hailans i tokaut klia taim ol i votim mi," Pater Lak i tok.

Em i tok politiks i noken kamap olsem bisnis bilong wanpela man, famili o hauslain.

Nau em i kamap fri man na i kisim moa strong long sevim ol pipel bilong em long provins.

Pater Lak i tok em i bin stap isi na larim jastis sistem bilong kantri long mekim wok bilong em. Nau em i amamas olsem kot i mekim wok bilong em na painim aut olsem sas bilong em i nogat evidens.

Em i askim kot na jastis sistem long oltaim stap independen na fri long mekim gut wok bilong ol.

Pater Lak i tok tenkyu i go long ol pipel bilong Westen Hailans na PNG husat i bin tingim em long pre taim em i stap long kot.

Pundari no lusim wok Spika

JOE KANEKANE i raitim

LIDA bilong Advance PNG Pati na Spika bilong Nesenel Palamen John Pundari i tok em i no lusim wok Spika.

Em i tok em i gat tingting long lusim dispela wok long taim palamen i bung long Julai tasol em

bai holim dispela wok inap long sampela taim.


"Mi mas mekim klia olsem mi no risain long wok bilong mi olsem Spika. Mi bai tokaut long wanem taim mi laik risain na bai olgeta lain i ken save. Tasol long dispela taim em mi bai stap yet olsem Spika," Mista Pundari i tok. Em i tok ol nius ripot i wok long tok olsem em i lusim wok

bilong em tasol dispela i no tru long wanem em i no tokaut long dispela tingting yet.

"Yes, bai mi risain tasol bai mi risain long dispela wok long taim mi pilim olsem mi mas risain," em i tok.

Em i tok pati bilong i gat 22 man husat i stap long kem bilong ol na bai ol i pulim moa lain i kam insait long pati bilong ol.

Kopra prais go antap



• Prais bilong kopra i go antap bikos strong bilong Kina i go daun. Olsem na ol lain i gat kokonas plentesen i mas wok hat long mekim kopra na i noken bagarapim kokonas o kulau nating nating. I moa gutpela ol i salim kulau long maket bilong kisim mani o yusim long gutpela pasin.

OL kopra groas i ken amamas bikos prais bilong kopra i go antap.

Kopra prais bilong dispela mun Jun i go antap long K800 long wanpela tan.

Prais bilong kopra i gutpela bikos long tupela samting.

Nambawan samting em PNG Kopra Maketing Bod i ken salim kopra long gutpela prais long ol ovasis maket.

Narapela samting em strong bilong PNG Kina i daun. Taim kopra i kisim win mani long dola

i kam long kantri, em bikpela mani taim ol i senisim i go long Kina.

Ekting Jenerel Menesa bilong Kopra Maketing Bod, James Kiele i tok prais bilong kopra bai stap antap yet long sampela mun.

Em i tok bikos long gutpela prais bilong Kopra, prodaksen o namba bilong kopra beg bilong salim i wok long go antap.

Long Julai las yia, domestik o PNG prais bilong kopra em K500 long wanpela tan. Long

Septemba las yia, em i bin go antap K600 long wanpela tan.

Em i go antap gen long K700 long mun Mas long dispela yia.

Dispela mun em i stap moa long K800 long wanpela tan.

Ol kantri PNG Kopra Maketing Bod i save salim kopra em Japan, Ostrelia, Ingran na ol kampani long PNG yet.

Ol provins i save kamapim moa long 90 pesen kopra insait long kantri em Is Niu Briten, Wes Niu Briten, Madang, Not Solomons na Niu Ailan.

PLIS RIPOT

Nesanel Kapitel:

PLIS i karimaut wok long traim painim aut dai bilong wanpela man.

Plis ripot i tok, nem bilong dispela dai man em Jacob Ruku bilong Sauten Hailens provins na ol i bin painim em long Lloyd Robson Oval.

Plis ripot i tok ol i no bin painim wanpela mak long bodi bilong dai man na ol i wet long painim aut long pos motem.

• Ol raskel i bin sutim wanpela selsman long Hiritano Haiwai long las Sarerei. Plis ripot i tok ol i bin sutim dispela man taim em salim ol samting arere long rot. Ol i kilim em 10 kilomitas long Bereina stesen.

Plis i wokim reid long apinun na ol i painim tupela man ol i bilip olsem ol i kilim man na sasim ol long kilim man na tu stilim K50 kes moni.

• Plis ripot i tok Waigani. Kot i painim aut nem bilong wanpela man husat i bin dai long taim. Nem bilong dispela tupela man em David Sengatari bilong Diko na Sirili bilong Awala vilis long Noten provins. Ripot i bilip olsem wanpela dai taim tupela i laik kilim wanpela ami long Air Trensport Sduadron.

Rabaul, Is Nu Briten:

PLIS bilong Is Nu Briten i tokaut long wokim wanpela bikpela wok bilong painim 5 pela man husat holim pas wanpela bikpela holset stoa long las wik Tunde na stilim K40,648.27 kes mani wantaim long K37,387.67 sek mani.

Provinsel plis komanda, Bernard Orim i tok plis i no holim pasim wanpela man long dispela stil-pasin bikos ol i bilip olsem dispela stil pasin i bin kamap bihain long raskel kisim helpim long wokman bilong stoa.

Lae, Morobe Provins:

Pasin bilong stilim ka i bin bagarapim gutpela wiken long Lae las wiken.

Foapela stilpasin long ka i bin kamap na wanpela em eksekutiv bilong Morobe Disebel Asosiesen i bin stap long en.

Foapela man wantaim ol gan i bin hensapim Alphonse Paiang, siaman bilong Disebel asosiesen ausait long haus bilong em long Salamanda Strit, taitim lek na han bilong em na kisim ka na ronawe. Plis i bin painim ka long nait, 100 kilomita longwe ausait long Lae.

Long Sarere yet, wanpela grup i bin brukim haus opis bilong Morobe Provinsel Edministresen na stilim ol kompyuta na ol arapela masin we kos bilong ol inap long K5,000.

Long Sande, faivpela man wantaim pistel i bin bihainim wanpela famili husat i wok long visitim wanpela famili long Eriku na hensapim ol.

Ol bin fosim famili wantaim pistel na kisim ki bilong ka na ol i laik draivim i go tasol ka i no bin stat. Bihain long dispela, grup i ronawe bipo long ol plis i kamap. Ol bin brukim glas bilong ka bipo ol i tekov.

Long wankain taim tu, ol raskol i bin stilim wanpela gavman ka long Salamanda Strit long Sande nait tasol ol plis i bin painim ka long Papua kompaun.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group
Editor in Chief:
Anna Solomon.
Advertising Manager:
Mike Kanin.

Editor of Wantok:
Yakam Kelo.

Papers distributed by air
throughout PNG.
Available by air mail
subscription within
Papua New Guinea
and overseas

Email address:
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Ol tin mit kampani bungim hevi

VERONICA HATUTASI i raitim

I GAT wari olsem ol pipel bilong PNG i no inap long lukim Ox & Palm tin mit long ol stoa insait long kantri.

Dispela inap kamap sapos ol atoriti i no stretim askim bilong Hugo Cannery kampani bilong apim fektri prais bilong tin mit long 11 pe sen.

James Barnes Keneri we i save wokim tu ol tin mit long kantri i gat wankain hevi tu we em i laikim gavman long luksave na stretim.

Hugo keneri kampani i save wokim ret-pela tin mit bilong PNG Ox & Palm long

tupela sais. Wanpela em long bikpela skwea tin na narapela em long liklik raun tin. Dispela tupela em ol pipel i save laikim tru na em i save stap long ol kaikai long olgeta de. Kampani i save wokim tu Globe Stek na Onion na dispela tu em gutpela kaikai we planti manmeri i save baim.

Long dispela taim kampani i bungim hevi bihain long strong bilong Kina i wok long pondaun i go daun. Long las Fraide, papa bilong fektri, Sir Hugo Beghuser i pasim fektri bilong em long 16 Mail ausait long Mosbi.

Kampani i bin putim askim long Prais Kontrola bilong apim prais bilong tin mit long 11 pesen antap long prais we em i save sasim nau. Long nau, prais bilong

wanpela tin mit insait long ol stoa long Mosbi i stap namel long K2.60 na K4.00. Long ol ples ausait long taun, prais i go antap moa, namel long K4 na K5.

Hevi we i kamap long keneri bai sut tu long ol wokman na ol famili bilong ol.

Long las wik, Hugo Cannery i bin stapim planti wokman bilong em long noken go wok bikos long dispela hevi.

Strong bilong Kina i min olsem mani i sot long peim ol woklain tu bikos kampani i no wokim profit taim kos bilong ol samting long yusim long fektri i go antap.

Wantok i no bin nap long kisim toktok long ol bosman bilong Hugo Cannery na James Barnes kampani.

Opis bilong James Barnes long Madang i bin tokim Wantok olsem jenerel manesa bilong kampani tasol inap long wokim toktok long ol nius manmeri tasol em i stap aut long kantri inap long neks wik.

Long dispela wik, Wantok i bin go long Hugo Cannery fektri long 17 Mail na bos i no bin laik autim sampela toktok.

"Mipela i no laik yusim ol nius manmeri long stretim toktok wantaim gavman long dispela samting", wanpela opis wokman i bin tok.


Wantok i bin lukim tu liklik lain wokman i lukautim opis i stap. Fektri i bin pas na ol empti tin we ol i save pulumapim mit long en na ol arapela samting moa bilong yusim long prodaksen bilong tin mit i stap nating ausait.

Ol woklain i no bin givim sampela toktok bikos menesmen i bin tokim ol long noken toktok long ol nius manmeri long dispela samting.

Semba bilong Manufeksera opis tu i tok long dispela taim, em no inap toktok long dispela samting.

Fainens Seketeri na Prais kontrola Brown Bai i bin stap long miting na Wantok i no bin kisim tingting bilong em long dispela samting tasol ol ripot i tok long Jun 2 em bin givim tok orait long prais bilong olgetatin mit i go antap long 11 pesen. Dispela mak em antap long prais bilong Ox & Palm long ol stoa nau.

Ol ripot i tok tu olsem Mista Bai i tok, i nogat nid long kampani i pas.



• Piksa bilong Ivan Bayagau i soim ol kontena, bokis, ol empti tin na ol arapela samting we ol i save yusim long karim ol tin mit. Nau ol dispela samting i stap nating ausait long fektri.

Dorothy kamap eking Solisita Jenerel

JOHN DAU i raitim

SOLISITA Jenerel Opis i makim wanpela meri olsem eking solisita jenerol inap long ol i painim nupela man long lukautim opis.

Hetelai Dorothy Kiele blong Manus i nau eking Solisita Jenerel bilong Papua Niugini.

Atoni Jenerel Michael Gene i bin wokim dispela senis long Tunde bihain long Solisita Jenerel John Kawi i bin lusim kantri long go stadi long Melbon Yunivesiti, Australia long Mastas bilong em long lo.

Mista Gene i tok Mis Kiele i gat planti save olsem wanpela save meri blong lo na i meri blong wok hat.

Mista Gene i tok: "Em i gat olgeta bilip olsem Mis Kiele bai mekim wok bilong em long opis long strong bilong em, bihainim

lo bilong kantri na i no inap pret."

Mis Kiele husat i kam long ples Loniui i bin joinim dipatmen long 1992 na i bin wok insait long opis bilong solisita jenerel inap long ol i bin mekim em i kamap deputi solisita.

Bipo long em i bin joinim dipatmen em i bin wok wantaim Gadens Ridwei Loyas olsem loya long 1987 i go inap 1990. Long 1982 i go inap long 1987 em i bin wok olsem edministretiv opisa wantaim Yunivesiti blong PNG konsel.

Odita Jenerel pasim opis

JASON TAU i raitim

OPIS bilong otita jenerel i pasim 10-pela opis bilong em insait long kantri bikos em i no bin i gat inap mani long ronim ol dispela opis.

Ol dispela 10-pela opis ol i pasim long kantri em ol dispela opis: Mendi, Wabag, Kundiawa, Madang, Vanimo, Daru, Kerema, Popondetta, Manus na Rabaul.

Minista bilong Provinsel na Lokol-Level Gavman Apeas, Dibara Yagabo tokaut long Tunde olsem em i pasim ol dispela opis bihain long em i bin kisim etvais bilong otita jenerel bilong PNG, Mista Mark Wani.

Mista Yagabo i tok Bogenvil i no bin i gat opis bilong em tasol ol narapela provinsel het kquatas insait long kantri i

bin stat wok long 1993 i kam inap nau. Mista Yagabo i tok ol dispela opis bai pasim wok i go i nap taim gavman i gat mani long ronim ol dispela opis.

Minista Yagabo i tok otita jenerel bai i wokim 4-pela rijinel opis long Hagen, Lae, Kavieng na Port Moresby.

Em i tok ol dispela 4-pela opis bai wokim otit wok bilong rijinel opis na otit wok bilong provinsel, lokol-level gavman na ol narapela liklik otit opis insait long ol dispela 4-pela rijin long kantri.

Insait long mama lo bilong kantri long ronim provinsel na lokol-level gavman, seksen 113 i tok olgeta provins mas i gat otit opis bilong ol yet.

Long dispela lo Mista Yagabo i tok ol dispela 10-pela opis bai pas liklik taim tasol blong waiting mani long kantri kamap gut. Em i tok ol poapela rijinel opis bai wokim wok bilong olgeta provins stap insait long wanwan rijin.

Mr Yagabo i askim olgeta provinsel gaman na administration bilong ol long wokim gut akount long kontrolim ol fans long wanwan provins na givim ol finensel stetman i go hariap long otita jenerel opis long ol i kan salim i go hariap long palaman.

Minista Yagabo i amamas long we itita jenerel, Mr Mark Wani i bin kamap wantaim dispela tingting long pasim ol dispela 10-pela opis na wokim 4-pela rijinel opis long wanem, dipatman bilong otita jenerel i no gat mani long ronim ol dispela planti opis long ogeta provins long kantri.

Mr Yagabo i askim ol memebas bilong palamen, ol gavamna depatman, ol gavamna bisnis na ol pipel long tingting gut long dispela risin we em i bin pasim ol dispela opis insait long kantri na em i askim olgeta lain long wok wantaim na helpim odita jenerel long wokim wok bilong em.


Lak laikim ol memba joinim gavman

JOE KANEKANE i raitim

GAVANA bilong Westen Hailens na sinia memba bilong PNG First Pati Pater Robert Lak i tokim ol lain husat i wok long toktok long senisim gavman olsem sapos ol i save olsem, ol no inap long winim gavman orait ol i mas joinim gavman.

Em i tok dispela gavman i wok long strong long olgeta de na bai strong olgeta long taim bilong ileksen na wanem lain i wok long paulim toktok mas kam na joinim ol.

"Mi laik tok olsem sapos ol lain i save olsem ol no inap daunim dispela gavman i nogat moa toktok i



• Fr Robert Lak

stap long ol long wokim, kam na joinim mipela," Pater Lak i tok.

Em i wokim dispela toktok bihain long kot i rausim kot bilong em

long sas bilong kamapim wanpela pamuk vidio. Olsem na em bai sanap strong long luksave olsem dispela gavman bai stap longpeia taim yet.

Em i tok dispela kot i wok long pasim em long wokim sampela samting em i laik long wokim na nau olsem kot i pinis em bai strongim dispela gavman.

"Bikpela bel hevi bilong mi i pinis. Nau bai mi traim hat long wanem liklik helpim mi inap kamapim long luksave olsem dispela gavman bai sanap strong. Mi ken tok olsem dispela gavman bai stap," Pater Lak i tok.

Pater Lak i tok ol pipel yet i save, sapos dispela gavman i wokim wok o nogat na ol yet bai inap long autim dispela tingting bilong ol long taim bilong vot i nogat bilip.

NCDC putim nupela lo long sait maket na buai

VERONICA HATUTASI i raitim

OL MEMBA bilong pablik husat i save kaikai buai na tu ol dispela i save tromoim pipia nabaut long ol pablik ples insait long Mosbi siti bai kisim mekim save long peim bikpela mani long asua bilong ol.

Nesenel Kapitel Distrik Komisnin i putim nupela lo na stat long dispela wik em i salim ol oksileri plis bilong em long olgeta hap bilong siti long karimaut dispela nupela lo we i sut long ol lain husat i save salim buai na ol arapela samting long ol pablik ples na arere bilong rot na haus bilong ol long taun.

NCDC i laik strongim dispela lo long mekim Mosbi siti klin na gutpela helti ples bilong stap long en.

Long dispela taim, planti hap bilong Mosbi siti i pulap tru long planti pipia na dispela i no givim gutpela piksa long nesene na intanesene level.

Planti pipel bilong PNG i sem long lukim siti i luk nogut wantaim ol pipia na spet buai nabaut long ol pablik ples na tu long olgeta hap bilong siti.

Ol woklain bilong NCDC i karimaut ol patrol na ol bai sasim mani long ol man husat i brukim lo we i karamapim lo bilong stapim pasin long tromoim nabaut pipia.

Hia em lo na mani mak we NCDC i putim long ol lain i brukim ol dispela lo:

• Sapos wanpela memba bilong pablik i tromoi pipia nabaut long

pablik ples, ol bai sasim K20 spot fain long em;

• Long man i save tasol em i les na tromoim pipia nabaut, ol bai sasim K30 long en;

• Long kaikai buai na smuk long pablik ples ol bai katim K40 long en;

Long salim ol buai na ol arapela samting long pablik ples, abrusim maket o mini maket ol bai katim K50 long ol.

Ol ripot i tok NCDC Bot i bin holim wanpela bung na kamapim dispela lo bilong pipia long stapim ol samting we i save pulim pipia na bagarapim gutpela piksa bilong Mosbi siti.

NCDC i wok long karimaut ol awenes program long dispela samting insait long las tupela wik long tokim pablik long lukautim gut siti na ol ples we ol pipel i save sindaun long en insait long siti.

Long dispela wik, ol siti renja, oksileri plis, vilis kot lain na ol helt inspekta wantaim NCDC i bin bung long Sir John Guise Stadium long kisim gut ol toktok long rot bilong bihainim long karimaut dispela nupela lo we i bin stat long dispela wik.

Wantok i no bin inap long kisim moa toktok long dispela samting long ol atoriti long NCDC bikos ol bin stap long miting.

Ol lain husat i save salim ol buai samting long pablik ples i no wanbel na ol i holim ol bung long egen-sim tambu NCDC i putim long ol. Ol i tok long dispela taim bilong ikononik hevi, ol liklik sait maket olsem i save helpim famili bilong ol long stap laip insait long siti.


Pundari lonsim Advance PNG Pati

JASON TAU i raitim

NESENEL Palamen Spika John Pundari i holim wanpela bung long Mosbi long las wik Sande na em i toksave olsem em i wokim wanpela nupela politikal pati ol i kolim 'Advance PNG Pati' na em i redi long lusim sia bilong em olsem spika bilong palaman.

Taim Mista Pundari i bungim ol memba bilong niupela pati bilong em na ol lida bilong ol arapela politikal pati na ol nius manmeri, em i tok olsem: "Mi i gat dinau long kantri na long pipel.

"Mi bai wanpela man nogut sapos mi no wokim wanpela



• John Pundari

disisen taim dispela kantri na ol pipel i kisim taim nogut long ol lida husat i hangre long pawa na nogat

tingting long gutpela sindaun bilong ol pipel.

"Mi no laik sindaun long sia bilong spika na kisim gutpela kaikai bilong en na tanim olsem nogat wanpela samting i kamap na olgeta samting long kantri na pipel i orait," Mista Pundari i tok.

Mista Pundari i tok, dispela niupela pati bilong em i gat tingting long wokim wok long kamapim gutpela wok insait long gavman. Mista Pundari i tok em i no laik sindaun tasol na lukluk long gavman i larim dispela kantri i go long han bilong ol dog. Mista Pundari i tok PNG i laikim wanpela lida em i ken lukluk long wanem samting bai kamap bihain na wokim tru wok long we ol pipel i laikim long en.

Kot bilong Simbu gavana bai soim rot

PETER MAIME i raitim

NESENEL Kot disisen long husat i kisim sia bilong Simbu gavana bai soim rot long ol wankain kot bihain.

Rijinol Memba, Pater Louis Ambane na Memba bilong Karamui Nomane, Simeon Wai i go pinis long Nesene Kot long dispela wik Tunde.

Jas Timothy Hinchliffe bai givim disisen long tumora (Fraide) long Kundiawa.

Ol pipel bilong Simbu bai save

tumora husat em gavana bilong ol. Dispela em nambawan taim kain kot olsem i kamap long kantri bihain long Nesene Palamen i bin kamapim nupela Ogenik Lo bilong Provinsal na Lokel Levul Gavman.

Wanem kain disisen kot i mekim tumora bai mekim rot long ol wankain kot bihain taim.

Pater Ambane na Mista Wai wantaim i tok olsem tupela i gavana bilong provins.

Dispela hevi i kamap taim Pater Ambane i rausim Mista Wai long sia bilong gavana tupela wik i go pinis.

Simbu Provinsal Asembli i bung na makim gen Pater Ambane

olsem gavana bilong provins na rausim Mista Wai.

Pater Ambane i bin lusim rijinol sia na sia bilong gavana long Suprim Kot long 1998. Taim sia i stap nating, Provinsal Asembli i makim Mista Wai long kisim sia bilong gavana.

Pater Ambane i win gen long bai ileksen na em i go kisim sia bilong em bek.

Tasol Mista Wai i tok ol samting Pater Ambane i mekim i no stret na kisim em i go long kot.

Loya bilong Pater Ambane, Joe Wai i tokim kot olsem aninit long Ogenik Lo bilong Provinsal na Lokel Levul Gavman, rijinol

memba i ken kamap gavana bilong provins. Olsem na Pater Ambane i gat rait long kisim sia bilong gavana.

Em i tok Simbu Provinsal Asembli i makim Mista Wai olsem gavana taim dispela sia i bin stap nating.

Taim Pater Ambane i winim gen ileksen, dispela sia i no moa stap nating bikos man husat bai sindaun long sia bilong gavana i stap pinis.

Asembli i makim Mista Wai olsem gavana na asembli tu i rausim em (Wai) long dispela wok, Mista Wai i tokim kot.

Loya makim Simeon Wai,

Paulus Kunai i tok Simbu Provinsal Asembli i no toksave long Mista Wai olsem asembli bai bung long senisim gavana. Em i tokim kot olsem Mista Wai olsem gavana bilong provins i gat pawa long kolim miting bilong asembli na i no wanpela man nating.

Em i tok asembli i no bihainim stret ol rot long rausim Mista Wai olsem gavana bilong provins.

Em i tok sapos asembli i laik rausim Mista Wai em i mas givim wan wik notis na mas kamap olsem wanpela vot i gat bilip.

Mista Kunai i tokim kot olsem asembli i no bin givim dispela wan wik notis.

WANTOK

NIUSPEPA BILONG YUMI OL PAPUA NIUGINI STRET

Yusim gut mani

PNG nau i bungim taim nogut long sait bilong mani.
 Strong bilong Kina i go daun. Ol prais bilong kaikai long stua i go antap.
 Planti famili na bisnis i kisim hat taim stret.
 Tupela bikpela fektori i save wokim OX Palm na Globe mit long kantri i stapim bisnis bilong ol las wik.
 Dispela ol fektori i lukim olsem ol bai i no inapim mekim wanpela win mani.
 Taim ol dispela samting i kamap long kantri, ol papa bilong kopi na kopra i no wari bikos ol i kisim gutpela win mani.
 Prais bilong kopi na kopra i go antap na em bai stap olsem long sampela mun.
 Prais bilong kopi na kopra i go antap bikos Kina bilong kantri i daun.
 Taim PNG i salim kopi na kopra i go long ol narapela kantri, ol dispela kantri i save baim wantaim mani bilong ol. Taim mani bilong ol i kam long PNG na senis i go long kina, em i go planti mani.
 Olsem na ol fama bilong kopi na kopra i kisim gutpela mani.
 Dispela em sans mani na ol famas i mas yusim long gutpela we long lukautim ol yet na famili bilong ol.
 Sapos ol i yusim long poka masin, bia na tromoi nating long pilai laki, ol bai bungim hevi taim prais i go daun.
 I gutpela long ol i mas opim wanpela pas buk long benk na putim mani long yusim long sampela gutpela samting bihain.

Wes Niu Briten gavman oraitim K1.9 milien saplimenteri baset

VERONICA HATUTASI i raitim

WES NU Briten Provinsal Gavman i apruvim pinis K1.9 milien saplimenteri o helpim baset long las wik Fraide.
 Gavana na man husat i go pas long Provinsal Fainens Bernard Vogae taim em i tokaut long dispela samting i tok dispela saplimenteri baset i bilong helpim na sapatim baset tru we Provinsal Asembli i bin apruvim long Desemba las yia. Mak bilong baset tru em K33.5 milien.
 He tok bilong 1999 baset em "New Vision and redirection" o long tok pisin, Nupela Driman na Nupela Rot.
 Gavana Vogae i tok helpim baset ya bai i kisim Wes Nu Briten i go long yia 2000.
 Em i tok Provinsal Gavman bilong em i kamapim dispela baset bikos Nesenel Gavman ino bin hariap long givim aut dispela K966,900 gran bilong Lokol Level Gavman na tu K1 milien dividen mani i kam long Nu Briten Welpam kampani bilong ol projek. Na dispela hap mani i no bin go insait long 1999 baset

we ol bin tok oraitim long las yia. Dispela sapat baset bai helpim long kirapim 20 pela projek we dividen mani (1 milien) i kam long NBPOL tras fan. Ol projek ya i sut long komyuniti, rot, bris, edukesen na helt sevis, ol meri na ol wara saplai projek insait long olgeta distrik bilong Wes Nu Briten.
 K966,900 Nesenel Gavman gran bai i go long helpim ol Lokol Level Gavman wantaim tu ol helt sevis we sios i papa long ol, Wes Nu Briten savings na Lons, Hoskins mentenens projek, Gloucester Rurel Ilektrifikesen projek, Hoskins ples balus mentenes projek na tupela wokabout somil.
 Mista Vogae i bilip olsem dispela saplimenteri baset bai go hetim sosel na ikonmik wok kamap bilong provins na dispela bai helpim kamapim gut sindaun bilong ol pipel. Em i tok tu olsem gavman bilong em bai lukim olsem ol dispela mani i go long ol projek na edministresen i mas tilim gut bihainim stretpela pasin.
 Hia em lista bilong ol Lokol Level Gavman na mani mak long dispela K966,900 Nesenel Gavman gren we ol i katim i go long ol:

1-Mosa LLG	K60,000
2-Talasea LLG	55,000
3-Hoskins LLG	33,000
4-Bali/Vitu LLG	27,000
5-Biall LLG	25,000
6-Bialla Edministretiv gran	20,000
7-Hoskins LLG Edministretiv gran	40,000
8-Mosa LLG Edministretiv Gran	40,000
9-Bali/Vitu Edministresen	30,000
10-Kimbe Eben Edministresen	18,000
11-Kaliai/Kove Edministresen	40,000
12-Kandrian Kostel edministresen	30,000
13-Kandrien Inlen edministresen	27,000
14-Gloucester Edministresen	25,000
15-Kimbe Eben Sevis gran	100,000
16-Sios helt Sevis	165,000
17-Wes Nu Briten Savings na Lons	29,800
18-Hoskins ples balus projek	5,000
19-Rurel Ilektrifikesen	64,000
20-Sensus Stetistiks projek	5,000
21-Tupela wokabout somil projek	127,000

Baclay Bratas winim K4 milien rot projek long Bogenvil

BACLAY Bratas (PNG) kampani i winim K4 milien tenda long wokim trunk rot projek long Bogenvil, Bogenvil Restoresens opis i tok.
 Dairekta bilong resrtore-sens opis John Sania i tok ol bin glasim sevenpela kampani husat i bin aplai long ol tenda na givim awod i go long Baclay Bratas.
 Mista Sania i tok kampani bai i menesim projek tasol na i no inap long karimaut ol wok. Em bai givim ol wok i go long ol kontrakta na ol sab kontrakta long ol asples pipel yet na tu go pas long ol menesmen wok long projek.
 Dispela rot we kontrak bilong Baclay i winim i karamapim rot i stat long Kokopau long not Bogenvil i go olsem long Itakara na

Biremba long Sentrel Bogenvil, Aropa, Buin, Siwai na inap long Nonopa Riva long Nagovis. Wok long projek bai i stat long mun Oktoba.
 Mista Sania i tok insait long tripela mun bihain long Baclay Bratas i winim kontrak we i stat long Julai i go long mun Septemba, kampani bai karimaut ol wok redi bilong em na dispela bai i karamapim ol samting olsem sanapim ol kem na opis long Bogenvil. bai em i karimaut tu ol fil sevei na redim ol projek plen na disain. Em bai long wanem ol wok em bai karimaut na ol grup long ol ples we bai em i kisim long wok long ol wan wan seksen bilong rot projek.
 Mista Sania i tok ol sab kontrakta na grup bai i kam long ol eria we projek i

kamap long en. Tok piksa em long Itakara na Aropa seksen bilong rot, ol bai kisim tasol ol grup bilong Sentrel Bogenvil long wok long en. Wankain samting tu bai i kamap long seksen bilong rot long Siwai, Buin na Nagovis. Em i tok dispela em wanpela rot long kisim i go insait long asples pipel long stap insait na helpim long wok bilong stretim gen Bogenvil. Em i tok bai i gat tupela sab kontrakta grup insait long dispela rot projek. Wanpela em ol lain bai i karimaut ol wok mentenes na ol arapela bai i katim gras na bus long klarim rot bipo ol i stretim na kiamut ol wok mentenens long en.
 Mista Sania i tok kakau rihabilitesen projek we Yunaitet Nesens Developmen Program

(UNDP) i sapatim na fandim long Bogenvil i wok long go gut. Ol gat 26 neseri na nau ol i lukluk long sanapim moa neseri long olgeta distrik.
 Trening program bilong UNDP long helpim ol Bogenvil pipel i kirapim ol liklik bisnis projek i go het gut, Mista Sania i tok.
 Em i tok tu olsem tude, em wantaim lain bilong em bai i go long Bogenvil long toktok wantaim Bogenvil edministresen long rot bilong yusim K5.6 milien we Nesenel Gavman i givim long sapatim ol developmen projek long Bogenvil.
 Em i tok dispela em namba wan mani helpim we Nesenel Gavman i givim long helpim ol developmen projek long Bogenvil stat long taim hevi i kamap.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
 Telepon namba: 325 2500
 Feks namba: 325 2579

PE BILONG WANPELA YIA 52 NIUSPEPA

PLES	AIR
PNG	K 60.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



Ol ausait grup helpim gut Bogenvil

BOGENVIL i wok long kisim gutpela helpim long ol ausait helpim ejensi grup na kantri long go hetim ol wok long stretim ples, kamapim gutpela sindaun na bel isi pasin, ol ripot i tok.
 Dispela em taim ailan i no wok long kisim helpim tumas i kam long Nesenel Gavman.
 Ol ripot i tok grup we i karimaut ol wok na tromoi bikpela mani em long AusAID, Nu Silan, Yunaitet Nesens Developmen Program, Yuropien Yunien, ol siosn na ol arapela moa ovasis helpim grup.
 Opis bilong Sentrel Bogenvil Distrik edministresen long Arawa i tok nupela bel isi gavman bilong Bogenvil em long Bogenvil Pipels Kongres (BPC) bai i go pas long ol toktok bilong stretim ol fanding pekej long Nesenel Gavman bilong helpim ol wok bilong stretim na kamapim gutpela sindaun long Bogenvil.
 Em i tok tu olsem antap long ol arapela projek we em i sapatim AusAID i givim bikpela helpim long sait bilong trenspotim ol lida

long fomim BPC na tu long ol arapela wok bilong kamapim bel isi pasin. Ol i kisim tu ol yut long senso na mobail somil projek. Tasol ripot i tok em i save hat liklik long redim na stretim ol pepa wok(sabmisen) bipo ol i tok oraitim ol fanding bilong ol projek. Na ol i save kisim taim long wet long oraitim ol sabmisen.
 Wanpela Nu Silan Non Gavman Ogenaisesen grup OXFAM i helpim ol yangpela bilong Sentrel Bogenvil i kisim trening long stretim ples na tu kisim save long wok kapenta, mekanik na ol kain wok olsem we bai helpim ol long ples.
 Ripot i tok nau yet, OXFAM i trenim 15-pela yangpela man long dispela wok long Arawa.
 Narapela NGO grup bilong kantri Austriai wok long toktok wantaim ol komyuniti long ailan long kirapim ol vokesenel trening senta. Ol i laikim ol pipel yet i tokaut long wanem helpim ol i laikim na ol (Bogenvil) tu i mas redi long helpim ol yet pastaim.

Wewak Plis holim stilman

PLIS long Wewak i holim na sasim pinis tripela yut long sas bilong stil wantaim samting bilong pait.

Plis i no tokaut long nem bilong ol tasol i tok olsem ol dispela tripela man i bin sanap long rot wantaim wanpela gan na i bin stapim wanpela PMV klostu tasol long Wara Pasi.

Dispela hevi i bin kamap tupela wik i go pinis. Plis i bin kisim ripot na i go kamap long ples Tangori na wantaim helpim bilong ol pipel na ol komyuniti lida, plis i bin holim pas dispela tripela bikhet man.

Long wankain taim tripela man i bin holim pas wanpela wokman bilong Medikal Rises Institut (MRI) ausait long pes blong Papua Niugini Benking Korporesen long Maprik na ronawe wantaim sampela mani. Plis i no save amas mani ol i stilim.

Sir Somare rausim spak brus long Kaup

GAVANA bilong Is Sepik Provins Sir Michael Somare long las wik i go pinis i bin putim long han bilong Wewak Plis sampela plastik bek i gat spak brus we em i bin rausim long han bilong ol yut long Kaup ples insait long eria bilong em yet long Murik Lakes.

Ripot Wantok i kisim long Wewak plis i tok olsem Murik Lakes eria em i wanpela eria we ol yut long Is Sepik na ol narapela provins tu i save yusim nambis long wokabout na karim spak brus i go insait long provins.

Tasol Wantok i bin raun long rot long Wewak na i bin painim aut olsem i no olgeta bilong ol dispela spak brus i save kamap long Wewak. Sampela bilong ol dispela spak brus i save go long nambis bilong Murik Lakes eria i save stap bek gen long ol ples insait long dispela eria, bilong wanem ol yut bilong sampela ol ples arere long nambis bilong Murik Lakes eria i save paitim na raunim husat man i karim spak brus na save kisim spak brus long han bilong ol.

Sir Michael husat i luksave long hevi bilong spak brus insait long provins na tu long eria bilong em long Murik Lakes i bin go lukluk raun long ples bilong em na i bin toktok long ol pipel na yut bilong ples bilong em na ol yut i bin givim mariwana we i stap long han bilong ol i go long Sir Michael.

Provinsal Plis Komanda bilong Wewak Mista Kabilo i amamas long wei Gavana Sir Michael i mekim long stapim hevi bilong yusim spak brus krangi insait long provins na askim tu ol narapela nesenal, provinsal, lokal na Komyuniti lida long long mekim dispela kain gutpela wok.

Em i tok, plis tasol i no inap stapim hevi bilong spak brus insait long provins na i nidim olgeta gutpela komyuniti lida na komyuniti olgeta long helpim long wok bung wantaim plis long wokim kamap gutpela ples bilong olgeta long stap.

Wewak taun kaunsel i no kisim mani

FUZO PAUL i raitim

OL kaunsel bilong Wewak Taun Lokol Level Gavman i no kisim yet mani bilong ol klostu olsem foapela mun nau.

Long dispela as hevi i bin kamap antap long BMS het kwata long Kreer Highs wei sam-

pela ston i bin flai i go antap long ol opis bilong BMS het kwata.

Hevi i bin kamap long Fraide 2 Jun, bihain tasol long ol kaunsel i painim aut olsem ol mani bilong ol i no redi long ol i kisim.

Ol kaunsel i tokim Wantok long Wewak olsem dispela mun Jun nau em bai wokim namba 5 mun na ol i no kisim mani bilong ol stat long Januari yet i kam inap

nau. Ol i tok ol bik bos bilong ol i kisim K600 bilong ol long pot nait na liklik K50 bilong wod kaunsel long mun em ol i no inap long stretim na givim ol.

Ol i tok ol pipel i mas save olsem wanem provinsal tresera i wokim wok bilong em o nogat na bilong wanem as na mani bilong ol kaunsel i no redi inap foapela mun olgeta nau.

Ol kaunsel i tok i gat bikpela toktok i stap pinis long rausim provinsal tresera, bilong wanem, i no wokim wok bilong em. Long dispela as ol kaunsel i askim provinsal administreta o departmen bilong treseri long tokim ol trupela na kliapela toktok long wanem samting i wok long kamap nau insait long pasim bilong lukautim kaunsel.



• Hevi bilong smokim spak brus i go bikpela long Is Sepik provins. Olsem na ol plis bilong Is Sepik i askim olgeta lida, ol sios, NGO na komyuniti long wok bung wantaim plis long stapim dispela hevi. Foto: Paul Fuzo.

Tupela Kubalia man kalabus long spak brus

OL manmeri i save salim spak brus insait long Is Sepik Provins i gat kainkain wei na save bilong kisim spak brus i go insait long provins. Tasol planti ol dispela rot na save bilong ol em plis long Wewak i save pinis.

Ripot Wantok i kisim long Wewak plis i tok, ol baksait rot olsem long Bogia na bihainim nambis i go olsem long ol ples long Murik o bihainim Sepik i go antap long Angoram na go daun

long Wewak em wanpela rot we Wewak plis i lukluk long em long stapim ron bilong spak brus long go insait long provins. Rot bilong sip na balus tu em Wewak plis i wok nau long putim strongpela ai long em.

Bihainim tasol dispela lukaut bilong plis long ron bilong spak brus i go insait long provins, plis long Wewak i holim pas tupela yut long Kubalia, Is Sepik Provins long Wewak ples balus

long Sande tupela wik i go pinis. Dispela tupela yut i bin gat bek pulap wantaim spak brus we i redi pinis long smukim na salim.

Plis i bin holim Freddy Itetep husat i hapkas waitman na Is Sepik na i gat 16 krismas na poroman bilong em Cris Galakil husat i gat 15 krismas. Tupela wantaim i kam long liklik ples Suandogum insait long Kubalia.

Tupela yut ya i kisim spak brus long Goroka na kalap long balus

na go daun olsem long Wewak taim plis i holim pasim tupela long ples balus.

Plis i bin sasim tupela na tupela wantaim i bin kamap long Wewak Distrik Kot.

Kot i bin painim tupela wantaim i asua long sas bilong karim spak brus na Wewak Distrik Kot i kalabusim Freddy Itetep long wanpela yia na poroman bilong em Cris Galakil em kot i kalabusim em long 10 pela mun.


BIG

Paradise

HIGHWAY BEER



Madang Nius



Madang Redkros i sot long blut

JOHN DAU i raitim

MADANG Retkros i sot long blut na moa sik mama na pikinini i nidim blut o nogat bai o l i dai.

Het bilong Retkros long Madang, Lapan Mangal i tok 10pela mama husat i laik go long operesen i nidim tru blut na moa

olsem 100 sik manmeri na pikinini long olgeta wik i sot long blut olsem na sampela i save dai.

"Retkros i no wanpela bisnis we ol i save wokim mani. Mipela save wokim dispela wok long helpim ol manmeri husat i nidim tru helpim long blut." Mista Mangal i tok ol i painim hat long kisim blut long ol ples insait long Madang tasol ol

skul wok long helpim liklik.

Long Mande ol i kisim 18 bek tasol long Madang Teknikal Skul tasol em i no inap bilong wanem ol i gat moa ol sikmanmeri na pikinini husat i sot tru long blut.

Ol ples insait long Not Kos long Madang eria i bin givim tupela bek blut tasol long las wik na Mista Mangal i tok dispela em i no gut-

pela pasin tumas. Em i tok olsem planti long ol ples manmeri i no laik long givim blut bilong wanem ol i tok olsem haus sik wok long sasim ol bikpela mani long haus sik fi.

"Mipela ol Retkros i kisim blut fri na olsem na mipela i save tokim haus sik long noken sasim ol sik manmeri husat i sot long blut."

Mista Mangal i tok aut olsem ol pipel long kantri mas luksave long wok Retkros i mekim na helpim arapela. Long las wik em bin nam-bawan taim em i rait i go long ol haus lotu askim ol long givim blut na em i kisim sampela tok orait long AOG, Gospel Lighthouse na Lutheran long kisim blut long olgeta Sande.

VAT
VALUE ADDED TAX


Internal Revenue COMMISSION

INFO 16

PRAIS BILONG OL KAIKAI INO NAP IGO ANTAP TAIM VAT I STAT.

PASTAIM LONG VAT

BIHAIN LONG VAT



BIHAIN
LONG JULAI
1ST 1999
YU BAI BAIM
10%
VAT TASOL

NAU YU
WOK LONG
BAIM MOA
LONG **20%**
TAKIS

OL WOKIM VAT OLSEM EM INOKEN GIVIM HEVI LONG OL GRASSROOT FAMILI

Wanpela stoa long Madang i paia

PAIA i bin kukim wanpela tred stoa long Niutaun insait long Madang long Sande las wik.

Kamuga tred stoa i lusim haus na olgeta stoa taim paia i stat long stoa rum bilong em long Sande nait.

Paia Sevis Komanda bilong Madang Samson Polly i tok olsem ol lain i stap long haus i bin tok-save taim paia i kamap tasol paia i no inap stapim long wanem i bin gat strongpela win long dispela taim na tu ol i bin sot long wara.

Em i tok paia i ron hariap tru insait long stoa long we win i bin go tasol ol i bin laki long kamap long taim long banisim paia bai paia i noken kukim woksap.

Plis wok long painim ol lain husat i wok long lukautim haus long taim bilong paia.

Ol i no save long as bilong paia tasol plis wok long painim aut yet.

Mista Polly i tok paia sevis i nogat mani yet i kam long Madang Provinsal Gavman long stretim ol wari bilong paia sevis long redi long kain samt-ing long bihain taim.

Plis holim tupela kalabus

LYDIA KAIA i raitim

PLIS i holim tupela man long 27 man husat i bin ronowe long Beon haus kalabus long Madang. Dispela tupela man i tok, ol i bin ronowe long haus kalabus bikos ol i no bin amamas long we Madang gavana Jim Kas i bin kam aut long haus kalabus.

Madang Provinsal Plis Komanda, Benjamin Simanjon i tok plis i bin ketsim Tobias Bajap Niambai na David William Jambi long 9 Me na 12 Me.

Tupela man i tokim plis olsem 27 kalabus man i plen long ronowe long haus kalabus blong protest long we kot i larim Jim Kas kam aut long haus kalabus bihain long em i bagarapim gutpela ron bilong wanpela balus long Madang ples balus.

Dispela 27 kalabus man i ronowe long haus kalabus bihain long ol i ronim ol wokman long haus kalabus na stilim tripela gan na wanpela ges gan.

Plis i bin holim narapela tupela man blong Is Sipik provins. Plis holim narapela tripela man tu bikos ol i bin haitim na lukautim ol man husat i bin ronowe long haus kalabus.

Madang Provinsal Gavman i helpim ol plis wantaim kaikai inap long K700 kes mani bilong wokim wok bilong painim ol dispela man husat i ronowe long haus kalabus.

Mista Simanjon i tokim ol sios lida, komyuniti lida na tu wantok bilong ol dispela man i ronowe long kalabus long helpim Koreksenenel Institusen Sevises long painim ol narapela 25 kalabusman husat i bin ronowe.

Mista Simanjon i tok sampela ol dispela man husat ronowe long kalabus i bin go long ol sampela famili long Niutaun na Sisiak long painim kaikai, wara na klos.

Long narapela stori, plis i bin holim pas 5-pela man bikos ol i bin holim paswanpela kar taim em i stap long baim ol kokonas long Milinat, klostu long Alexishafen. Plis bin sasim ol dispela man long holim kar pas kar na tu karim gan.

Plis holim pas narapela 4 pela man tu long Trans-Gogol blong wanem ol dispela man i bin holim pas ol man meri long Naru karanas ples.



Hailans Nius

Enga haus redi long op

NUPELA Enga Provinsal Gavman haus bai op long mun Ogas long dispela yia.

Dispela tri-stori haus em wanpela bikpela haus nau i sanap pinis long Wabag taun. Haus ya bai ol i opim long taim bilong Enga Kalsarel so.

Nau ol wok lain i putim ol kabod, tebol, sia na ol narapela samting bilong opis. Provinsal Gavman i bin putim K5 milien na Niugini Building Supplies kampani long Hagen i wokim dispela haus.

Ol kain kain divisen bilong Dipatmen ov Enga na Enga Provinsal Gavman bai stap long dispela nupela opis.

Gavana Peter Ipatas i kisim ki bilong dispela haus long han bilong bikpela bos bilong Niugini Building Supplies aste.

Kampani i kisim tupela yia long wokim dispela haus bilong Enga Provinsal Gavman. Long mun Septemba long dispela yia, ol bai surikim gen namba tu hap bilong dispela nupela haus bilong Provinsal Gavman. Mista Ipatas i tok, Provinsal Gavman bai putim K7.5 milien long joinim na wokim semba bilong Provinsal Asembli na sampela moa opis bilong Provinsal Gavman na Dipatmen bilong Enga.

Taim narapela haus ol i surikim i pinis, olgeta gavman wok manmeri bilong Provinsal Gavman na Enga Dipatmen bai gutpela opis long wok na givim sevis i go long ol pipel.

Singaut long ol memba long wok bung

PIUS MON i raitim

YAMKA komyuniti long Hagen i askim olgeta memba bilong Westen Hailans husat i stap long Nesenel Palamen long sapotim Gavana, Pater Robert Lak long developim provins. Yamka komyuniti i stap long Maunten Ambra, ausait tasol long Hagen siti.

Maus man bilong ol. Jacob Popna i tok Pater Lak i gat gutpela driman long kirapim provins na em i singaut i go long ol narapela memba bilong palamen long wok bung wantaim gavana.

Mista Popna i laikim bai Memba bilong Hagen, Paul Pora long joinim Pater Lak long gavman bai tupela i ken wok wantaim long developim provins. Em i tok, gavman bilong Pater Lak em bilong ol liklik manmeri long provins na sapos i nogat sapot long ol narapela memba bilong palamen, ol pipel bai i no inap kisim gutpela sevis bilong gavman.

Long wanpela wokabaut bilong Gavana Jenerel bilong PNG, Sir Silas Atopare long dispela taim, em i amamas long ol gutpela wok Pater Lak i kirapim long provins.

"Mi tenkim gavana bilong yupela long ol bikpela wok em i kirapim long provins na olgeta manmeri mas sapotim em na wok wantaim.

"Westen Hailans i go pas long wok agrikalsa na mi askim yupela long kamapim moa samting long provins bilong yupela," Sir Silas i tok.

Lotu o vot long Isten Hailans

PETER MAIME i raitim

SAPOS Isten Hailans i vot long Sarere long dispela wik, klostu long 60,000 pipel bai stap long haus lotu na i no inap vot long dispela taim.

Sarere em sabat de bilong ol pipel husat i save lotu wantaim Seven De Edventis Sios (SDA).

Sarere 14 Jun, 1999 em de llektorel Komisn i putim long ileksen progrem olsem namba wan de bilong kisim vot.

Isten Hailans i go long ileksen bihain long olupela memba na gavana, Peti Lafanama i lusim sia bilong em long Suprim Kot.

I gat 26 kendidet i resis long dispela ileksen. Isten Hailans em SDA provins na klostu long

60,000 pipel i stap long dispela lotu.

Presiden bilong Isten Hailans na Simbu SDA Misin, Peter Oli i tok Sarere i no gutpela de bikos olgeta lain bilong em bai go lotu. Em i tok, sapos llektorel Komisn i surikim taim i go long Sande o Mande bai i orait long ol long vot.

Sapos llektorel Komisn i harim singaut bilong ol, em bai surikim vot i go long Mande. Sande tu i no gutpela de bikos planti bilong ol narapela sios bai go lotu long dispela taim.

Asisten Provinsal Ritening Opisa, Frank Gabi long Goroka i tokim *Wantok* olsem olgeta samting bilong ileksen i redi na ol ileksen tim i sambai tasol long go long ol distrik long Sarere. I gat 125 ileksen tim long go long

olgeta hap bilong provins long kisim vot.

Tasol em tu i gat tupela tingting long ol lain husat i lotu long SDA Sios.

Wanpela komiti i stap pinis na ol bai bung namel long dispela wik long stretim sampela bilong dispela ol wari na hevi ol i gat.

Balot pepa ol i skelim pinis na ol bai salim go long wan wan distrik long mak bilong pipel husat i stap long komon rol buk. llektorel Komisn bai yusim 1997 nesenel ileksen komon rol. Ol balot pepa bai i go long ol distrik long tumora.

Provinsal Ritening Opisa, Kala Rawali i tok long las wik olsem ol lain husat nem bilong ol i no stap long komon rol bai i no inap vot. Ol i putim namba pinis long ol balot bokis na salim i go

long ol 8-pela distrik bilong provins.

Long sait bilong trenspot, llektorel Komisn bai hairim 102 ka, wanpela helikopta bilong NationAir na wanpela balus bilong Sama Institut ov Linguistik long Umkarumpa klostu long Kainantu.

Helikopta bai ron long ol ples i nogat rot na tu enjin balus ya bai go olsem long Obura-Wanegara distrik.


Ol pipel bai kisim tupela wik olgeta long vot. Vot bai pinis long 3 Julai, 1999.

Isten Hailans bai i gat wanpela memba pinis, taim Nesenel Palamen i bung long 13 Julai.

Kainantu llektoret tu i stap long bai ileksen na bai vot bihain long Julai 13 na pinis long Ogas 5, 1999.

• LEPHAN: Telikom Menesing Dairekta, Thomas Tulin i tokim ol pipel bilong Simbu long lukautim ol masin Telikom i putim long provins.

• ANINIT: Telikom Bod Siaman, Peter Anspil i traime ring aut long nupela telepon sistem bilong Simbu.



Simbu kisim gen telepon sevis

Simbu Provins i kisim pinis nupela telepon sevis.

Nau ol pipel na bisnis haus bai painim isi long salim na kisim toktok long narapela hap bilong kantri na wol.

Ol bikman bilong Telikom i bin stap long Kundiawa long las wik Fraide long opim dispela nupela masin bilong telepon.

Simbu Provins i bin gat komyunikesen blek aut klostu wan yia bihain long ol man nogut i bagarapim ol Telikom masin long Maunten Kerigomna.

Telikom i putim wanpela nupela masin o dis bilong telepon ol i bin baim long Israel. Nem bilong dispela masin em 'DMS10 Digital Exchange' na ol i sanapim insait long Kundiawa taun.

Dispela nupela masin inap long karim 1152 telepon lain na 350 kastoma i kisim telepon lain pinis long Fraide.

Telikom i bin yusim K3 milien long baim dispela nupela masin na tok olsem em i gat bilip long ol kastoma na bai wok yet long givim gutpela sevis i go long olgeta hap bilong kantri.

Telikom i singaut i go long ol pipel bilong Simbu na tu long PNG long lukautim ol masin em i sanapim long helpim ol pipel.

Ol bikman husat i stap long dispela bung bilong opim nupela telepon sistem em Siaman bilong Telikom Bod, Peter Anspil, Menesing Dairekta bilong Telikom, Thomas Tulin, Simbu Rijinet Memba, Pater Louis Ambane na Karamui Nomane MP, Simeon War...



BOROKO MOTORS
Heading for the future!

Waigani drive & Cameron road Gordons Phone: 325 5255

Namba wan yus kar dila insait long Papua Niugini taim yu laik baim nupela yus kar bilong yu, noken abrusim namba wan yus kar dila bilong yu. Boroko Motors long Pot Mosbi i go pas long salim ol yus kar long 6-pela mun olgeta. 100 lain i baim ol yus kar i no inap mekim asua. Joinim ol arapela na baim gutpela kar.



SEDANS - WAGONS - UTILITIES - DUAL CABS - COMMERCIAL TRUCKS - 4X2 AND 4X4'S



BANK OF PAPUA NEW GUINEA

THE NEW 50 KINA POLYMER BANKNOTE


NUPELA 50 KINA PLASTIK MONI

50 KINA PLASTIKI MONI MATAMATANA

The Bank of Papua New Guinea will issue a new 50 Kina polymer banknote. This banknote incorporates advanced security features to help protect our currency from counterfeiting, and retains many of the familiar design elements of the paper banknote. Please take a moment to become familiar with the security features detailed below.

Benk bilong Papua New Guinea bai kamapim nupela 50 Kina plastik moni. Dispela moni i gat ol nupela sekuriti mak bilong helvim lukaut long ol GIAMAN MONI. Na tu, dispela nupela 50 Kina plastik moni i gat wankain ol mak olsem i stap pinis long pepa moni. Plis luksave gut long ol sekuriti mak mipela i stori long daunbilu.

Papua New Guinea ena Banika Badana ese 50 KINA PLASTIKI moni matamatana beha lasiamu. Ina moni lalonai na sekuriti toa matamatadia danu mimia, ita ese baita ita tao MONI KOIKOIDIA GARIDIA. Ina 50 KINA PLASTIKI moni laulauna toadia momo na 50 KINA PEPA monina ida hegeregere. Ina moni matamata ena sekuriti toadia na henu kahana ai - Mani emui kara ba itadia namonamo.



**FRONT
PES
VAIRA**



**BACK
BAKSAIT
MURI**

LOOK FOR THESE FEATURES

FRONT

- Slightly raised printing "50", National Crest, Legal Tender clause and words "Bank of Papua New Guinea"
- Offset printing (flat printing) used for multi-coloured patterns
- See through front to back shape (when held up to light), register to form a cross
- Slightly raised printing of Parliament House, with micro printing of words "50 Kina"
- Shadow image of BPNG Logo (viewed when held up to light)
- Clear window with printed Bank logo and "50 PNG" micro lettering
- Embossed "50" numeral in clear window
- Optical thread "PNG 50", viewed when held to the light (both sides of the note)
- Signatures fluoresce when viewed under UV light
- Serial numbers fluoresce when viewed under UV light
- Invisible fluorescent "50" numeral patch, visible under UV light

BACK

- Slightly raised printing of Michael Somare
- Slightly raised printing of "50", kakar spears, and micro-printing of "Papua New Guinea"
- Slightly raised printing of head-dresses from several provinces
- Latent image of "50" which appears when viewed from an angle close to horizontal
- Visible fluorescent pattern, visible under UV light

LUKLUK GUT LONG OL DISPELA SAMTIN

PES

- Namba "50" Nesenel Mak bilong Papua New Guinea na toktok olsem "Legal Tender Throughout Papua New Guinea" na "Bank of Papua New Guinea" i stap antap liklik na i kamap klia.
- Level printin i mekim kamap ol kainkain kala.
- Taim holim antap long lait na lukluk long pes i go long baksait dispela mak "+" (kros) bai kamap.
- Piksa bilong Palamen Haus na rait bilong "50 KINA" yu nap lukim klia sapos yu holim klostu long ai bilong yu.
- Piksa bilong BPNG yu i nap lukim taim yu holim antap long lait.
- Klia plastik windua wantaim BPNG Mak na nem "50 PNG" ol i raitim liklik tru.
- Namba "50" kamap gut tru long klia windua.
- Taim yu holim long lait bai yu lukim wanpela lain. Dispela lain i gat liklik rait bilong "PNG 50" i stap long en.
- Signature i soaut tru aninit long U.V. lait (Blupela Sekuriti Lait).
- Namba bilong moni i soaut gut tru, aninit long U.V. lait (Blupela Sekuriti Lait).
- Namba "50" yu nonap lukim tasol bai i soaut gut tru aninit long U.V. lait (Blupela Sekuriti Lait).

BAKSAIT

- Piksa bilong Michael Somare i stap antap liklik.
- Namba "50", Sup Sup bilong Kakar, na nem "Papua New Guinea" i stap antap liklik.
- Ol bilas bilong het bilong sampela provins i stap antap liklik.
- Namba "50" i stap hait, i ken kamap taim holim level wantaim ai bilong yu.
- Ol narakain makmak i soaut gut tru aninit long U.V. lait (Blupela Sekuriti Lait).

INI TOA NA BA ITADIA NAMONAMO

VAIRA

- Ehetore gaudia "Imahui" (50), "Logohu manuna gaba ida", "hahemomokani gauna" (Legal Tender), "Bank of Papua New Guinea" na taidia eheabi isi.
- Asi ehe abi isi eiava muri laulaudia na kala momo bona laulau toretore idauidau ai ehalasidia.
- Vaira bona Muri, bema diari kahanai ba dudua isi neganai barohaia uru-korosi (+) na heto.
- Hebou rumana badana (Parliament) laulauna mai "50 Kina" revareva maragi maragidia ida na taidia eheabi isi.
- PNG Banika badana ena revareva kwaranai ehetoremu laulauna (Logo) na mia, bema diari henunai ba dudua isi neganai.
- Roha hanai gabamuru raonina ta na mia, lalonai na PNG Banika badana ena revareva kwaranai ehe toremu laulauna (Logo) bona "50 PNG" revareva maragi maragidia na mimia.
- Roha hanai gabamuru lalona ai "50" danu ehetore vareai.
- Vaira bona Muri, diari kahanai ba dudua isi neganai "PNG 50" ehetore varo maragi maragina ta latana.
- Saini makadia na bae kiama bema paoa kala diari (U.V. light) henuna ai ba itaia neganai.
- Numera danu bae kiama bema paoa kala diari (U.V. light) henuna ai ba itaia neganai.
- Imahui "50" na ehetore to basio itaia diba, a bema paoa kala diari (U.V. light) henunai ba dudua isi neganai ba itaia diba.

MURI

- Michael Somare laulauna na sisina ehe abi isi.
- Imahui "50", "Kakar edia io" bona Papua New Guinea ehetore maragi maragi revarevadia danu sisidia eheabi isi.
- Kwara heradia laulaudia gabu haida arno danu sisidia eheabi isi.
- Imahui "50" na baine hedinarai bema bavabia palaka neganai.
- Laulau toretore dia haida na bekia ma mu bema paoa kala diari (U.V. light) henuna ai bavatoa neganai.

Katekis Tomba pinis wok

JOE WAK i raitim

WANPELA longtaim katekis bilong Tabuga Paris insait long Nebilyer distrik ausait long Hagen Siti, i bin pinis wok bihain long em i wok longpela taim olsem wanpela katekis.

Katekis Markus Tomba husat nau i winim 67 krismas i pinis wok olsem katekis long las wik Sande we 300 manmeri i go na tok tenkyu na givim presen long em bilong makim maus bilong tripela paris insait long Hagen.

Lapun Tomba em i lida bilong ol komyuniti long Kulga lain wanpinis i go long katekumen skul long Ulga Paris long yia 1948 taim Pater Joseph Krim i stap paris pris igo inap long 1950 we em i bin komunio na baptais.

Long 1950 Pater Krim yet i bin skulim em long wok katekis tasol em i no save rit na rait. Bihain long skul bilong em pater i salim em i go long wanpela ples, Alimp olsem katekis na em i wok long skulim ol manmeri long dispela hap.

Bihain long 1957 Pater Krim i bin salim Tomba i go long Marapul long wankain wok insait long Nebilyer yet. Em i wok long hap i go inap long 1960. Long 1962 katekis Tomba i go bek gen long Tabuga paris na stap 6-pela yia olgeta.

Tasol em i no givap long wok bilong em. Long 1971 Pater Vick Waiyers i bin salim em i go long wanpela katekis skul long Wabag

na em i stap tupela mun gen long dispela skul.

Bihain em i go bek long Tabuga paris na wok hat long sanapim Tabuga paris wantaim sampela liklik kristen lain long dispela ples.

Mista Tomba i tok long dispela taim, ol i no gat pepa na buk long skulim ol pipel na ol i wok long pasim ol hap pepa long bus rop na mekim nambaut nambaut i stap.

"Long dispela taim mipela i nogat gutpela buk olsem nau yupela i usim, nogat. Mipela i gat ol liklik pepa tasol na mipela i samapim wantaim bus rop na yusim olsem buk," em i tok.


Em i tok moa olsem em yet i no save rit na rait tasol tupela man i helpim em olsem tisa em katekis Benjimen Gukma bilong Wurup paris na katekis Markus Dupi bilong Ulga paris.

"Tupela katekis i no save long rit na rait tasol tupela i wok long shulim mipela long tokples tu taim tupela save tasol i hat long tanim tok long tok pisin," em i tok.

Lapun Tomba i tok moa olsem, i gutpela long ol yangpela i ken kisim ples bilong em na skurim wok i go moa yet.

"Mi bin stap longpela taim olsem katekis na mi pilim olsem mi nogat strong moa long mekim dispela wok. Nau mi lusim long han bilong ol yangpela bilong yumi husat i kam stap hia nau," em i tok.

Taim em i pinis wok lapun Tomba i tok em i no wok katekis long kisim biknem tasol em i bin



• Sampela yangpela meri i singsing bilong amamasim Katekis Markus Tomba long de em i pinisim olgeta katekis wok bilong em olsem wanpela katekis. Foto: Joe Wak.

daunim em yet na litimapim nem bilong bikpela God.

"Mi bin mekim ol dispela hat wok em bilong kamapim ples klia, marimari bilong God na husat manmeri kam bihain long mi, i mas skruim dispela wok i go moa yet," Lapun Tomba i tok.

Paris pris bilong Tabuga paris Pater Don Oconner i tok tenkyu long Lapun Tomba long ol gutpela wok em i bin mekim long taim bipo i kam inap nau.

Pater Oconner i tok ol dispela pasin na hat wok em i bin mekim bipo i kamapim planti gutpela kaikai olsem Tabuga nau i kamap paris na planti katolik manmeri i kamap.

Long soim amamas na tok tenkyu long lapun Tomba, Pater Oconner i bin opim wanpela pasbuk bilong lapun Tomba wantaim K200 mani na Bisop bilong Hagen Asdaiosis, Bishop Michael Meir i putim K300 long dispela pasbuk.

TU MINIT TINGTING

wantaim



Politisen em i wanem kain man?

Ol i stori long papamama i wari long pikinini man bilong tupela. Ol i save em i bai kisim wanem kain wok long taim em i groap pinis. Olsem na wanpela pren bilong tupela i skulim tupela olsem: "Yupela i mas traim laik bilong dispela yangpela boi. Yupela i mas putim wanpela K20 antap long tebol, na wanpela Baibel, na wanpela botol bia. Orait, yupela i mas hait i stap na lukim pikinini bilong yutupela bai kisim wanem samting. Sapos em i kisim K20, bai em i kamap bisnisman. Sapos em i kisim Baibel, em i bai i kamap pris o pasto o katekis. Sapos em i kisim botol bia, em i kamap spakman stret."

Orait, nau papamama i mekim olsem. Tupela i hait i wait i stap Tru tumas, yangpela boi ya kam bek long haus na i lukim tripela samting i slip nating antap long tabol. Em i kisim K20 na i putim long poket bilong em. Em i putim baibel aninit long sangana bilong han bilong em. Na em i holim botol bia, na em i wok-about i go ausait long haus.

Papa i lukluk long mama, na em i kirap nogut na tokaut olsem, "Olabo! Dispela yangpela boi bilong yumi tupela bai kamap politisen stret."

Ating dispela liklik stori i laik tok olsem: politisen i mas gat pasin bilong planti kain manmeri, bai em i inap makim ol gut long palamen. Yes, em i mas painim mani.....tasol em i noken haitim dispela mani bilong poket bilong em yet olsem yangpela boi i bin mekim.

Na long stori, yangpela i kisim Baibel i go wantaim; em i no lusim i stap nating long tebol. Klostu olgeta politisen bilong yumi i Kristen na ol i bilip long gutpela tok i stap long Baibel. Sapos wan wan politisen i baim wanpela liklik Baibel na karim nambaut long poket o hanbek bilong em, ating em i inap painim wanpela tok stia insait long en bilong helpim wan wan dei.

Tasol em i no nap painim dispela tok stia long botol bia o wiski o bakadi. Politisen husat inap bosim botol strongpela dring, em i bai kamap bikpela man long PNG. Yumi PNG i nidim dispela kain man na meri; sori, yumi no gat planti. Man o meri husat i no inap bosim laik em yet, em i no inap bosim kantri.

Boiken Paris selebretim Pentekos wantaim karismatik rali

KEN CHARLES i raitim

OL Katolik Kristen insait long Boiken Paris i bung na stap insait long bikpela Karismatik rali. Dispela rali i bungim moa long 2,000 manmeri na pikinini. Planti ol arapela paris tu i bin stap insait long dispela bung.

Ol bilip manmeri i bin kam long Ulupu, Hawain, Sassoya, Turingi, Yarapos na Dagua. Moa long 20 meri i bin kam longwei tru long Huinga paris long Westen provins wantaim tripela man long dispela rali.

Pasin bilong beten, singsing, na autim laip stori bilong wanwan long save long God i bin tasim tru laip bilong planti manmeri na ol pikinini tu. Dispela i kirapim nupela hangre long tok bilong God, na nupela nek drai long Holi Spirit. Planti moa yet i givim laip bilong ol long Jisas na ai bilong ol i op long luksave long laik bilong Papa God long ol.

Dispela luksave i bringim nupela senis na bel isi bilong God long laip bilong ol. Nau gen planti i klia God na em i papa tru bilong yumi na em ino inap lus tingting long yumi. Karismatik Sevis Komiti i bin igo pas long dispela bung.

Orogen Mineral Ltd i helpim ol sios na Nesenel Laiberi

JASON TAU i raitim

OROGEN Minerals Limited i givim pinis K10,000 i go long Yunaited Sios long Bougainvil na narapela K5,000 i go long Nesenel Laiberi (long Mosbi) long Mande.

Yunaited Sios bai yusim hap skel bilong en long helpim ol wok rehabiltesen long Bogenvil ailen. Dispela mani bai go long karamapim ol kain wok olsem trening, harim na skelim na stretim ol hevi, kirapim ol kain kain bung na toktok, raitim buk na ol arapela stori samting.

Nesenel Laiberi bai yusim K5,000 bilong en

long holim gen Nesenel Buk Wik bilong dispela yia, long namba wan tupela wik bilong mun Ogas.

Pablik Rilesen, Gavman na Komyuniti Afeas menesa bilong Orogen Minerals, Joe Turia i tok dispela helpim ol i givim i go long Yunaited Sios i soim kain strongpela bilip em kampani i gat long wok bilong ol sios na long kirapim, helpim na lukautim ol pipel. Long sampela taim i go, Orogen Minerals i bin givim tu narapela K10,000 i go long helpim wok bilong Bogenvil Sildrens Fan.

"Orogen Minerals i amamas long bikpela wok em sios i mekim long helpim kirapim gen gut-

pela sindaun long Bogenvil ailan," Mista Turia i tok.

Yunaited Sios bisop husat i lukautim Bogenvil rijon Bisop Tutmouna Himata i givim bikpela tok tenkyu na mamas i go long Orogen Minerals long dispela luksave na helpim bilong ol.

"Mipela givim ona long God na tok tenkyu Orogen Minerals long luksave long kain wok sios i mekim long Bogenvil bilong bringim bek gutpela sindaun na bel isi," Bisop Tutmouna i tok.

"I tru olsem i gat bikpela wok i stap yet bilong wokim nupela haus, bris, rot na arapela samting i stap, mipela long sait bilong sait

bilong lotu i strong long wok wantaim laip na tingting na gutpela sindaun bilong ol pipel.

"Mi laik salim bikpela tok tenkyu i go long Orogen Minerals na ol bos bilong kampani long luksave na givim mipela dispela helpim."

Bishop Tutmouna i tok dispela bikpela helpim bilong Orogen Minerals bai helpim tru sios long wok bilong en long taim bringim kwik gutpela sindaun na bel isi i go long ol pipel bilong Bogenvil.

"Mipela askim ol narapela bisnis grup na govman ogenaiesen long luksave long kain helpim Orogen Minerals i givim pinis na mekim wankain samting olsem.

Ol Hagen yut glasim hevi

MOA long 200 yut makim 6 pela paris long Hagen i bin bung long toktok long ol kain hevi ol yut i save bungim long provins.

Ol dispela 6 pela parish em: Ulga, Koibuga, Togoba, Tabuga, Kuruk na Kiripa. Olgeta i bin bung long Ulga Gutnius Senta long Nebilyer.

Insait long dispela lotu bung, pater bilong Simbu, pater George i toktok long mining na pawa bilong diwai kros. Em i tok planti manmeri na ol narapela lotu i les long diwai kros

tasol ol Katolik i save rispektim kruse na makim mak bilong diwai kros.

Pater George i bin tok moa olsem, sevia bilong yumi Jisas Krai i bin dai long diwai kros long baim bek yumi. Em i tok Jisas i bin dai long dispela diwai kros na winim pawa bilong satan na daunim em. Pater George i tok kruse i gat bikpela mining. Em i tok kruse i olsem mak bilong bris namel long yumi ol manmeri long graun na papa God.

"Long diwai kros tasol Jisas i bungim yumi wantaim papa God long heven. Sapos Jisas i no dai long dispela diwai kros, bai yumi nogat laip," em i tok.

Pater George i tok moa olsem husat man o meri i tok bilas o pilai long dispela diwai kros i min olsem ol i birua long Jisas husat i bin dai long diwai kros long baim yumi long blut bilong en. Em i tok yumi i noken sem long dispela diwai kros bilong wanem, Jisas i no sem long karim diwai kros na dai long en.

Long wankain taim pater bilong Tabuga Paris Pater Don Oconner i bin tok strong long ol kainkain spak brus ol yangpela i save kisim. Em i tok olsem ol kain samting olsem spak brus i save bagarapim tingting na save bilong ol na i tok strong olsem ol pipel mas luksave long gutpela na nogut bilong smok na dring.

Pater Oconner i tok moa olsem, God i bin givim yumi gutpela bodi na mas lukautim gut na was long ol bodi.

• Ol mangi bilong Limki setelmen long Lae, i waswas long Bumbu wara. Daun bilo long dispela wara, i gat wampela paip i save karim ol pipia wara na pekpek bilong Lae siti i go na troimoi long Bumbu wara.

• Gavana bilong Morobe Provins, Luther Wenge i go givim toktok long ol pipel Asiki insait long Minyamy distrik. Mista Wenge i askim ol pipel bilong Minyamy long bungim mani bai em i ken baim wampela saveman o savemeri long kotim Nesenel Gavman sapos gavman i givim tok orait long kamapim Veliu Eded Takis long kantri.


Poto stori

wantaim
FRANCO NEBAS

long Lae

Anit: Gavana Wenge i givim ki bilong wampela ten sita plis ka go long bos bilong plis long Lae, Suprintenden Tonny Wogambi. Dispela ka bai helpim Lae siti atoriti long holim pas ol manmeri na pikinini husat i traim long bagarapim ol samting long...

• Ol poto 1, 2 na 3: Gavana Wenge i planim wampela diwai long Baku plai graun insait long Lae siti long Wol Envairnmen de.



Spak brus i go bikpela long Morobe

FRANCO NEBAS i raitim

HEVI bilong spak brus i go bikpela stret long ol ples i stap long boda bilong Morobe Provins na ol arapela provins.

Rurel Plis Kodineta long Morobe Provins, Inspekta Simon Yipam i tok dispela hevi bilong spak brus i go bikpela tru long boda.

Inspekta Yipam i bin mekim dispela toktok bihain long wanpela bung operesen bilong plis fos na ol gavman opisa na ol kaunsel bilong ples. Dispela operesen i kamap long Saidor na Wantoat ples long boda bilong Morobe na Madang.

Dispela spesel operesen i bin kamap las wik bihain long ol ripot i kamap olsem planti yangpela man i save planim na lukautim spak brus long hap. Long dispela operesen, plis i holim pas 22 man olgeta husat i save planim na lukautim spak brus long gaden bilong ol. Inspekta Yipam i tok olsem ol dispela lain ol i kisim i go long Kabwum na bai i go long Lae long kot.

Long wankain taim tu, ripot

i kam long ol arapela boda ples bilong Morobe, Sentrel na Oro provins tu i gat dispela hevi.

Inspekta Yipam i tok long ples Sowera long boda bilong Morobe na Oro provins tu i gat dispela hevi na tu long Garaina na Sentref Provins.

Mista Yipam i tok, "Mi no amamas long ol pipel long dispela ol ples, long wanem mipela ol plis i bin mekim wok awenes long spak brus tasol ol pipel i no harim tok."

"Bai yumi mekim wanem nau, salim ol i go long Buimo, bai ol i go kisim skul long mekim moa trabel we i no gutpela tumas."

Wanpela rot we Mista Yipam i ting i ken helpim ol dispela hevi em, ol bikman o gavman i putim moa mani i go long sios we i ken helpim ol dispela lain.

Inspekta Yipam i tok, "Mi stap wantaim plis fos longpela taim pinis na mi lukim dispela hevi na i no gat senis. Moabeta yumi mas givim mani i go long sios we i ken helpim."

Mista Yipam i singaut strong i go long gavman long luksave long dispela hevi bilong spak brus long kantri.

Philemon salensim ol woda long lukautim ol yet

BUSTIN ANZU i raitim

OL woda long Buimo haus kalabus long Lae i bin kisim strongpela tok salens olsem ol i mas wokim sampela samting bilong ol yet long lukautim ol yet. Long wanem long dispela taim gavman i panim mani long lukautim ol. Ol i kisim tok tu long salim ol haus kalabus i go bek long ol provins.

Memba bilong Lae Open, Bart Philemon i mekim strongpela singaut tu long las wik Fraide olsem dispela wok insait long haus kalabus i bin stap wantaim ol pastaim na dispela i mas go bek long ol gen.

Em i laikim ol woda i mas givim wok didiman na kapenta i go long ol kalabus na tu givim skul long ol lain kal-

abus taim ol i lusim haus kalabus na go bek long ples bilong ol bai ol i ken kamapim gutpela sindaun.

Mista Philemon i mekim ol dispela toktok bihain long em i opim wanpela nupela 12 rum haus slip bilong ol woda meri.

Em i tok olsem ol i mas kamapim dispela ol liklik projek na taim ol i kamap gutpela, ol i mas go lukim Morobe Provinsel Gavman long kisim sampela moa helpim.

Mista Philemon i mekim dispela toktok taim ol haus kalabus insait long kantri i bagarap wantaim hevi bilong mani. Long wankain taim, nesanel gavman i skelim wok bilong stretim ol haus kalabus i go long ol provinsel gavman.

Em i tok, nesanel gavman i mas toktok wantaim provinsel gavman na painim aut wanem rot bai ol i stretim

na bihainim na olsem wanem bai ol i mekim wok.

"Sapos ol i givim wok long provinsel gavman long ronim, orait nesanel gavman i mas givim sampela mani long ronim dispela wok. Ol i no ken mekim olsem provinsel gavman i mas painim mani na ronim dispela ples. Ol i no ken rausim mani long poket bilong ol yet," Mista Philemon i tok.

Wanpela opisa bilong Morobe Provinsel Gavman i tok ol provinsel gavman i paul wantaim dispela tingting. Em i tok maski gavman i toktok long rifom, ol provinsel gavman i tok ol i no bin wokim baset bilong dispela samting na ol i no redi. Sapos nesanel gavman i skelim wok i go long provinsel gavman orait, ol i mas salim sampela mani wantaim pawa bilong mekim wok. Dispela opisa i tok nau yet dispela pasin i no kamap yet.

Philemon opim haus bilong ol woda meri

MEMBA bilong Lae Open Bart Philemon i opim nupela haus slip bilong ol yangpela woda meri long Buimo haus kalabus long Lae las wik.

Dispela nupela haus bilong slip i kos olsem K100,000. Lae distrik edministresen, ananit long 1998 provinsel infrastraksa fan projek i bin putim mani long kirapim dispela projek.

Long dispela taim tu, Mista Philemon yet i putim arapela K10,000 long pinisim dispela projek.

Ol lain husat i bin kamap long witesim dispela seremoni em, Edministreta Ainea Sengere, Lae Siti Plis Suprintenden Tonny Wagambie, ol lain i makim AusAID na ol arapela

pipel. Gavana bilong Morobe provins, Luther Wenge, i no bin stap long wanem em i gat arapela wok long mekim long dispela taim. Komisina bilong CIS, Ken Serupi i no bin kamap tu long dispela bung tasol maus man bilong en, Dominic Tomar i makim em.

Mista Tomar husat i kisim maus bilong Serupi i tok dispela nupela bareks em wankain projek nau i wok long kamap long ol arapela haus kalabus long kantri.

Em i tok wanpela bikpela projek bilong CIS em AusAID i bin putim mani long wokim ol haus long Bomana long Mosbi.

Aninit long dispela projek, Buimo

bai kisim 10 haus bilong ol woda long slip.

Mista Tomar i tok, long wokim kamap gut ples bilong ol woda long slip na wok, em wanpela bikpela tingting bilong ol aninit long tri yia plen bilong ol we i stat long dispela yia.



"Mi amamas long tok olsem AusAID i bin tok orait long karim aut ol askim bilong mipela long wok program bilong CIS long arapela tupela yia," em i tok.

Em i tok mani bilong haus bilong ol yangpela woda meri long Lae em i kam long provinsel gavman na memba bilong Lae. Dispela em i nupela pasin tru ol woda i lukim.

YU GAT NID LONG STRONGPELA KOPI TRAK ? YU YET NIDIM TOYOTA DYNA 3.5 TAN TRAK !



WANTAIM DISPELA FRI BONUS OFA !



Long dispela hap taim tasol Ela Motors bai givim yu fri wanpela Kopi Palpa Masin i gat petrol mota wantaim 100 gutpela kwaliti Kopi Bek, tru prais bilong dispela antap long K2,000... taim yu baim wanpela nupela Toyota Dyna Kopi Trak.

LUKIM BAI YU KISIM WANEM SAMTING !

- ✓ Nambawan strongpela 3.5 tan trak insait long PNG
- ✓ 3700cc Diesel Ensin gat moa powa
- ✓ Longpela wil bes wantaim sait banis we isi long lusim i go daun
- ✓ Strongpela timba tre inap karim draipela hevi
- ✓ 100 lita tenk disel i bikpela tru
- ✓ Kab i op moa inap tripela man
- ✓ Ol lif spring i save hangapim draipela hevi
- ✓ Sen long banis get i mekim isi long rausim kago
- ✓ Ol brek bilong trak i hevi duti na i save winim tru wok brek
- ✓ Toyota i no save bagarap na stap gut oltaim
- ✓ Kab i save go antap bilong mekim isi long taim bilong sevis long woksop

TOYOTA DYNA KOPI TRAK... I STAP REDI BILONG KISIM TUDE

Ela Motors
 **TOYOTA**

GOROKA • PETER ANDERSON • JOE KOMBUK • PH 7321844
MT HAGEN • ERROL DAVIES • RICK LUCAS • PH 5421888
LAE • PERRY HOLLAND • JIM DENBY • PH 4722322

SAUTEN RIJON RIPOT WANTAIM KENNEDY EDENE

38 pipel dai long solwara birua

OL BILIP olsem 38 pipel i lus long Milen Be provins taim pasindia sip ol i stap long en i bin kapsait long Trinde las wik, Jun 9.

Foti tri (43) bilong ol em ol i painim pinis.

Dispela em wanpela bikpela birua long solwara insait long kantri long tenpela krismas.

Pasindia sip i bin karim 81 pipel i lusim Madau Ailan na i wok long go olsem long Iwa Ailan taim em i bungim taim nogut na birua na kapsait. Birua i bin kamap long Belo taim Trinde long Bismak Si namel long tupela ailan ya.

Milen Be Gavana Deim Josephine Abaijah i tok ol

reskyu operesen i stap we ol balus, helikopta na ol arapela sip i wok long raunim wara bilong Milen Be long traim painim ol pipel we i stap lus yet.

Em i tok wanpela long ol pasindia i bin swim moa long 30 kilomita na go sua long Madau Ailan long las Fonde na toksave long dispela birua. Kwiktaim ol i toksave long wanpela nevi bot long dispela samting na em bin go long painim ol pasindia. Ol arapela ami bot na balus i go insait long dispela reskyu operesen bilong painim ol pipel i lus long Milen Be birua ya.

Deim Abaijah i tok taim nogut i mekim hat long wok bilong reskyu operesen yana ol i gat bilip yet olsem i gat sampela

moa pipel we ol i seif tasol ol atoriti i no save yet long ol.

Gavana Deim Josephine i tok ol no kisim kliapela ripot tumas long as bilong dispela birua tasol em i wari olsem nogut bot i bin ovalot na karim moa pasindia ovarim mak bilong em.

"Long longpela taim nau, i nogat wanpela lo we i edresim pasin bilong ovalodim sip na ol hevi we dispela i kamapim, " Deim Abaijah i bin tok. Em i tok ol bot opereta i wok long ovalodim ol bot bilong ol na karim ol pipel na ol no givim bikpela tingting long sefti bilong ol," Deim Abaijah i tok. Dispela bot em ol pipel i save yusim olsem trenspot bilong ol namel long tupela ailan ya.

Rimbunan Hijau bai opim nupela skul long Westen provins

BIKPELA loging kampani Rimbunan Hijau i tok promis olsem em bai kirapim wanpela nupela komyuniti skul insait long Westen provins.

Dispela em long hap we Panakawa Vinia na Plaiwut faktori i stap long en.

Mausman na papagraun bilong Panakawa Vinia na Paliwut Butumi Dumai i tok em i amamas long plen we Rimbunan Hijau i gat long kirapim dispela nupela skul long eria bilong em. I gat pinis plis pos na et pos.

Mista Dumai i tok "em bai gutpela tru long ol pikinini sapos skul i kamap long hia bikos skul we ol pikinini i go long en i stap long longwe hap long Kumusi na em i save kisim tupela de long wokabaut na go kamap long en.

"Em bai i mekim isi long ol pikinini bilong mipela long kisim save klostu long ples bilong ol na tu long ol papamama bilong ol. Em i tok tu olsem ol pipel bilong ol ples olsem Bibisa, Agalo, Matakale, Diwame na Sipot bai benefit long dispela nupela fektri.

Ol man husat i save wok long fektri wantaim ol masta ol i kam long ol arapela hap olsem Daru, Balimo, Galp, Simbu, Kiunga, Westen Hailans, Sauten na Enga provins.

Long las mun, 15pela meri bilong hailans i bin kisim wok long fektri ya.

Mista Dumai i tok ol wok manmeri i amamas long wok long dispela fektri.

Wok long larowari bris bai pinis long mun Septemba

KONSTRAKSEN wok long nupela dabol lein larowari Bris klostu long Sogeri maket na i

stap samting olsem 30 kilomita ausait long Pot Mosbi siti i go het gut tasol.

Wok long dispela bris inap long pinis long las Desemba long dispela yia Janueri tasol konstraksen kampani Nawae Ptyna ol projek enjinia bilong Willing na Patnas i bin bungim sampela hevi taim ol papagraun long hap we bris i sanap long en i stapim projek na singaut long kompens-esen peimen. Olsen na wok i bin stop tupela taim long las yia. naraepla samting tu em planti ren i bin pondan long Sogeti eria las yia na hai wara i bin bagarapim hap we wok i kamap long en.

Ol i disainim bris longv kisim ol 44 ton hevi trak, ol bikpela na ol liklik ka long en. Nau yet, kampani Cardno davis bris projek enjinia i tekova long olgeta enjinia wok we long pastaim, Willing na Patna i wok long mekim. Wok long bris bai i pinis long Ogas na Septemba samting bilong dispela yia.

Ol i bildim bris ya aninit long AusAID bris riplermen na apgetim projek fanding we i kostim K1,121,622.

Philemon opim etpos na skul long Woodlak na Budibudi Ailan

MEMBA bilong Samarai-Murua Titus Philemon i salensim Provinsel na Nesenel Gavman long lukluk gut na inapim samting i stap long mama lo we i toktok long olgeta pipel long kantri i mas kisim wankain skel o benefit long ol samting insait long PNG.

"Bihain long 23 krismas kantri i kisim independent na klostu nupela milenium i kam, ol pipel bilong yumi i wetim yet long kisim ol besik sevis we mama lo i tok promis long en, " Mista Philemon i tok.

Em bin wokim dispela toktok taim em i opim sampela nupela projek insait long ol ples longwe na ol liklik ailan Budibudi we i stap long ilketoret bilong em.

Em i tok maski populesen i no bikpela o ples i stap longwe tru, em i wok bilong gavman long lukim olsem ol pipel i kisim sevis.

Projek we memba i bin opim long Budibudi em long wanpela dabol klasrum, haus tisa, etpos na wanpela haus slip bilong etpos odali. Misima Mains i bin wokim na fandim aninit long Teks Kredit skim bilong ol.

Mista Philemon i bin givim tu sampela samting olsem moskito net, sekon hen klos beil, ol sekon hen laplap na ol fising lain i go long ol pipel.

Long dispela wokabaut i go long Budibudi Ailan Mista Philemon i bin gat sans long visitim Guasopa Gavman stesen insait long Woodlak Ailan grup na prisenim K10,000 sekmani long eria manesa bilong Murua Lokol Level gavman kaunsil bilong helpim kaunsil wantaim ol edministretiv wok bilong em. Em bin givim tu wankain mani mak i go long tripela arapela kaunsel insait long Samartai-Murua ilektoret bilong em. Ol mani ya i kam

aninit long Diskreseneri fans bilong memba ya.

Budibudi Ailan i stap longwe long Solomon Si na boda bilong PNG na Solomon Ailans. I gat 200 pipel long dispela ailani stap. Bikos em i stap longwe tumas, ol gavman opisa na ol atoriti i no save go tumas long en. Na ol pipel i no save kisim gut gavman sevis. Ol pipel i holim strong yet long pasin tumbuna bilong ol na ol i save kaikai long ol kokonas, pis na ol arapela kaikai bilong solwara, ol wail nat, prut na mangro we solwara i save kisim na putim long nambis. Ol pipel i save lukim ol ausait lain i raun long ol liklik bot na ol Taiwanis fising bot husat i save go long ol dispela liklik ailan olsem.

Long kambek bilong memba em bin opim wanpela etpos, elementeri skul klasrum na tu komisanim risetelmen muvmen bilong ol pipel long Nasikwabu Ailan.



• Michelle Magi bilong Milen Be, i wanpela Gret 4 sumatin long Gerehu Praimeri skul i bilas long tumbuna stail na kisim namba wan komyuniti. Foto: Wenceslaus Magun.



YU GAT OL DISPELA HEVI O NOGAT?

- Nogat weahaus spes - Hevi long sekyuriti - Nogat kolstoa rum

Orait, Mipela i gat ansa bilong yu!

SIPING KONTENAS - DRAI NA I GAT FRISA

Contact:

Elizabeth Zarb, "THE CONTAINER LADY", Trade Corp International, Ph: 05 617 4956 6162 Fax: 05 617 4956 6501, Email: tradeco@easynet.net.au

Viles teknoloji em i wanem samting?

ROSA KOIAN i raitim

OL lain i wok long eria bilong apro-priet teknoloji i bungim pinis planti kain askim olsem: Wanem samting tru em apro-priet teknoloji. Em wanem kain samting tru ya? Na yumi ken askim tu bilong wanem na sampela lain long bus ples long Papua Niugini i mas mekim wara tenk bilong ol ferro simen taim ol lain long taun i kisim wara long tep

tasol? Bilong wanem ol didiman-meri i soim yumi rot bilong givim gris long graun wantaim pekpek bilong kakaruk taim yumi ken baim fetelaisa long didiman stoa?

Apro-priet i min olsem dispela ol wok o samting i gutpela o i go wantaim ol pasin na sindaun bilong ol pipel long wanpela ples. Em i min dispela ol wok kamap i sut stret long ol nid bilong ol pipel. Na tu bai ol pipel bai i yusim na i no lusim i stap nating.

Yumi tingim wanpela roket i go long skai, em i no apro-priet long

planti bilong yumi long Papua Niugini. Tasol kar yes. Tasol sapos i nogat rot, dispeal kar tu i nogat yus long yusim.

Apro-priet teknologi i minim dispela teknologi we i no dia tumas, na i isi long ol pipel i gat liklik save i ken wokim na yusim.

Yumi lukluk long haus. Long taun yumi lukim planti bikpela haus i sanap. Ol i wokim long kainkain samting, planti i kam long narapela ples.

Ol samting olsem ain, kapa o glas bilong banis na simen. Insait

i gat lait na wara na kainkain samting i stap. Tasol dispela liklik man long ples i nogat mani o kain ol samting olsem bilong wokim haus bilong em. Olsem na em i tok maski bai mi stap olsem tasol.

Tasol lukluk raun long ples, yu ken lukim i gat diwai na wara na wesana i stap. Ating yu gat gaden kopi o kokonas.

Na moa yet yu yet i laik wokim wok. Yu luksave long dispela olgeta samting pinis tasol yu sot long save.


I gat ol save man na komyuniti

developmen woka i stap. Painim ol na toktok wantaim ol long plen bilong yu. Singautim ol i kam lukim ples bilong yu.


Dispela saveman o komyuniti developmen woka nau bai i glasim tingting bilong yu na i kamap wantaim sampela plen bilong wok.

Plantu taim, taim yumi tingting long apro-priet yumi ting - o dispela samting i mas kam long ovasis.


Tasol yumi no luksave olsem yumi ken yusim wanem samting i stap long ples bilong yumi long stretim sindaun bilong yumi.



• 1a. Rem pam, em i wok olsem: planti wara i pulap long sotpela bikpela paip (B). Dispela i tanim rem pam (R). Hap wara i go antap long liklik paip (L). Bikpela wara i mekim wok oinis na i ran i go.



• b. Rem pam. Em i ken helpim ples i stap antap long maunten (P), na gutpela wara i stap daun bilo (W).



• 2. Wil bilong apim wara. Winmil i tanim. Dispela wil hia i apim wara inap 1 m. Kain olsem i save wok long bringim wara long gaden rais o long gaden i sot long wara long taim bilong bikpela san.



• 3. Bringim wara i kam klostu long ples. Em i helpim ol mama na ol pikinini na ol bikpela man tu.

Wara i gat wanem wok?

Wara em i helpim yumi stap laip. Wara em i inap bagarapim yumi tu. Wara bilong dring i mas stap klin.

Sapos i gat wara klostu long haus bilong yumi, dispela bai i helpim yumi tru.

Sapos i gat wara klostu long haus bilong yumi, orait, yumi mas wokim gutpela rot bilong pipia wara i go aut. Nogut em i bagarapim ples na pulim kainkain sik i kam.

Long Papua Niugini i gat planti wara i stap. Sampela i stap klostu na sampela i stap longwe. Sapos wara i stap longwe i gat we bilong pulim wara i kam klostu long haus.

Hia mipela bai givim sampela toktok long wei bilong pulim wara i kam klostu long ples. Long planti hap, ol manmeri i save pulim wara long paip. Nogut yu kisim paip i liklik tumas, na bihain i nogat wara long olgeta tep.

Sapos het bilong wara i stap antap olsem 20 mita, na longpela bilong paip em i 1,000 mita na planti wara i save kamap long ai bilong em na wara i no sot. Orait, sapos yu putim 25 mm paip, bai wara i kamap long maus bilong paip i no inap long 20 lita long wan minit. Sapos yu putim 32 mm paip bai wara i kamap inap long 38 lita long wan minit.

Na sapos yu putim 50 mm bai wara i kamap long maus bilong paip inap long 130 lita long wan minit.

Olsem na taim yu laik putim paip yu noken skelim pe bilong paip tasol. Yu mas skelim gut sais bilong paip.

Yu mas skelim tu hamas tep wara bai yu putim na hamas wara i save kamaut long graun long ai bilong wara.

Long sampela ples i nogat ai bilong wara antap long maunten. Ples i stap antap na wara i stap daun bilo.

Olsem na man i save pamim wara i go antap.

Sampela man i kisim pam i gat ensin na pamim wara i go antap. Tasol dispela kain pam i gat bikpela pei. Na tu disel na bensin i gat pe. Na tu ensin i save bagarap. Olsem na sampela man i save tingim arapela rot bilong painim wara.

Rem Pam

Rem Pam em i wanpela kain

pam bilong pamim wara. Em i wok olsem:

Plantu wara liklik i ran long wanpela paip. Strong bilong dispela wara i tanim dispela rem pam. Rem pam i pamim liklik wara i go antap. Bikpela hap wara i ran i go nating, taim em i tanim pam pinis.

Dispela kain pam em i gutpela sapos yu gat klinpela bikpela wara wantaim gutpela hap bilong sanapim pam. Pe bilong rem pam i no bikpela tumas. I nogat ensin. Strong bilong wara em yet i save tanim. Em i no save kisim bensin na i no save bagarap.

Long sampela namel taim tasol i gat wok long senisim gumi insait long pam. Na i gat wok long rausim pipia long maus bilong bikpela paip.

Skel bilong rem pam em i olsem: Sapos maus bilong paip i stap 8 m antap long pam, orait pam i ken pamim wara i go antap 80 m na pulim paip wanpela 10,000 lita teng long wanpela de.

Sapos ples i no stap antap tumas, orait em i ken pamim wara i go antap olsem 30m na pulim paip 40,000 lita teng long wanpela de.

Wil bilong apim wara

I gat tupela kain wil bilong apim wara. Wanpela bilong wara yet i tanim na wanpela bilong winmil i tanim.

Yu ken wokim wil bilong wara yet i tanim long ain na kapa o diwai na mambu.

Pasim kap mambu inap long maus i go daun liklik long sait bilong kapsaitim wara. Wara i sutim plang na strong bilong wara yet i tanim dispela wil. Wil i tanim na kap mambu i go insait long wara na i pulap.

Wil i tanim moa na apim mambu gen. Maus bilong mambu em i lukluk i go antap taim em i lusim wara. Wil i tanim moa na maus bilong mambu i wok long lukluk i go daun gen. Nau wara i kapsait i go long bikpela mambu o baret. Wil i raun yet.

Mambu i go insait long wara gen na pulap gen. Sapos yu laik wokim wil olsem, tingim gut namel bilong wil.

Sapos yu laik save moa orait rait i kam long Liklik Buk Infomesen Senta, PMB, Lae, Morobe provins.



COFFEE INDUSTRY CORPORATION LTD INDUSTRY AFFAIRS DIVISION

PRAIS BROADCAST WAN WAN WIK

SUMMARY		DATE:	14-06-99		
Average prices (t/kg) as at		SERIAL NO:	02-09-98/99		
		14-06-99	Range	06-08-99	May
ARABICA					
Green Bear	Y	476	410 to 500	494	426
(DIS LAE)	Y	N/A	N/A	N/A	N/A
		522	430 to 570	548	475
		554	480 to 600	550	504
PARCHMENT					
(Factory Direct)	Class 1	301	220 to 330	318	266
	Class 2	283	180 to 310	301	249
	Class 3	254	140 to 290	277	237
CHEERY (Factory Direct)					
		75	to 75	68	66
ROBUSTA					
(Factory Direct)		280	to 280	270	268
(Factory Direct)		179	160 to 190	177	157
(Factory Direct)		N/A	N/A	N/A	N/A
NEW YORK 'C' CLOSING					
14-06-99					
Other Mild Arabicas					
US cents/lb		107.45		113.85	111.8
One Kina=US\$		0.315		0.335	0.399
Toea/Kg					
	Without discount/premium	752.02		749.24	626.91
	With discount of 10 cents/lb	661.04		676.85	570.86
Y-grade (Gross F.O.B. Lae) (1)		661.04		676.85	570.86
Levy on (1)	(2)	26.00		26.00	26.00
Y-grade (Net F.O.B. Lae) (1-2)		635.04		650.85	544.86
Indicative					

MAKET TOKTOK

Prais bilong kopi fiusa bilong Mun Septemba long Niu York i go daun 5.6% long las wik. As bilong dispela sampela manman long Niu York ol i bin wetim maket bai i go olsem wanem, na long las wik ol wok long lusim sanpela fiusa ol i bin holim pastaim.

Insait long PNG, prais bilong Y-Gret FOB i go daun 14% long wanem prais i bihainim ol prais bilong Niu York Kopi. Prais bilong DIS-Y Gret wantaim prais bilong parsmen kopi long faktori dua i bin go daun wankam olsem 14%.

Ol bungim fiusa prais na eksens ret na kamapim FOB prais. Tasol prais bilong wan wan ekspota i no wankam.

Prais long dua bilong faktori (t/kg)

14-06-99

02-09-98/99

Wik i stat: 14-06-99

PARCHMENT RANGE

AREA	ARABICA			CHERRY	
	CLASS 1	CLASS 2	CLASS 3	ROBUSTA	RANGE
NATIONAL	220 to 330	180 to 310	140 to 290	160 to 190	-to 75
KAINANTU	325 to 330	-to 270	N/A		-to 75
GOROKA	310 to 320	290 to 300	275 to 290		N/A
KUNDIAWA	N/A	N/A	N/A		N/A
MINJ/BANZ	305 to 325	295 to 310	275 to 290		N/A
MT. HAGEN	N/A	N/A	N/A		N/A
WAPENAMANDA	N/A	N/A	N/A		N/A
LAE	260 to 300	-to 280	-to 260	N/A	
ASEKI	-to 250	N/A	N/A	N/A	
MUMENG	N/A	N/A	N/A	N/A	
WAU/BULOLO	-to 300	-to 280	N/A	N/A	
WASU	N/A	N/A	N/A	N/A	
MADANG	-to 220	-to 180	-to 140	-to 160	
EAST SEPIK				160 to 190	
Robusta Cherry- Indicative					N/A

1. CIC Ltd-Indastri Afeas Divisen i save bihainim dispela mak long putim aut Maket Prais olgeta wik.

2. Eksens Ret: Mande US Dola T/T mak bilong mani egens Kina long PNGBC.

3. 1kg = 220462 lb.

4. Prais bilong kopi long dispela wik ikam long prais bilong olgeta espota na prosesa long Mande wantaim prais bilong ol fiusa prais long las Fraide.

5. Long kisim moa toksave long dispela, askim Indastri Afeas bilong CIC long telepon namba 732 1266.

kam long las wik

Ol samting yu laik save long HIV-AIDS


Olsem wanem na HIV-AIDS bai i no inap kalap nating long ol manmeri?

HIV/AIDS bai i no inap kalap nating long skin bilong narapela man o meri. HIV i stap long bodi bilong ol pipel. Taim HIV binatang i lusim bodi na kam ausait, em i save dai hariap taim em i drai o taim kain marasin olsem blis o detol bilong wasim klos i kukim binatang.

Olsem na ol manmeri i no inap kisim HIV/AIDS long:
-ples bilong wok o skul;




• kus long maus o nus;




• putim klos bilong narapela man o meri;



• long kalap long bas, ka o danis • ples bilong suim o waswas; wantaim husat i gat HIV/AIDS;



• binatang kaikaim ol manmeri olsem natnat;



• yusim toilet;




• yusim telepon;



• holim pas o kis;



• serim wanpela kap, glas, plet na spun;



• sekan;

- na lukautim man o meri husat i gat HIV/AIDS long haus sik o long ples.

“Safe sex” na “protected sex” em wanem samting?

“Safe sex” em man na meri i slip wantaim insait long marit na i no mekim nabaut wantaim narapela man o meri ausait long marit.

Sapos man i lusim meri bilong em na puspus wantaim narapela meri o meri i lusim man bilong em na mekim wankain pasin, ol i gat bikpela sans long kisim HIV/AIDS na givim long famili.

Taim man i putim kondom long rot bilong pispis na bihain puspus, em ol i kolim “protected sex.”

Ol sik bilong puspus i givim HIV/AIDS hariap o nogat?

Yes. Sapos wanpela man o meri i gat “Sexually Transmitted Disease (STD)” olsem gonoria o siplis i isi long em i kisim HIV/AIDS. Sik bilong puspus o STD i gat ol sua nabaut long skin bai kisim o givim HIV isi tru.

I gat laik tasol na nogat puspus?

Man o meri i ken soim laik olsem holim pas, holim nating, holim ol yet long rot bilong pispis na rot bilong pikinini. Dispela i no inap givim o kisim HIV/AIDS. Sapos tupela man na meri i puspus em bai tupela i kisim sik nogat sapos wanpela i gat.



Sampela man o meri inap kisim HIV haraip?

Yes. Sapos man o meri i no tingting gut na hambak nambaut long:

-puspus wantaim planti man o meri

-i no putim kondom taim em i puspus;

-puspus wantaim wanpela man o meri husat i gat STD pinis;

-na yusim nil bilong kisim sut wantaim ol narapela man o meri.

Sapos yu ting em i orait long puspus long wanpela taim tasol, em i no stret. Yu ken kisim HIV/AIDS sapos yu tok yu laik puspus wanpela taim tasol.

Narapela we yu ken kisim HIV binatang em taim yu kisim sut wantaim nil i no klin long marasin na kisim blut long haus sik we ol i no sekim pinis.

Inap HIV i kamap bikpela long ol lain husat i baim na salim skin bilong ol?

Yes. Planti ol man o meri husat i save raun na salim skin bilong ol yet bai helpim HIV binatang i kalap long planti arapela manmeri. Sapos ol i putim kondom olgeta taim ol i puspus bai i no inap long givim HIV long narapela. Planti man i save les long putim kondom long rot bilong pispis na ol meri i nogat strong long tok nogat taim

Inap ol sik manmeri i kisim HIV long taim bilong kisim blut?

Long PNG, ol haus sik i save sekim blut pastaim long HIV binatang. Ol dispela blut i gat HIV binatang long en, ol dokta na nes i no save givim dispela blut long ol sik man na meri.

Givim blut i no bilong pret?

Nogat. Yu no ken pret long givim blut. Tasol taim bilong givim blut, nil ol i sutim i go long rop bilong blut mas klin. Long PNG, ol i save yusim klinpela nil na beg long pulmapim blut. Olsem na yu no inap kisim HIV/AIDS taim yu givim blut.



Inap ol pikinini i kisim sik HIV/AIDS?

Yes. Ol pikinini i ken kisim sik HIV/AIDS olsem ol bikpela manmeri sapos:

-ol i yusim nil bilong sut bihain long manmeri i gat HIV/AIDS i yusim;

-kisim blut i gat sik pinis;

-naip na resa i gat blut;

-nil o naip bilong putim mak o katim skin i no klin gut;

-na ol bikpela man o meri i bagarapim ol yangpela long puspus.

Ol pikinini i no save puspus tasol sapos ol i traim bai ol inap kisim sik HIV/AIDS long dispela pasin.

Dispela skul i kam long Helt Dipatmen na i go moa long neks wik.

Inap yu kisim HIV/AIDS taim yu stap wantaim man o meri i gat sik HIV/AIDS pinis?

Nogat. Yu no inap kisim HIV/AIDS taim yu stap klostu long wanpela man o meri husat i gat sik HIV/AIDS pinis. Tasol yu ken kisim HIV/AIDS sapos yu puspus wantaim wanpela man o meri.

Stap long wanpela haus o long wanpela rum wantaim wanpela man o meri i gat HIV/AIDS i no inap mekim yu kisim dispela sik.

Yu ken sensim klos, bet sit, plet, kap na spun na yu i no inap long kisim o givim HIV/AIDS.

Sapos wanpela man o meri i gat HIV i kisim bagarap na blut bilong em i kam aut, yu mas klinim blut wantaim blis. Lukaut tru long blut i no ken pas long skin bilong yu o narapela man o meri.



FRI BAIBEL KOS LONG PAS

I kam long wanpela pren long America sapos yu laikim fri kos salim nem na adres igo long:

WOL BAIBEL SKUL
WBS - PNG 12, P.O. Box 9346,
Austin, TX 78766 USA.

spot WANTOK wiken

Difens bosim poin lata

BUSTIN ANZU i raitim

JT Defence nau i bosim poin lata bilong Lae Ragbi Lig kompetisen. Tasol dispela i no min em i go pas, ol tim i wok long stap klostu, klostu na Defence i mas was aut. Ol boi Soldia i go pas wantaim 11 poin na Lae Bisket Spiders i stap namba tu ples wantaim 10 poin na Motoris Diskaun Senta (MDC) i sindaun long namba tri ples wantaim 9 poin. Lae Intenesinol Hotel i sindaun long namba 4 ples wantaim 8 poims. Long wankain posisen em Tigers i sindaun wantaim 8-pela poin. Daunbilo long long lata em BOC Gases Panthers wantaim 6 na BHP Brothers i gat 4 pela poin tasol na Magani i no gat wangepela poin.

Dispela tu i pinisim

LAE LIG RIPOT

namba wan raun na nau long dispela wiken em bai stat bilong namba tu raun bilong namba tu hap. Ol sinia gret i bin kisim malolo long las wiken long lukim bikpela pilai namel long PNG Kumuls na Niu Silan Maoris. Olsem na nogat pilai bilong ol.

Long seken raun bai olgeta tim bai laik long pilai insait long fainol foa olsem na ol bai kilim, skin na pilai strong stret. Tu husait i stap paslain long narapela i no stap longwe tumas long bikpela skoalain. Ol i stap klostu wantaim wan o tupela poin long narapela. Olsem na long namba tu raun, pilai bai i tait nogut tru.

Sampela klab ol i gat olgeta mangi bilong ol long pilai istap tasol

sampela olgeta mangi bilong ol i stap long SP Kap resis tim, Lae Bombers. Primia tim bilong las yia Brothers i gat olgeta mangi bilong ol i stap long Bombers. Tu ol i stap las long tebol olsem na ol bai traim long winim olgeta pilai.

Dispela raun em namba 8 bilong ol sinia na namba 6 bilong ol junia grets.

Difens i stap nambawan tasol i luk olsem ol i no sindaun gut wantaim dispela poin. Spiders na Royals i sambai long baksait wantaim wanpela poin tasol. Olsem na wanem tim i tingting strong long stap insait long fainol foa mas soim tru kala bilong ol dispela resis, stat long dispela wiken.

Taranagau na Tigers tu inostap longwe, Tupela i traim pinis ol presa futbol bilong stap insait long fainols olsem na bai traim long daunim ol tim husait i stap long fran.

Brothers tu bai tingting long ron isnait long fainol resis olsem wankain samting em i bin wokim long las yia.

Maoris nekim Kumuls

NU SILAN Maoris i statim gut kempen bilong ol long winim namba wan Tes gem bilong ol egens long PNG Kumuls.

Moaris i rausim trausis bilong ol 22-18 na aste ol i bin pilai long Wabag long namba tu Tes gem.

Kosa bilong Maoris Camreon Bell i amamas nogut tru bihain long ol i win. Em i tokim Wantok olsem pilai i bin hat tasol ol mangi bilong em i no givap, i go inap las wisel na em i tok tenkyu long ol mangi bilong em long wanem em i save olsem ol Kumuls bai i no inap givim sans long ol.

Ol Maoris i putim 3-pela trai na ol Kumuls i putim 4-pela tasol sapos kik bilong kepten bilong Kumuls Mark Mom i gutpela, ol inap long winim dispela pilai. Em i kikim wanpela gol tasol na abrasim ol narapela. Riserv huka Willie Gabriel i misim wanplea klostu tasol long gol pos. Ol i mas painim wanpela gutpela kika sapos ol i winim gem na go insait long Wol Kap fainel.

Difens bilong Kumuls tu i slek we ol i no go antap na bungim ol birua long banis bilong ol yet. Ol i wet tasol long ol i karim bal i

kam daun we dispela em ol i kisim planti graun. Tu ol fowets i no ron strong na kisim sampela graun bihain long wokim ol hitaps bilong ol.

Andrew Norman na riserv fowet Tony Dai, tupela tasol i wok long wokim ol hitap taim tupela i kisim bal. Ol beklain bilogn Kumuls i no pinisim long ol beklain muvs. Faiv-et Leonard Tarum i paul olgeta. Taim em i kisim bal, em i no save em bai mekim wanem long dispela bal.

Tasol ol Maoris em fowet pilai olsem Phil Shed, huka Jamie Cook, Wayne Barnett na lok Joe Peranara we i wok long mekim ol bikpela hitaps na kisim graun na dispela i givim inap spes long ol beklain olsem kepten. Shane Edwards, i gat moa spes logn setim ol beklain bilong em.

Shed i putim pes 4 poin long leda bihain long em i kisim wanpela gutpela pas long Edwards aninit long pos. Ol i putim arapela skoa gen long kona banis bilogn ol Kumuls na bihain salim bal igo long kona we. Steve Mathews i pinisim long trai. Kik i no gutpela na ol i stap paslain 10-0.

Tasol ol mangi asples i no givap. Ol i wok long subim het yet i go na David Gomia i wokim wanpela gutpela brek na salim winga James Kopps igo pundaun stret aninit long pos.

Riserv bilong Maoris Joe Rao i abrasim sampela mangi bilong Kumuls na putim wanpela trai gen long kisim skoa bilong ol i go antap olsem 14-6. Tasol ausait senta Gomia i mekim narapela brek gen na setim proman bilong en Randall Kaupa. Kik bilong ol i no gutpela na skoa i sanap 14-10 inap haptaim.

Long namba tu hap ol fowet bilong Kumul i karim bal na ron klostu klostu long banis bilong ol birua. Mekim igo na Simon Kundi i pundaun antap long trai lain long kona. Dispela i levelim skoa 14-14.

Tasol wanpela isi trai we Barnetti putim i bringim skoa i go antap long 20-14 wantaim wanpela gutpela konvesen kik. Tasol Kops i putim namba tu trai na klostu tru levelim skoa. Samting olsem wan minit i stap na ol Kumuls i givim wanpela penalti na Flavell bilong Maoris i kisim wanpela Konvesen kik na win.

MADANG LIG RIPOT

Raiders skulim ol studen long DWU

PAULUS TALI i raitim

BIKPELA gem bilong Madang ragbi lig kompetisen i bin kamap namel long Divain Wot Yunivesiti na North Raiders bilong ples, Riwo long Not Kos Rot bilong Madang las wiken long Ron Albert oval.

Raiders i bin winim dispela gem 26-16. Tasol ol Raiders i no kisim dispela win isi. Ol i pilai strong tru bikos yangpela studen long Yunivesiti i belhat givim hat taim tru long ol boi asples.

Kelly Mol i statim gutpela win bilong Raiders. Em i kikim wanpela bom na Stahl Begg i kisim na putim namba wan trai bilong ol boi asples, Riwo.

Tasol ol studen i no wari. Ol i daunim het na mekim save tu long ol boi Raiders. Hatwok bilong ol i karim kakai taim Muks i kisim bal na bekim namba wan trai.

Samting olsem 19 minit bihain long namba wan trai, DWU i putim namba tru trai. Dispela trai i kam yet long Wilson Mabo long surikimskoa bilong ol i go long 8-4.

North Raiders i wok long tu main na stat long kamapim strongpela gem. Ol fowat olsem Sigerfred Gandhi, Miol na Arnold Kelly i wok long kirapim pawa stret ya.

Insait long 25 minit, Kelly i kisim wanpela gutpela bal na setim Stahl long putim dispela trai long levelim skoa 8-8. Boi kange Wagi Das i setim wanpela trai na skoa nau i sanap 12-8 long haptaim.

Sigerfred i kamapim gutpela pilai na brukim difens na em i go putim long surikim skoa bilong Raiders i go 16-8 long namba tu hap bilong pilai.

DWU i no lusim wanpela gem liklik inap las Sande we Raiders i nekim ol. Ol DWU i gat ol pilai olsem Jerry Bamai na Kaupa Bmai.

Ol arapela trai bilong Raiders i kam long James Kaia, Kelly Miol na Sigerfred.

Ol arapela gem em Brothers nekim Hawks 28-14, Tigers nilim stretim MDC Royals 38-228 na Panthers em bai las wiken.


Tigers bekim dinau

FUZO PAUL i raitim

BIKPELA pilai bilong Wewak Ragbi Lig long las wik i bin stap namel long Tigers na Royals we Tigers i win 36-10.

Royals husat tu i stongpela tim i bin brukim pinis tit na rausim olgeta pinga bilong Tigers long wanpela bikpela pilai we tupela i bin bung sampela wiken i go pinis. Tasol long las wiken Tigers i bekim dinau na kilim Royals wansait stret.

Bikpela mangi bilong Tigers, Moscow Harangu i bin tokim Wantok tupela wiken i go pinis olsem Tigers bai i no inap givim sans long Royals sapos ol i bung gen. Toktok bilong



• Opisel bilong Cambridge i givim sek mani go long presiden bilong Wewak Lig. Foto: Fuzo Paul.

WEWAK RAGBI LIG RIPOT

Harangau i bin karim kaikai taim Royals i lus nogut tru long han bilong Tigers.

Liklik ren i bin pundaun long Pora Oval tasol dispela i no bagarapim tupela tim wantaim long soim ol gutpela stail na

we bilong ranim bal na brukim banis bilong tupela yet.

Tigers i bin kamapim gutpela strongpela pilai egensim tupela birua bilong em. Win bilong Tigers i bin kam long hat wok na gutpela sapot pilai

bilong Mack Paul, Ellison Vandi, Willie Biare, Ben Poma na Paul Prescott.


Royals wantaim ol strongpela man bilong em olsem William Gube, Jorom Mey, David Kai na Peter Tupaia i bin soim strongpela tasol Tigers i tu gut long Royals.




**POT MOSBI
WIKEN SPOT
EKSEN**

SP GEMS RIPOI

Noken skelim SP Gems bilong nau wantaim bipo




XI South Pacific Games



XI South Pacific Games

medal tally

NEW CALEDONIA	72	64	44	170
FUJI	33	32	37	102
NAURU	27	8	7	42
TAHITI	25	18	34	77
PAPUA NEW GUINEA	19	31	34	84
SAMOA	19	9	4	32
GUAM	14	32	26	72
AMERICAN SAMOA	7	3	5	15
FED STATE of MICRONESIA	4	2	6	12
SOLOMON ISLANDS	3	6	12	21
WALLIS & FUTUNA	3	6	11	20
VANUATU	2	8	12	22
NORTHERN MARIANAS	2	6	8	16
TONGA	2	3	10	15
NORFOLK ISLAND	1	0	1	2
PALAU	0	7	3	10
KIRIBATI	0	3	3	6
MARSHALL ISLAND	0	2	5	7
COOK ISLAND	0	1	0	1
NIUE	0	0	0	0
TUVALU	0	0	0	0



XI South Pacific Games

SEKRETARI Jenerel bilong Papua Niugini Spots Federesen Sir John Dawanincura tokaut olsem ol pipel i noken makim risalt bilong SP Gems long Guam wantaim ol arapela SP Gems long bipo.

Sir John i mekim dispela toktok bihain long wanpela ripot long niuspepa i tokaut olsem PNG i no pilai gut long intanesenel tonamen.

Kantri PNG i bikpela tasol em i save kamap bihain long Nu Kaledonia, Tahiti na Fiji, i winim em.

Nauru em wanpela liklik kantri long Saut Pasifik, na em i kamapim gutpela risalt long weiltifting bikos ol i givim moa taim long ne.

Sir John i tok PNG i resis long 14 spot long 21 spot i bin kamap long Saut Pasifik Gems long Guam. Wankain samting i bin kamap long 1991, Tahiti na Nu Kaledonia i resis long moa spot long PNG.

Em i toktok strong tu olsem ol sapota, sponsa na ol spotsman meri i mas ting.

French Gavman i save givim ful sapat long tupela kantri, Nu Kaledonia na Tahiti. Na dispela em i wankain tu long Fiji we gavman bilong ol i save putim \$500,000 long wanwan yia long mekim wok bilong spot.

Fiji tu i save givim K800 long wanem ol pilaia husat i winim gol, K400 ol tim spot sapos ol i winim gol na

Na gavman bilong Fiji tu i givim F\$126,000 long ol lain i stap long wol reking.



• Ol spot manmeri husat i bin go pilai long SP Gems long Guam.

Fri gol medal bilong PNG

PAPUA Niugini wimen tim bilong 4x400m i winim gol medal bihain long ol teknikel opisel i tokaut olsem Fiji i brukim rul bilong resis.

Long resis tru Fiji i kamap klia i lida stret taim las rana Karolina Tanono i no kamap long finishin lain na em i tromoi stik we ol opisel i tok em i no bihain rul bilong resis ya.

Olsem na PNG husat i kamap namba tu i winim gol.

Na long resis bilong 4x100 wimen, PNG i kisim silva na Nu Kaledonia i winim gol. Ol rana bilong PNG, Helen Muga, Monica Jonathan, Mary Unido na Della Mavara i brukim nesanel rekot tasol ol i kamap namba tu.

Varo Varo, wanpela nupela rana bilong 200 mita i kisim bronze. Em i namba wan taim em i ran long makim kantri.

Na long resis bilong ol man, Fiji i winim 4x100 na tu 4x400 resis. Ol i winim dispela ol-resis isi tru bikos PNG na ol arapela kantri i nogat ol gutpela rana olsem ol boi long Fiji ya.

Ol meri Fiji i wari tru long ol i lusim gol medal. Laisa Dibuka na Tanono i wari tru taim ol i harim olsem ol teknikel opisel i rausim dispela medal bikos. Tanono i no karim stik na pinisim resis.

PNG i pinis ol resis bilong SP Gems wantaim tripela gol, 6-pela silva na 6-pela bronze medal.

Minista apim nem bilong ol spotman na meri ... Ol i pinis namba 3

MINISTA bilong Spots Andrew Kumbakor i sutim tok long nesanel gavman long i no save sapatim gut wok bilong spot insait long kantri.

Kumbakor i mekim dispela toktok bihain long pinis bilong olgeta kompetisen long namba 11 Saut Pasifik Gems long Guam, USA. Em i mekim tok bihain long PNG i kamap namba tri long rijen long namba bilong ol medal, tasol namba bilong ol gol medal, PNG i kamap namba faiv.

Minista i tok gavman bilong bipo i kam inap nau i no save givim gutpela helpim long spots developmen.

Kumbakor husat i go long Arafura Gems na bihain long Saut Pasifik Gems i tok olsem em yet i lukim na pilim stret olsem ol spotsman na meri i no save kisim gutpela helpim long gavman long sait bilong trening.

Finance minista Jacob Wama husat tu i makim gavman long Saut Pasifik Gems i tok olsem dispela Saut Pasifik Gems i opim tru ai bilong em. Na em i min olsem ol pilaia i mas kisim gutpela trening long putim nem bilong kantri long wol map.

Minista Wama, vais minista William Ebenosi na siaman bilong Nesanel Geming Bot, Daniel Mapiira i bin go stap foapela de long lukluk raun na sapatim PNG tim long Saut Pasifik Gems.

Wama i tok hevi bilong mani i bikpela samting tru we i bagarapim wok redi bilong spotsman na meri.

PNG tim i mas amamas

HENRY MORABANG i raitim

PAPUA Niugini tim husat i go pilai long namba 11 Saut Pasifik Gems i mas amamas long ol yet bikos ol i hatwok tru long go stap long dispela gem.

Dispela em hap toktok presiden bilong PNGSF Sir Henry ToRobert na sekretari jenerel Sir John Dawanincura i mekim long stretim toktok we PNG tim i no pilai gut long SP Gems long Guam.

"Mipela olgeta i amamas bikos mipela i no win medal, kamap namba tri o namba faiv, mipela amamas bikos mipela hatwok tru long go pilai na dispela i mekim mipela olgeta i amamas," tupela i tok

Arapela samting tu olsem 70 pesen bilong ol spotman meri i no save kisim gutpela pe tasol i baim K1000 levi fi long makim kantri bilong ol. Na dispela mak we ol niuspepa i mekim i soim olsem gavman i mas givim moa mani long PNG Sports Federesen long redim tim long go ovasis.


Tupela bikman i tok PNG em i bikpela kantri na gat planti mani tru long rijen. Tasol samting tru nogat ya. Na tupela i wok long askim nau, wanem em i hevi bilong mipela?

Namba wan em sapota bilong gavman i kam long Nesanel Geming Bot i liklik na u em i kam long sotpela taim tru. Na dispela i givim hat taim stret long PNG Spots Federesen wokim plen bilong em.

Arapela samting i ken stretim dispela ol hevi em ol spots i mas lukluk long eria we PNG i ting em i ken gat sans long winim medal. Na maski long sapatim olgeta spot we gavman na spots federesen i save tromoi planti mani.

Mak bilong PNG olsem namba wan kantri long Saut Pasifik rijen tu i go daun olgeta. Long 1991, PNG i stap antap tru bikos gavman i givim gutpela sapat na tu SPG i kamap long hia.

Sir Henry i tok sais bilong tim i no inap tokaut long PNG i win o nogat. Sapos mipela making wantaim ol arapela gem, dispela bai i no inap gutpela yia.



• Sir John Dawanincura.

Brothers i kambek gen

HENRY MORABANG i raitim

INSAIT long kantri, nem Brothers em i save pretim ol birua tim long ragbi lig fil o ples pilai.

Long Pot Mosbi tu i wankain. Brothers ragbi lig klap em wanpela strongpela tim stret na save pretim ol arapela tim.

Nupela kosa Joe Madidu i laik rausim dispela nem nogut o piksa

PRL RIPOT

we i save bagarapim nem Brothers.

Taim boi Wes i kisim dispela wok olsem kosa, Brothers i wok long winim ol gem.

Namba tu presiden Robert Akunai em man i go pas long pulim Madidu long joinim Brothers klap. Madidu em wanpela woda plis na em wanpela strongpela aiman bilong Tarangau klab.

Olgeta biknem pilaia i lusim

pinis klab tasol kepten Robin "Filter" Kafie i wok long holim klab wantaim ol sampela pilaia olsem Richard Sinamoi na Jack Jonathan na Wilson Mavoko.

Brothers las wik i soim tru pawa bilong em long winim stret Defence 26-8. Na dispela win bilong ol i helpim ol tru long holim namba tu ples long poin lata.

Souths i lus long Wests na i surik i kamdaun long namba tri ples. Wests i ran yet antap long point lata.



• Brothers ragbi tim i wok long kirapim paia long PRL kompetisen. Foto: Joe Ivaharia

Wewak soka go het

WEWAK SOKA RIPOT

FUSO PAUL i raitim

WEWAK Spear Soka Asosiesen i go insait nau long namba faiv raun bilong sisen propa bilong em.

Samting olsem 20 i resis long 5-pela divisens bilong man na meri. Primia riserv i kam aninit long primia divisens bikos ino gat ples bilong pilai.

Primia divisens na pes divisens nau i gat 20 tims, long U20 em 18 tim, long U17 em 10-pela tim na wimens divisens em 14-pela tim i resis nau long em.

Presiden bilong Wewak Spear

Soka Asosiesen David Bandi i tokim Wantok olsem sponsa Spear i givim K4,000 i go long asosiesen long ranim wok bilong em.

Bandi i tok tu olsem Wewak i wokim pinis 5-ya yia soka plan na bai putim long eksekutiv miting we bai kamap long dispela wiken.

Bihain long dispela miting, ol eksekutiv bai givim fainel ripot i go long gavana bilong Is Sepik long lukim na kisim sampela helpim.

Bandi i bilip olsem dispela soka plan bai inapim olgeta distrik. Igat 40 liklik soka asosiesen insait long

provins.

Wewak i afiliet long PNG Futbol Asosiesen na em bai redim wanpela skwat long go stap insait long nesenel taitel na tu long Momase Kap we bai kamap long Madang.

Presiden i tok tu olsem bai i gat wanpela basik referin kos bai kamap long neks mun na wanem man o klab husat i laik stap insait long dispela kos i kn givim nem i go long kuskus bilong WSSA. Dispela riferi kos em tupela senia riferi bilong Wewak yet bai ranim

Presiden i tok tu olsem registresen bilong olgeta pilaia bai pas long pinis bilong dispela mun.

Rejistresen em K10 (sinia) na wimens na junia divisens em K5.

LEAGUE TABLE FIRST GRADE June 14

	P	W	D	B	L	F	A	PTS
Sydney City	14	11	-	1	3	374	204	24
The Sharks (Cron)	14	11	-	1	3	304	206	24
Canterbury	14	10	-	1	4	280	272	22
Penrith	13	8	-	2	5	287	191	20
Newcastle	14	8	1	1	5	316	278	19
Melbourne	14	8	-	1	6	398	222	18
St George I'warra	14	8	-	1	6	322	232	18
Parramatta	14	8	-	1	6	228	196	18
Sth Sydney	14	8	-	1	6	237	286	18
Canberra	14	7	1	1	6	336	262	17
Nth Sydney	13	5	-	2	8	284	294	14
Balmain	13	5	-	2	8	177	318	14
Brisbane	14	5	1	1	8	284	251	13
Auckland	13	3	-	2	10	220	312	10
Manly	14	4	-	1	10	212	378	10
Western Subs	13	3	-	2	10	141	410	10
Nth Queensland	13	2	1	2	10	194	282	9

Tim bilong ol gem bai kamap long Fraide, Sarere na Sande long Nesenel Ragbi Lig long Australia.

FRIDAY

MELBOURNE V SYDNEY CITY at Olympic Park at 7.30pm
STORM: Aaron Moule, Aseri Laing, Paul Bell, Tony Martin, Marcus Bai, Ben Anderson, Brett Kimmorley, Tawera Nikau, Matt Rua, Paul Marquet, Stephen Kearney, Richard Swain, Wayne Evans. Res: Danny Williams, Paul Rauhihi, Russell Bawden, Brad Watts.

ROOSTERS: Ryan Cross, Jack Elsegood, Shannon Hegarty, Richie Barnett, Robert Miles, Andrew Walker, Paul Khoury, Paul Langmack, Darren Burns, Dallas Hood, Scott Logan, Simon Bonetti, Quentin Pongia (c). Res: Julian Bailey, Justin Dooley, Nat Wood, Craig Kimmorley.

Ref: Tim Mander

SATURDAY

THE SHARKS V MANLY at Shark Park at 2.30pm
SHARKS: David Peachey, Colin Best, Andrew Ettingshausen (c), Russell Richardson, Brett Howland, Adam Dykes, Blaine Stanley, Nick Graham, Sam Isemonger, Sean Ryan, Nathan Long, Dean Treister, Andrew Pierce. Res: Luke Stuart, Paul Mellor, Wade Forrester, Shannon Donato, Preston Campbell (one to be omitted).

SEA EAGLES: Brendon Reeves, Andrew Frew, Albert Torrens, Andrew King, Graham Mackay, Adam Hayden, Adam Brown, Owen Cunningham (c), Daniel Gartner, Steve Menzies, Neil Tierney, Jim Serdaris, Damian Driscoll. Res: Phil Bailey, Steve Crouch, Cliff Lyons, Adam Peters, Alf Duncan (one to be omitted).

Ref: Bill Harrigan

CANBERRA V PARRAMATTA at Bruce Stadium at 7.30pm

RAIDERS: Brett Mullins, Ken Nagas, Luke Williamson, David Schrader, Lesley Vainikolo, Mark McLinden, Andrew McFadden, Brandon Pearson, David Furner (c), Jason Croker, Ruben Wiki, Simon Woolford, Mark Corvo. Res: Brett Finch, Luke Davico, Anthony Brann, Brad Kelly.

EELS: David Vaealiki, Clinton Schifcofske, David Kidwell, Nathan Barnes, Daniel Wagon, Jim Dymock, David Penna, Nathan Hindmarsh, Jarrod McCracken (c), Justin Morgan, Mark Tookey, Dean Schifilliti, Dean Pay (c). Res: Chris Quinn, Nathan Cayless, Michael Hodgson, Stuart Kelly, Jason Bell, Ian Hindmarsh, Dallas Weston (three to be omitted).

Ref: Steve Clark

AUCKLAND V CANTERBURY at Ericsson Stadium at 7.30pm

WARRIORS: Carl Dougherty, Odell Manuel, Nigel Vagana, Boyce Nelson, Sean Hoppe, John Simon, Stacey Jones (c), Jason Death, Logan Swann, Tony Tuimavave, Terry Hermansson, Robert Mears, Joe Vagana. Res: Cliff Beverley, Shane Endacott, Ali Laiti'iti, Jerry Seuseu.

BULLDOGS: Rod Silva, Hazem El Masri, Steven Hughes, Shane Martenee, Daryl Halligan, Glen Hughes, Ricky Stuart, Travis Norton, Dennis Scott, Steve Reardon, Troy Stone, Adam Perry, Darren Britt (c). Res: Adam Peek, Barry Ward, Brent Sherwin, Jamie Feeney.

Ref: Paul McBlane

SUNDAY

BALMAIN V PENRITH at Leichhardt Oval at 2.30pm

TIGERS: Shannon Nevin, Craig Hancock, John Carlaw, Jason Webber, Wade Rothery, Ben Duckworth, Craig Field, Darren Senter (c), Mark O'Neill, Mark Stimson, Jason Lowrie, Adam Nable, Shane Walker. Res: Tyrone Smith, Justin Yeo, Shayne Dunley, Michael Ostini.

PANTHERS: Andrew Hinson, Robbie Beckett, Sid Domic, David Woods, Chris Hicks, Craig Gower, Greg Alexander (c), John Cross, Matt Adamson, Scott Sattler, Duncan MacGillivray, Brad Drew, Troy Perkins. Res: Nigel Gaffey, Mark Geyer, Frank Puletua, Brett Atkinson.

Ref: Matt Hewitt

SOUTH SYDNEY V NORTH SYDNEY at Sydney Football Stadium at 2.30pm

RABBITOHS: Tim Brasher, Justin Loomans, Jason Nicol, Brett Rodwell, Chris Caruana, Julian O'Neill, Craig Wing, Jeremy Schloss, Tony Iro, James Smith, Robert Tocco, Sean Garlick (c), Matt Parsons. Res: Wes Patten, Paul McNicholas, Wayne Richards, Ian Rubin.

BEARS: Matt Seers, Brett Dallas, Joel Wilson, Anthony Swann, Nigel Roy, Michael Buettner, Jason Taylor (c), Glenn Morrison, David Fairleigh, Gary Larson, Mark O'Meley, Jamie Goddard, Steve Trindall. Res: Billy Moore, Josh Stuart, Scott Pethybridge, Jamie Fitzgerald, Adam Muir (one to be omitted).

Ref: Paul Simpkins

NEWCASTLE V NORTH QUEENSLAND at Marathon Stadium at 2.30pm

KNIGHTS: Owen Craigie, Darren Albert, Matthew Gidley, Mark Hughes, Timana Tahu, Matthew Johns, Justin Holbrook, Bill Peden, Sean Rudder, Peter Shiels, David Lomax, Danny Buderus, Tony Butterfield (c). Res: Clinton O'Brien, Steve Simpson, Scott Conley, Brock Mueller, Troy Fletcher (one to be omitted).

COWBOYS: Kris Tassell, Noa Nadruku, Matthew Ryan, Paul Bowman, Brian Jellick, Noel Goldthorpe (c), Paul Green, Peter Jones, Shaun Valentine, Brett Hetherington, John Buttigieg, John Doyle, John Lomax. Res: Scott Prince, Kyle Warren, Mark Shipway, (one to be added).

Ref: Sean Hampstead

ST GEORGE ILLAWARRA V WESTERN SUBURBS at WIN Stadium at 2.30 pm

DRAGONS: Luke Patten, Nathan Blacklock, Mark Coyne (c), Jamie Ainscough, Rod Wishart, Trent Barrett, Matthew Rodwell, Wayne Bartrim, Brad Mackay, Darren Treacy, Corey Pearson, Nathan Brown, Chris Leikvoll. Res: Craig Smith, Colin Ward, Craig Fitzgibbon, Jason Hooper.

MAGPIES: Brett Hodgson, Jared Mills, Kevin McGuinness, Justin Brooker, Barry Davis, Leo Dynevor, Dane Dorahy, Steve Georgallis (c), Michael Brabek, Matthew Fuller, John Skandalis, Ciriaco Mescia, Harvey Howard. Res: Dayle Bonner, Scott Coxon, Chris Marland, Tate Moseley.

Ref: Brian Grant

BYE: BRISBANE

LAI PSTAIL

Kas i kisim strong insait long kalabus



• Gavana Jim Kas i karim Tipyang na i wokabout i kam ausait long Waigani suprim kot wantaim meri bilong em, Theresa Kas bihain long kot i rausim em long kalabus.

WENCESLAUS MAGUN i raitim

"Bilong wanem yu lukluk long liklik hap pipia i stap long ai bilong brata bilong yu, tasol yu no tingim bikpela plang i stap long ai bilong yu yet?" Luk 6:41.

Long laip bilong yumi ol manmeri bilong dispela graun, planti taim yumi save kotim ol arapela manmeri. Yumi save tilim hevi long manmeri olsem jas i save mekim. Yumi no save lusim sin bilong narapela manmeri.

Ol lain i save go long kalabus na i save kam ausait i save gat bikpela wari. Planti bilong ol i save sem na pilim nogut tru long ol yet bikos, ol manmeri i no go long kalabus i save poinim pinga long ol o tok baksait long ol olsem, ol i 'man nogut'.

Dispela tok 'man nogut' em i olsem wanpela bikpela sua i save stap insait long laip bilong ol. Em i olsem wanpela mak nogut planti bilong ol bai karim i go inap ol i dai.

Tasol dispela kain pasin bilong daunim ol manmeri i go kalabus em i no gutpela. Planti ol 'man nogut' i gutpela man tru. Planti ol manmeri i save go long kalabus i save tanim bel. Ol i save luksave long rong bilong ol na i save sori na promis bai ol i kamap gutpela manmeri gen.

Wanpela bilong ol dispela man em, gavana bilong Madang, Jim Kas. Olsem man, em tu i bin mekim asua.

Long 6 Novemba, 1998, Jas Don Sawong i painim olsem Mista

Kas, na ol plis opisa, Frank Faibison, Michael Jim na Rodney Tongau, i bin traim long bagarapim gutpela ron bilong wanpela Airlink balus long Madang.

Dispela hevi i bin kamap taim Mista Kas i no bin go long ples balus long taim long Februari 21, 1998 bilong kisim balus we em i kisim tiket pinis bilong go long Hagen. Long dispela taim ol dispela plisman i bin lukautim em, i draivim ka i go insait long ples balus na soim sain long paillet olsem Mista Kas i laik kalap long balus.

Paillet bilong balus i tokim ol long noken stapim balus na em i plaim balus i go long Hagen. Long dispela taim, nogat wanpela birua i bin kamap long balus na tu long ol pasindia. Tasol Prosekyuta bilong Kantri i sasim Mista Kas na foapela plis opisa aninit long Kriminal Kod lo, we Jastis Sawong i salim ol i go kalabus long foapela yia wantaim strongpela mekim save.

Tasol Suprim Kot long Fraide Epril 30, i bekim sas bilong ol na i tok olsem, Nesenel Kot i mekim asua long painim olsem dispela foapela man i bin gat tingting long bagarapim wanpela balus. Wok painim bilong loya bilong Mista Kas, Greg Sheppard i soim olsem dispela em i no bin tru.

De Jas Sawong i bin salim Mista Kas na foapela plisman em i wanpela spesel de tu long laip bilong Mista Kas. Dispela em i de meri bilong Mista Kas, Theresa husat i kam long lowa ples long Manus, i bin karim liklik bebi Jim Kas wanpela yia i go pinis.

Olsem na taim Mista Kas i bin go long Beon Kalabus long Madang, em i bin wari na sem nogut tru bikos em i mas selebretim de meri bilong em i karim bebi Jim Kas wanpela yia i go pinis.

Em i bin sori tru long meri bilong em, na tupela pikinini bilong em, Tipyang husat i gat foapela krismas, na Jim Victor Unggon Kas husat i gat wanpela krismas na 7-pela mun long dispela wik. Mama Theresa i karim em long 6 Novemba 1998.

"Theresa Kas em i wanpela spesel meri long laip bilong mi. Taim olgeta pren bilong mi i lusim mi. Em i sanap long sait bilong mi. Em i karim olgeta sem, hevi na pen bilong mi inap mi kamaut long kalabus."

"Pikinini meri bilong em, husat i save go wantaim mama bilong em long Beon haus kalabus i save mekim mi haitim sem na wari bilong mi. Lewa bilong mi i save bruk stret na i save krai, tasol mi no save soim insait long kalabus. Mi save pasim krai taim mi save lukim pikinini meri bilong mi i save tok, 'baibai dedi....'" Mista Kas i tok.

Em i tok em i pilim nogut tru olsem em i no mekim gutpela pasin olsem papa na het bilong famili bilong em.

Antap long dispela wari na sem, Mista Kas i sem nogut tru long pasin em i mekim long ol sapota na ol pipel bilong em long Madang provins. Em i luksave tu olsem ol birua bilong em na sampela ol plisman bilong em husat i draivim em i go long Beon haus kalabus i no moa gat rispek long em.

Mista Kas i tok long wankain taim i bin gat sampela gutpela pren tu long haus kalabus.

Komanda bilong Beon i mekim olgeta samting bilong toksave long ol loya bilong em long stap bilong em insait long haus kalabus.

"Taim mi go long kalabus, ol CIS opisa i tokim mi long rausim olgeta klos bilong mi na putim wanpela trausis. Trausis tasol. Nogat snot na andapens," Mista Kas i tok.

Em i tok taim i go insait long haus kalabus, em i bin pret.

"Mi no bilip olsem wan awa i go pinis mi gavana bilong Madang provins. Na nau mi wanpela kalabus man," Em i tok.

Insait long haus kalabus, ol CIS opisa i mekim wankain pasin long Mista Kas olsem long ol arapela kalabus lain. Ol i save kaikai wit na dring ti o wara long moning, braun rais na tin pis o tin mit long belo na abinun. Mista Kas i tok tu olsem ol kalabus lain i no bin mekim nogut long em. Planti bilong ol olsem Alois Kamak, Ronald Mandagu, Jeffery Kulang, Hillary Nuli, Raphael Yaburi, Jack Vicki, Lawrence Kuku, na ol arapela i save mekim gut tru long em, na em i tenkim ol tru long dispela.

Mista Kas i amamas tu olsem i gat felosip o bung beten long haus kalabus long 5 i go 7 kilok long moning na long 7 i go 8 kilok long nait.

Dispela faiv mun laip ekspiriens long haus kalabus, em wanpela samting Mista Kas bai i no inap lus tingting long laip bilong em inap em i dai.

"Mi save mi no wankain olsem ol arapela manmeri na mi gat laik long kamap wanpela gutpela man," em i tok. Mista Kas i tok em i no laik givim sans long olpela Jim Kas long kontrolim laip bilong

em. Long wankain taim, Mista Kas i tok, dispela kalabus ekspiriens i helpim em long luksave long strong bilong em na tu long wanem samting em i no inap long mekim. Em i tok dispela kalabus ekspiriens i opim ai bilong em long luksave olsem em i gat sampela pasin nogut tu long laip na i moa gutpela em i mas lusim ol dispela pasin.

Em i luksave tu olsem, olsem wanpela lidaman, em i mas karim pen tu bai em i ken luksave long pen ol arapela i save karim. Em i luksave olsem long taim bilong traim na hevi, em i mas stap isi, pogivim ol lain i mekim nogut long em na larim taim i stretim ol hevi. Em i luksave tu olsem em i mas gat rispek long ol arapela manmeri.


Mista Kas i painim bel isi long haus kalabus tu bikos em i painim God. Dispela God husat i bin givim em laip, save, na pawa. Dispela God husat i makim em i kamap lida bilong Madang provins. God i opim ai bilong em long luksave long wanem wok em (God) i singautim Mista Kas long mekim.

"Mi bin save long God bipo. Tasol long haus kalabus mi bin kam klostu long em. God i stap. Mi no save tingting tumas long em. Tasol long haus kalabus, em i harim prea bilong mi. Em i lukautim famili bilong mi, na wok bilong mi," Mista Kas i tok.

Em i tok God i laik skulim em.

Mista Kas i tenkim tu Deputi Gavana Pengau Nengo, Edministreta Clant Alok, ol provinsek eksekutiv memba na asembli long stap isi na wetim kot disisen taim em i bin go kalabus.

i go moa long pes 20



• Gavana Jim Kas i sindaun wantaim ol famili bilong em ausait long palamen haus long Mosbi. (l-r) Theresa Kas i karim Tipyang husat i gat foapela krismas, na Junia Jim Kas husat i gat wan yia 7 mun i sindaun long lek bilong Mista Kas.

Abrus long pailot na kamap redio anaunsa



• NBC redio anaunsa bilong Goroka, Krai bilong Kumul, Downey Fova i mekim wok bilong em insait long studio long kol ples Goroka. Foto: Sape Metta.

SAPE METTA i raitim

LONG bipo taim ol waitman i no bungim pasin bilong skul na edukesen i kam insait long kantri bilong yumi, ol tumbuna bilong yumi i bin stap tasol na ol i no lainim pasin bilong rit na rait.

Ol i stap tasol na mekim planti hatwok long gaden bilong ol. Ol i no lainim pasin bilong wokim gaden, tasol ol i save gut tru long wokim na kamapim gaden long wanem gaden em i stap insait long blut bilong ol. Na bikos gaden tasol i mekim stap laip.

Nau yet wankain oisek tumbuna bilong yumi, planti long yumi i stap strong yet na bihainim dispela pasin bilong wokim gaden na sindaun kaikai na i stap laip long en.

Taim ol waitman i stat long i kam insait na krungutim graun bilong yumi bihain tasol long bikpela pait (woa), ol i kam wantaim kainkain samting na save bilong ol. Wampela long ol dispela samting ol i bringim i kam insait long Papua Niugini em edukesen o pasin bilong skul na lainim ol pasin bilong rit na rait. Bihain long planti yia nau, dispela pasin bilong skul na lainim ol kainkain samting i kamap bikpela tru insait long kantri bilong yumi

Planti long yumi i go pinis long skul, lainim ol samting, greduet na i kam aut na nau yet i holim ol wok i stap. Na long wankain pasin ol pikinini i wokim na bai ol tu i bihainim dispela sem rot. Na wokman em i olsem gaden bilong yumi. Yumi i save wok hat na long fotnait taim yumi kisim mani, dispela mani tasol i save sevim laip bilong yumi long baim kaikai samting long kaikai na i stap laip.

Laip bilong planti i stap long dispela kain stail na pasin. Taim edukesen i kam kamap na taim planti ol yangpela manmeri na pikinini stat long skul, planti bikos kamap wantaim kainkain tingting na driman bilong kamap na kisim wanem kait wok em ol i gat bikpela laik long en taim ol i pinisim skul.

Wampela long ol dispela yangpela man husat i bin gat dispela kain tingting na driman em Downey Fova bilong Korowa ples. Lufa distrik insait long Isten Hailens provins. Downey i bin go long Lufa Komyuniti skul na statim skul bilong em long 1970. Taim em i bin stap yet long komyuniti skul. Downey i bin gat bikpela driman bilong kamap pailot taim em i pinisim skul na draivim bikpela F28 smok balus.

Dispela driman bilong em i bin stap yet taim em i bin go insait long Bena Bena Hai Skul ausait long Goroka taun long 1976.

Long wampela holide namel long 1981 taim em i kamap pinis long gret 10, Downey i bin kamap long NBC redio stesin long Goroka na i bin mekim intaviu long hap. Dispela i bin namba wan taim bilong em long traim long painim wok bikos em i bin gat dispela tingting; sapos em i no inap winim spes long go moa long skul olsem koles, em i ken go na wok wantaim NBC, sapos ol i givim sans long em i wok.

Bihain long holide, em i go bek long skul na pinisim hai skul bilong em na kamaut na i go bek long ples. Sem taim em i putim ia long harim sapos i gat wok bilong em long go het long skul o nogat.

Long 1982, Downey i kisim spes long go het na skul long Aiyura Nesenel Hai Skul.

Em i go long Aiyura na lusim tingting long intaviu bilong em wantim NBC redio stesin long Goroka. Tasol namel long skul, em i kisim toksave olsem NBC redio stesin i laikim em.

Olsem na em i lusim skul long namel na go bek long Goroka. Em i statim wok wantaim NBC long Septemba 16, 1975, long independens taim stret. Taim NBC i bin i kisim em, ol i salim em i go long Rabaul long kisim moa skul long prodaksen.

Em i stap tupela krismas long Rabaul na lainim planti samting long prodaksen wok bilong redio. Long 1984, ol i salim Downey i go antap long Hagen we em i go wok long tupela krismas olgeta. Bihain long 1985, Downey i go bek long Goroka na nau yet i wok olsem wampela redio anaunsa wantaim NBC redio Karai bilong Kumul (KBK).

Bikos Downey em wampela anaunsa, olgeta manmeri long Isten Hailens provins i save gut long nek bilong em na olgeta taim, ol i save putim redio i go long taim Downey i wok bikos ol i laik harim disepla stail nek bilong em na lap wantaim em.

Downey i tok, maski ol bikman i gat nem long wanem kain wok na bisnis bilong ol, em tu i pilim olsem em i gat namba long wok bilong em bikos olgeta taim ol pipel i save long em na em tu i save long ol pipel na ol i save amamas wantaim.

Em i tok driman bilong em long kamap wampela pailot bilong F28 balus i popaia bikos em i no bin pinisim skul bilong em long Aiyura. Tasol em i amamas long i gat wok na dispela wok i gutpela we em i save amamas long mekim olgeta taim. Downey i wok wantaim NBC inap 17 krismas nau na i luk olsem bai em i stap inap wanem taim em i lapun na redi long pinis wok.

Kas i kisim strong insait long kalabus

i kam long pes 19

Taim em i bin kam ausait long kalabus, dokta i bin askim em long kisim tu wik malolo tasol em i bin kisim sik na i abrusim dispela taim. Dispela i mekim Mista Kas i wari bikos em i bilip ol pipel bilong Madang i lusim 7 mun bilong sevis bilong em.

"Mi gat bikpela laik long givim bek long provins na ol pipel bilong olgeta samting mi no bin givim ol long dispela las 7 mun," em i tok.

Mama i karim Mista Kas long 9 Septemba 1965. Em bilong Kinimbong ples insait long Usino Bundi ilektoret. Em i kam long Angliken Sios. Mista Kas i save tokples Kalam na Maring.

Long 1972 - 1977 em i bin skul long Simbai Komyuniti Skul. Long 1978 - 1981 em i go long Tusba Hai Skul. Long 1982-1983 em i go long Sogeri Nesenel Hai Skul. Long 1984 - 1985 em i go long Fiseris Koles. Long 1986-1987 em i tis long Talidig Vokesenel Senta long Madang. Long 1988-1991 em i go long Yunivesiti bilong Papua Niugini (UPNG). Long 1992 em i kontestim Madang Rijinel Sia na i kamap namba tri wantaim 10,444. Long 1993 em i go pinisim stadi long UPNG na i greduet wantaim Besela ov Ats (BA) long Yumen Jiograpi.

Long 1994 em i go het wantaim BA Honors long Pos Greduet Diploma long Ats na i no pinisim dispela stadi.

Long Februari i go long Oktoba 1995, em i wok olsem Pis Maketing opisa long Fiseris Brens, Madang. Long Novemba i go Septemba 1996, em i wok olsem Rises Opisa wantaim Plening Opis bilong Madang Provinsel Gavman. Na long 1997, em i resis long Rijinel Sia na i win wantaim 44,904 vot.

Mista Kas i gat bikpela tingting olsem gavana bilong Madang provins, long kamapim ol gutpela rot, bris, sip, na ples balus long olgeta distrik insait long provins.

"Mi gat bikpela laik long lukim olgeta pipel bilong Madang long kamap wampela pipel long yia 2000 na i go bihain. Dispela driman i mas karim kaikai insait long plen bilong Madang Provinsel Gavman insait long infrastraksa, sosel, edukesen, helt na ekonomik sevises," Mista Kas i tok.

Long ol birua bilong em, Mista Kas i askim ol long lusim mi-pasin, na tingim ol pipel bilong Madang pastaim. Em i askim olgeta memba bilong palamen na provinsel asembli long lus tingting long ol hevi bilong bipo, putim tingting wantaim na wok bung wantaim long developim provins na helpim ol pipel bilong Madang.

Misis Theresa Kas em wampela ain meri. Long taim Jas Sawong i salim Jim Kas i go long Kalabus i kam inap Mista Kas i bin kamaut, meri bilong em oltaim i save beten na putim Mista Kas long han bilong God.

Long pawa bilong beten, Misis Kas i kisim planti gutpela tingting. Em i painim gutpela loya bilong winim kot apil bilong Mista Kas. Em i kisim gutpela sapot long ol pren, wanblut na wantok long mekim fan resing bilong baim kot bilong Mista Kas. Na oltaim em i save strongim Mista Kas.

Misis Kas i pogivim Mista Kas na i edvaisim em gen olsem bipo long lusim pasin bilong dring na so op. Long putim God i go pas, ol pipel bilong Madang i go namba tu na bihain em i ken tingim em yet wantaim ol famili bilong em.

Madang Gavman laik wok wantaim Highlands Pacific

JOE KANEKANE i raitim

MADANG Provinsel Gavman i tokaut pinis long tingting bilong ol olsem ol i laik stap insait long wok bilong kirapim Ramu Nickel Mine na ol i no laik wetim ekwiti bilong ol tasol.

Long wanem sapos ol i putim was long ekwiti bilong ol, em bai kisim longpela taim long ol long kisim helpim i kam long projek. Dispela bai kamap bihain tasol long kampani i wokim profit.

Mista Kas i kamap long dispela kain tingting bihain long ol i glasim olgeta rot we provinsel gavman i ken kisim ol helpim i kam long dispela prosek. Long wanem em i nambawan taim long kain prosek olsem long kamap na ol i laik olgeta samting i mas go gut.

Provinsel gavman i makim pinis wanpela fainensel advaisa long kamapim dispela wok na dispela man i wok long glasim ol rot we provinsel gavman i ken mekim mani bilong em.

Madang provisel gavman bai nidim moa long K200 milien kina long helpim em long stap insait long dispela kain prosek.

Mista Kas i tokaut long dispela tingting bilong em long wik i go pinis olsem dispela em bikpela tingting bilong provinsel gavman bilong em, bihain tasol long ol i lukluk long wanem samting i wok long kamap long ol arapela prosek long kantri.

"Tingting bilong mipela em long stap olsem wanpela patna insait long dispela prosek. Tasol dispela bai kamap tasol sapos ol fainensel advaisa bilong mipela i givim tingting bilong ol sapos dispela rot em gutpela bilong provinsel gavman i ken go insait." Mista Kas i tok.

Mista Kas i tok dispela kain iadia i narakain long wei sampela ol provinsel gavman i wok wantaim ol kampani na Madang provinsel gavman i lainim pinis sampela skul long wei ol provinsel gavman i kisim taim.

Mista Kas i tok i gat tupela samting we gavman bilong em i lukluk i stap. Em i tok sapos provinsel gavman i kisim ekwiti long kampani em bai wet longpela taim pastaim long gavman i ken kisim dividen bilong em.

Tasol sapos provinsel gavman i askim kampani long stap insait olsem wanpela patna bai ol i ken kisim sampela helpim.

Konstraksen taim

Madang provinsel gavman i bilip olsem bikpela mani bilong ol kain prosek olsem i save kamaut long taim bilong konstraksen. Long wanem long dispela taim kain kain kampani long olgeta hap i save stap insait long kamapim prosek eria i kamap olsem ples ol i laik em i kamap.

Na long dispela taim ol i laik stap



• Madang Provinsel Gavman i gat tingting long wokim bikpela bris bilong ol bikpela kago sip long Basamuk sapos Highlands Pacific Limited i givim ol tok orait long wok bung wantaim insait long Ramu projek.

olsem wanpela kontrakta o wanpela patna long kirapim wanem kain wok kampani i laikim ol long stap insait long em.

Mista Kas i tok provinsel gavman i glasim olgeta rot long dispela prosek na i gat sampela hap ol i painim aut pinis we ol i laik stap insait.

"Ating mipela olgeta save olsem long wanem ol bikpela prosek long kantri ol developa i save lusim bikpela mani long dispela kain taim. Mipela i save long dispela na mipela laik wok olsem wanpela patna," Mista Kas i tok

Ol eria we provinsel gavman i laik stap insait

Madang Provinsel Gavman i laik stap insait long tupela eria bilong konstraksen taim. Namba wan em provinsel gavman i laik wokim bikpela bris.

Na sapos ol i sanapim dispela bris ol i laikim kampani i ken peim ol liklik takis long karim ol samting i go insait na tu ol narapela kampani i ken yusim dispela eria tu.

Dispela bris provinsel gavman i gat tingting long mekim long Basumuk Basis klostu tasol long Rai kos.

Namba tu samting we provinsel gavman i tingting long kamapim em wanpela pawa station. Dispela pawa stesin bai provinsel gavman i ken saplaim pawa i go long kam-

pani na tu long ol ples insait long provins.

"Mipela i no tingim kampani long wok bilong em nau tasol. Kampani bai stap inap long 20 yia tasol na bihain bai ol i lusim eria na go tasol dispela ol prosek we mipela i sanapim em bilong ol lain long provins long bihain taim tu," em i tok.

Madang Developmen Koporesen

Provisen gavman i gat wanpela kampani ol i kolim Madang Developmen Koporesen. Dispela kampani bai nogat ol politisen o lain bilong gavman i stap insait. Ol lain husat bai stap insait em ol lain we provinsel gavman bai kisim long ronim dispela bisnis.

"Dispela kampani em ol politisen bai i nogat han bilong ol insait. Mipela bai kamapim ol lo bilong dispela kampani olsem ol save-man bilong bisnis tasol i mas stap insait long dispela kampani. Planti taim ol politisen i save putim han bilong ol i go insait na ol i save bagarapim gutpela wok bilong ol kain kampani olsem," Mista Kas i tok.

Ol papagraun


Mista Kas i tok ol i save olsem ol bai bungim hevi long ol papagraun olsem na provinsel gavman i traim long wok long wei long ol Tasol

em i tok dispela i no tingting bilong ol long wanem ol i no laik kirapim resis pasin long dispela prosek.


"Tru ol papagraun bai ting olsem mipela i no luksave long ol, tasol mipela i laik stap insait long kain prosek olsem long lukim olsem olgeta helpim i kam long dispela prosek i ken go long han bilong ol

papagraun na tu long provins tu." Mista Kas i tok

Em i tok tu olsem long ol kain prosek olsem em i gutpela long ol papagraun na provinsel gavman long wok bung wantaim na lukim olsem wanem kain helpim i kam long prosek i mas kamap long rot we i gat helpim olgeta taim.



• Gavana bilong Madang provins, Jim Kas i laikim Madang Provinsel Gavman i wok bung wantaim Highlands Pacific Limited na ol papagraun long nikel na kobal projek sapos Nesene Gavman i givim tok orait long dispela projek i ken go het.



Rot long ol pipel bilong Kissenenpol kaikai wel Karuka

BIPO tru insait long lalibu i gat wanpela viles i stap ol i kolim long Kissenenpoi.

Ples ya i stap aninit long Mt lalibu na long narapela hap bus we wel Karuka i pulap i stap long en ol i kolim long Aiyala na Pulupe. Ol man long dispela hap i no save soim aut Karuka. Ol i save bung na mekim miting long go katim wel Karuka na kaikai ol yet.

Taim ol i go kaikai na kam bek long haus, ol no save karim sampela i go long ples, nogat. Ol i save tokim ol meri na pikinini olsem ol i go long sampela long-we ples na stap na nau tasol ol i kam bek.


"Wan wik o tu wik samting, olsem na yupela i noken painim mipela." Ol man i tok na ol i wok long trikim ol meri na pikinini olsem. Wanpela taim Yakili Gine i bin go insait long bus bilong painim Kapul na em i lukim wanpela wel meri i kam.

Na Yakili Gine i ting olsem em i wanpela meri tru na em i go klostu long en. Meri i tok, "mi wel meri long dispela bus na mi laik tokim yu wanpela samting na mi kam lukim yu."

Orait, Yakili Gine em i hetman long ples Kissenenpoi. Wel meri i tokim em husat tru em. "Nem bilong mi i Yaveng. Mi tokim yu olsem em i no tambu long ol meri na pikinini i kaikai wel Karuka. Em i orait long ol meri na pikinini i ken kaikai. Tokim ol manmeri olsem."

Orait Yakili Gine i kam bek long ples na tok save long ol manmeri olsem. Na nau taim bilong Karuka insait long bus i karim ol manmeri na pikinini i save go tasol na kisim.

Dominic Kaima
Walume, lalibu
Sauten Hailens provins.



Nem: Jacob Yayapio
Krismas: 19 (man)
Adres: Development Engineering Services Pty Ltd, P.O. Box 160, Lae, Morobe Province.

Save laikim: Go lotu, pilai musik na autim tok na singim naispela singsing bilong preisim nem bilong Jisas. Go aut long kemp na serim tok bilong God na serim present wantaim ol narapela kristen brata na susa.

Nem: Miss Olivia Queen
Krismas: 28 (meri)
Adres: P.O. Box 1173 Oguaa, CR, Ghana, West Africa.
Save laikim: Tok Inglis, sait lukluk, muvi na pilai basketball.

Nem: Miss Jennifer Mills
Krismas: 26 (meri)
Adres: C/o P.O. Box 1175, Oguaa, CR, Ghana, West Province.
Save laikim: Tok Inglis, wokim prenasin, musik na spots pilai.

Nem: Mista Kobina Pynn
Krismas: 30 (man)
Adres: C/o P.O. Box 1175, Oguaa, CR, Ghana, West Africa.
Save laikim: Long kamap wanpela bisnisman, senisim ol presens na pilai spots.

Nem: Gifty Sackey
Krismas: 26 (meri)
Adres: P.O. Box 584, Cape Coast, Ghana, West Africa.
Save laikim: Pilai spots, raun na musik.

Nem: Cecilia Douglas
Krismas: 21 (meri)
Adres: P.O. Box 584 Cape Coast, Ghana, West Africa.
Save laikim: Bungim ol stemp, raun na musik.

Nem: Akosua Graham
Krismas: 22 (meri)
Adres: P.O. Box 508, Cape Coast, Ghana, West Africa.
Save laikim: Raun, danis na swim.

Nem: James Kesi Tari
Krismas: 24 (man)
Adres: MFS Church, P.O. Box 7010, Boroko, NCD.
Save laikim: Go long lotu, pilai pawagita na singim gospel singsing na senisim pas wantaim ol narapela kristen brata na susa nabaut long PNG.

Nem: Benny Nick
Krismas: 16 (man)
Adres: MFS Church, P.O. Box 7010, Boroko, NCD.
Save laikim: Go long lotu, pilai gita na singim lotu singsing, senisim pas wantaim ol narapela kristen brata na susa insait long Papua Niugini.

Nem: Jackson Bendei
Krismas: 20 (man)
Adres: MAF PNG Inc. P.O. Box 977, Wewak, East Sepik Province.
Save laikim: Go long lotu long Sande, harim ol gospel musik, mi laik mekim pren wantaim ol manmeri na waswas long nambis, ron long baisikol, ritim niuspepa, pilai gita na bai mi amamas tasol long bekim olgeta pas mi kisim.

Mi wari long boipren na papamama bilong mi



Dia Laiplain,
Ol papamama na ol hauslain i no laikim boipren bilong mi bikos em i kam long ris famili na mi kam long puo famili.

Mipela i kam long sem eria na mi laik maritim em. Tasol papamama bilong mi i pret long wanem ol i tok ol bai nogat samting long senisim wantaim ol papamama na hauslain bilong man long taim bilong baim brait prais. Mi traim long tokim ol olsem em i orait na ol noken mas wari tumas, tasol ol no harim mi.

Mi askim boipren sapos i gat narapela rot we mipela i ken lukluk long en na bihainim long daunim dispela hevi na em i askim mi long go long ples we em i wok long en long narapela provins. Long dispela rot, bai mi abrusim dispela hevi mi bungim wantaim ol papamama bilong mi. Em i salim pinis wanpela balus tiket bilong mi tulung yusim na go long en.

Tasol mi laikim tumas papamama bilong mi na mi no laik givim hevi na wari i go long ol.

TROUBLED

Dia Pren,

Yu no bungim dispela kain hevi yu yet, nogat. Planti yangpela pipel long tude i bungim wankain hevi olsem. I gat planti samting long tingim taim yu stap long dispela kain sindaun tasol ol bikpela samting yu askim yu yet em: husat tru em yu givim bikpela luksave long en? Boipren o papamama na ol hauslain bilong yu?

Mipela i no inap long rausim wari bilong yu tasol mipela i ken tokim yu wanem samting yu ken wokim long helpim yu glasim na skelim tupela sait bilong hevi yu yet na kamap wantaim wanpela disisen.

Sapos yu givim bikpela luksave long ol papamama na hauslain bilong yu, orait, bai yu lusim tingting long dispela boipren yu gat nau na painim narapela we ol i wanbel na amamas long en. Dispela man bai i stap long sem level long sait bilong sosel na ikononik klas. Tru disisen ya bai i wanpela hatpela wan na bai i bnrukum lewa bilong yu tasol i moabeta long wokim dispela nau bikos sapos yu lusim i go long bihain taim, em bai kamapim moa hevi. Boipren i stap long narapela provins na i gutpela long yu i rait long en na tokim em, salim bek tiket bilong em na tokim em olsem i moabeta long noken salim pas i kam long yu. Long dispela rot, bai em i isi long yu lus tingting long en.

Long wankain taim tu sapos yu pilim olsem laik bilong yu i strongpela moa na em bai lukautim yu gut long bihain taim na yu laik maritim em tru, ating em i gutpela long yu yusim dispela balus tiket em i salim long yu. Na yutupela i ken toktok gut long rilensensip bilong yutupela inap yu klia gut wanem samting yu laik wokim. Na yutupela i ken wokim ol plen gut long marit bilong yutupela.



Mipela i gat bilip olsme yu luksave long pilings bilong papamama bilong yu. Ating ol i painim hat long long luksave long nupela rot bilong ol yangpela bilong tuse we ol i fri long wokim samting long laik bilong ol. Tasol ol i laikim samting we bai gutpela long yu na i no bilong kamapim hevii na sindaun nogut long laip bilong yu. Inap yu painim wanpela pren o hauslain husat i bikpela moa long yu na i gat moa save na i luksave long hevi na wari bilong yu long toktok long papamama bilong yu?

Sapos yu wanpela Kristen, i moabeta long yu pre na tokim Bikman olsem tingting bilong yu i no klia long ol dispela samting. Na askim em long helpim yu na gaidim yu.

Mipela i hop olsem disisen yu wokim bai i no kamapim hevi namel long yu na boipren na famili bilong yu. Em bai no gutpela sapos disisen yu wokim i bagarapim gutpela sindaun namel long yupela. Em bai gutpela moa sapos yupela i kamap wantaim wanpela disisen we bai yupela i wanbel long en.





Bik Bro REBO



IGO MOA NEKS WIK!



SIPAK MAIKY



IGO MOA NEKS WIK!

Ron Bilong Pasindia Sip

JUN 1999

Sapos yu laik bukim sip o kism moa toksave
Askim Titus o Ita Ph: 472 2066 Fax: 472 6806
P.O. Box 1459, Lae, Morobe Provins

Vessel Voy No. Sailing from Lae for: Day Date Time

*Gejamsao >>>>>> Offers Daily Passenger & Parcel Services between Lae and Buki
*Gejamsao >>>>>> Departs Lae @ 0900am and Arrives Buki at 11:30am.
*Gejamsao >>>>>> Departs Buki @ 12:30pm and Arrives back at Lae at 3:00pm

Maneba.....511 N	Fin/Wasu/.....(Mag).....	Tue	01-06-99	4pm
Nagada.....431 A	Fin/Lab/Lae.....	Wed	02-06-99	4pm
Umboi.....589 N	Lorengau.....(Lae).....	Wed	02-06-99	4pm
Nagada.....431 N	Fin/Sio/Wasu/GAL/Bil/Madang..	Fri	04-06-99	12nn
*Mamose.....612 B	Finsch/LabLab/Finsch/Lae.....	Fri	04-06-99	5pm
*Mamose.....612 D	Oro Bay.....	Sat	05-06-99	8pm
*Mamose Exp...511 N	Buki/Lae.....special.....	Mon	07-06-99	9am
*Rita.....474 N	Kimbe/Rabaul/Kimbe/Lae.....	Mon	07-06-99	3pm
*Mamose Exp...613 N	Fin/Wasu/Madang/Wewak.....	Tue	08-06-99	9am
Umboi.....570 N	Fins/Wasu/.....(Mag).....	Tue	08-06-99	4pm
Maneba.....512 N	Lorengau.....(Madang).....	Wed	09-06-99	4pm
*Rita.....474 B	Fins/LabLab/Fins/Lae.....	Fri	11-06-99	5pm
*Rita.....474 D	Oro Bay/Lae.....	Sat	12-06-99	8pm
*Rita.....474 A	Buki/Lae.....special.....	Mon	14-06-99	9am
*Mamose Exp...614 N	Kimbe/Rabaul/Kimbe/Lae.....	Mon	14-06-99	3pm
*Rita.....475 N	Fin/Wasu/(Lae).....	Tue	15-06-99	9am
Nagada.....432 A	Fin/Wasu/(Lae).....	Tue	15-06-99	4pm
Maneba.....513 N	Lorengau.....(Lae).....	Wed	16-06-99	4pm
*Mamose Exp...614 B	Fins/LabLab/Fins/Lae.....	Fri	18-06-99	5pm
*Mamose Exp...614 D	Oro Bay.....	Sat	19-06-99	8pm
*Mamose Exp...615 N	Fin/Wasu/Madang/Wewak.....	Mon	21-06-99	9am
*Rita.....476 N	Kimbe/Rabaul/Kimbe/Lae.....	Mon	21-06-99	3pm
Maneba.....514 N	Fins/Wasu/.....(Mag).....	Tue	22-06-99	4pm
Umboi.....572 N	Lorengau.....(Lae).....	Wed	23-06-99	4pm
*Rita.....476 B	Fins/LabLab/Fins/Lae.....	Fri	25-06-99	5pm
*Rita.....476 D	Oro Bay/Lae.....	Sat	26-06-99	8pm
*Rita.....477 N	Fins/Wasu/Madang/Wewak.....	Mon	28-06-99	9am
*Mamose Exp...616 N	Imbe/Rabaul/Kimbe/Lae.....	Mon	28-06-99	3pm
Umboi.....573 N	Fins/Wasu/.....(Mag).....	Tue	29-06-99	4pm
Nagada.....433 A	Fins/LabLab/Lae.....	Wed	30-06-99	4pm
Nagaba.....433 S	Alotau.....special.....	Fri	02-07-99	12nn

Ron Bilong Kago Sip

Jun 1999

Sapos yu laik bukim sip bilong karim kago o kism toksave
Askim Philip o Yadi Ph:472 2066 Fax: 472 6808
P.O. Box 1459, Lae, Morobe Provins

Vessel Voy No. Sailing from Lae for: Day Date Time

Main Ports

Kuder.....221 A	Madang.....	Tue	01-06-99	6pm
Umboi.....569 N	Lorengau.....(Lae).....	Wed	02-06-99	4pm
Kuder.....221 N	Madang/Wewak/Vanimo.....	Fri	04-06-99	10pm
Wewak.....352 A	Madang.....	Tue	08-06-99	6pm
Maneba.....512 N	Lorengau.....	Wed	09-06-99	4pm
Wewak.....352 N	Madang/Wewak/Vanimo.....	Fri	11-06-99	10pm
Kuder.....222 A	Madang.....	Tue	15-06-99	6pm
Maneba.....513 N	Lorengau.....(Lae).....	Wed	16-06-99	4pm
Kuder.....222 N	Madang/Wewak/Vanimo.....	Fri	18-06-99	10pm
Wewak.....353 A	Madang.....	Tue	22-06-99	6pm
Umboi.....572 N	Lorengau.....(Lae).....	Wed	23-06-99	4pm
Wewak.....353 N	Madang/Wewak/Vanimo.....	Fri	25-06-99	10pm
Kuder.....223 A	Madang.....	Tue	29-06-99	6pm
Maneba.....515 N	Lorengau.(W/kos,Lae).Dangerous	Wed	30-06-99	4pm

Small Ports

Maneba.....511 N	Fins/Wasu/.....(Mag).....	Tue	01-06-99	4pm
Nagada.....431 A	Fins/Lab/Lae.....	Wed	02-06-99	4pm
Nagada.....431 N	Fins/Sio/Wasu/GAL/Bil/Madang..	Fri	04-06-99	12nn
Umboi.....570 N	Fins/Wasu/.....(Mag).....	Tue	08-06-99	4pm
Umboi.....571 N	Aitape.....	Mon	14-06-99	4pm
Nagada.....432 A	Fins/Wasu/.....(Lae).....	Tue	22-06-99	4pm
Nagada.....432 N	Lab/Fin/Was.Dan + gen. car.for Lab	Thu	17-06-99	4pm
Maneba.....514 N	Fins/Wasu/.....(Mag).....	Tue	22-06-99	4pm
Umboi.....573 N	Fins/Wasu/.....(Mag).....	Tue	29-06-99	4pm
Nagada.....433 A	Fin/Lab/Lae.....	Wed	30-06-99	4pm

PM tok ol samting bilong pait i bilong gavman


Honiara, Solomon Ailan: Gavman bilong Solomon Ailan i no klia yet long wanem samting em bai wokim long ol samting bilong pait i stap nau long Nu Silan.

Ol dispela samting em olpela gavman bilong Solomon Mamaloni i bin baim long Amerika wantaim mani inap long US\$12.6 milien (K36,000,000) moa long tupela krismas i go pinis. Dispela em taim hevi na pait long Bogenvil i stap. I gat long en wanpela

henga o haus bilong ol balus, ol masin we ol ken yusim long nait long taim bilong pait na ol arapela strongpela masin na ol samting bilong pait long en. Ol bin putim ol dispela samting long Nu Silan tupela krismas i go pinis taim ol toktok bilong painim gutpela sindaun long Bogenvil i wok long kamap long Nu Silan.

Praim Minista bilong Solomon Ailan Bartholomeo Ulufa'alu naNesanel Sekyuriti Minista Robin Meseputu i bin tokaut

long dispela samting. Mista Meseputu i tok Gavman i no klia yet wanem samting bai em i mekim wantaim ol dispela samting bikos taim bilong storim ol samting ya long Nu Silan bai ekspaia long dispela yia. Ol bai salim ol o kism i go long kantri, em i tok. As long odaim ol dispela samting bilong pait em long lukautim kantri long taim bilong pait o sapos narapela birua i laik kirapim pait wantaim ol na ol mas lukautim ol yet.



• Dokta Edward Butterworth i sekim "Maybe Baby" divais o samting long sekim sapos meri i gat bel taim wanpela peisen i lukluk i stap. - Weekend Australian niuspepa.

Bai nogat moa mistri bilong meri i bel

Dispela liklik samting olsem sasis bilong lipstick keis i no samting nating, nogat. Ol dokta na ol meri i ken yusim long testim spet na painimaut sapos dispela em i raitpela taim long meri i kism bel. Sapos em i tru, meri i ken slip

wantaim man na gat bel long en. Narapela samting tu we dispela liklik masin ya inap soimaut em sapos meri bai i gat bel na karim pikinini man o meri. Nuipela masin ol i kolim long "Maybe Babay"bai i go long maket long Australia i no

longtaim i kam nau bihain long ol atoriti i tok orait long en. Ol bin divelopim long Yurop tripela krismas i go pinis na ol i wok long yusim long hap. Long Gemeni ol i wok long salim 45,000 long ol masin ya insait long wanpela mun.

Australia salim tok lukaut long ol sitisen bilong em long Solomon Ailan

Solomon Ailan: Australia i sdalim strongpela tok lukaut i go long ol sitisen bilong em long abrusim wokabaut i go long Solomon Ailan bihainim hevi i kamap namel long tupela grup insait long kantri (Solomon Ailans). Pait na hevi i stap namel long ol pipel bilong Guadalkanal na Malaita.

Dipatmen bilong Foren Afeas long Australia i bin putim tok lukaut long ol pipel bilong Australia husat i laik raun i go long Solomon Ailans long wok o olsem ol turis inap long ol hevi i slek.

"Ol sitisen bilong Australia husat i laik raun i go long Solomon Ailans i mas lukaaut long sefti bilong ol bikos ol trabel na pait i go antap moa.

"Tru ol no tagetim ol turis na ol pipel bilong ol arapela kantri tasol ol pipel bilong Australia i stap na wol long Guadalkanal i mas lukaaut gut long sefti bilong ol," opis i tok. Em i askim ol Australia pipel husat i stap long Guadalkanal long salim ripot long ol samting i kamap.



Kisim save em bikpela samting

Em i hat tru long ol pikinini husat i stap long ol ples antap long maunten long go long skul o skul gut bikos em i hat long sait bilong wokabaut na trenspot. Dispela i save mekim hat long ol dispela ples. Planti makim i laik skul tasol i nogat inap tisa long Kindom bilong Bhutan. Mak i save stap olsem wanpela tisa long 50 sumatin. Fifti krismas i go pinis, gavman i bin askim long moa pikinini i go long skultasol nau, moa i gat moa sumatin tasol sot long tisa. Wanpela program we

Austrlaia i gat wantaim Bhutan em tisa trening we ol lain i save go long Australia long kism trening long mali gret skul we ol i ranim long Bhutan. Long daunim hevi bilong tisa i sot, Bhutan i ranim mali gret skul we ol Kindagaten lain inap long Gred 6 i serim ol klasrum na tisa. Olgeta yia, sampela tisa i save go long Australia long kism moa trening na skruim save long rot bilong plenim ol lesan, divelopim ol tising metod, glasim program bilong ol sumatin na ol arapela program moa olsem.

Skul bilong VAT

Wanem samting ol bisnis kampani bai wokim?

1-Sapos bisnis bilong yu i save kamapim moa long K100,000 insait long wanpela yia, i moabeta yu rejista wantaim VAT NAU.

2- Sapos yu rejista pinis, bai yu kisim bek 10 pesen long velu bilong ol samting yu gat long stua bilong yu taim gavman i go hetim VAT takis long neks mun.

As tingting long kamapim dispela kredit em long daunim ol stok bilong yu long 10 pesen. Long dispela rot, bihain yu sasim 10 pesen VAT, em (prais) yu sasim ino inap long go antap.

3- Long kisim dispela kredit, yu mas karimaut stok tek klostu o long Jun 30, 1999.

4- Taim yu wokim stoktek, daunim ol prais bilong ol samting long 10 pe sen mak.

5- Bihainim ol tok skul we i stap long VAT ritens fom long kisim bek kredit bilong yu.

6- Long Julai 1, 1999 bai olgeta Provinsel Takis i pinis na ol bisnis bai i sasim 10 pesen VAT.

7-Ol samting we ol bisnis haus i odaim ausait long kantri bipo long Julai 1, 1999 em ol bai i fri long peim 12.5 impot duti takis we ol i save sasim ol long dispela taim.

8- Ol senis i min olsem VAT bai i no inap long apim ol prais long ol stua.

9- Sapos prais bilong ol samting i go antap, em no VAT i wokim.

10- Yu inap long kisim 10 pesen VAT takis rifan sapos yu rejista na yu kari-maut stok tek.

Yu ken sasim VAT tasol sapos yu rejista.

Sapos ol seils long bisnis o stoa bilong yu i save abrusim K100,000 insait long wanpela yia, yu MAS rejista. Long Julai 1, bai nogat moa

Provinsel Seils Takis. Olgeta bisnis haus we i save sasim dispela bai stopim.

Wanem samting yu bai wokim long rejista

Bilong rejista long VAT, lukim ol lain long Intenel Revenyu Komisn na ol bai givim yu rejistresen fom long pulumapim. Taim ol i kisim ol ditelsbi-long yu, ol bai givim yu VAT rejistresen namba. Dispela em namba we bai yu holim na sasim VAT long en. Yu ken kisim tu rejistresen fom long kaunten bilong yu.

Bihain long yu i rejista

Taim yu rejista pinis wantaim VAT na yu kisim VAT rejistresen bilong yu, yu ken stat sasim VAT takis i go long ol kastoma long ol samting we ol i baim long stua o bisnis bilong yu. Bai yu save givim aut tu ol takis invois. Long olgeta mun yu mas pulumapimna salim i go long IRC opis ol mantli VAT ritens we i gat long en ol seils na VAT we ol saplaias bilong yu i sasim long yu. IRC opis i mas kisim ripot bilong ol ritens long namba (date) 21 de bilong olgeta mun we em pinis bilong VAT piriet.

NBPOL givim K1 milien long helpim ikonomik na sosel projek

VERONICA HATUTASI i raitim

NU BRITEN WelPam (NBPOL) kampani i givim K1 milien long saplimeri baset bilong Provinsel gavman long skruim ol sampela projek long Wes Nu Briten.

Dispela em dividen mani we i stap long tras akaun kampani i putim mani long en na Provinsel gavman i lukautim.

Wes Nu Briten Gavman Bernard Vogae husat i siaman bilong Provinsel Fainens i bin tokaut long dispela samting taim em i tokaut long saplimeri baset las wik.

Mista Vogae i tok wan milien kontribusen bilong NBPOL bai helpim long kamapim ol projek olsem bris, rot, helt na edukesen.

Em i tok dispela bai helpim long kamapim gut moa sindaun bilong ol pipel na tu long kisim gut ol sevis.

Gavana Vogae i tokaut long 20 projek we dispela K1 milien bai i go long en.

Hia em mak bilong mani na ol projek we dispela ol i katim mani long ol:

1- Tupela wokabaut somil kos bilong ol inap long K127,000	
2-Bris bai kostim	K40,000
3- CIS Lakiamata	60,00
4-Komyuniti Polising	60,000
5-Paia sevis	30,000
6-Sekyuriti sevis	30,000
7-Provinsel Wimens helt progrem	30,000
8- Vilis kot	40,000
9-NBC Redio West	43,000
10- Kimbe Hai Skul bras ben	30,000
11-Konsalten-WNBP-autstending akaun	80,000
12-Yunivesiti senta	45,000
13-Wara saplai- Bialla taun	20,000
14-Wara saplai-Bialla Hai Skul	50,000
15-Humen Risis Developmen trening	50,000
16-Rurel Ilektrikesen -Hoskins	60,000
17-Moramora Teknikel skul	30,000
18-Helt Sevis-Kandrien	40,000
19-Helt Sevis-Talasea	85,000
20-Hoskins Gels teknikol skul	50,000
Total	K1,000,000,000 (milien)

Bogenvil Kopa wari long ol skrap metal

BOGENVIL Kopa kampani (BCL) i wok long traim kisim bek ol skrap o ol liklik hap metal em i bilip i bilong em.

Dispela em ol samting bilong kampani long Bogenvil Ailan we ol man i kisim na salim long ol nara-pela lain bilong kisim mani long en.

Ol ripot i tok em i hat yet long kampani long go o salim sampela lain bilong em na sekim ol propeti

bilong ol long Bogenvil na kisim ripot long ol samting we i bagarap o ol i stilim long taim bilong hevi i kam inap nau. Manesing dairekta bilong Riotinto, mama kampani bilong BCL, i tok kampani i nogat tingting long go long Bogenvil long dispela taim bikos ol toktok long painim gut-pela sindaun i go het yet.

Em i tok kampani i wok long kisim ol toktok long dispela samting long

ol arapela pipel.

Ol ripot i bin kamap long las yia yet olsem sampela pipel i wok long kamautim ol hap ain na metal long ol masin bilong kampani long Arawa, Lolohe na Panguna na salim insait long kantri na long ausait tu na kisim mani long ol.

Kampani i bilip olsem pawa ste-sen, ol pawa lain long Lolohe na Arawa eria, wara tritmen sistem na

sampela haus i bin bagarap long taim bilong hevi, Mista Coleman i tok.

Sampela man i bagarapim ol dispela samtkng na salim ol hap ain na metal na salim i go long ol skrap metal dila long Lae, em i tok.

Em i tok kampani i bin kisim dispela samting i go long kot na kot yet bai i mekim disisen long en.

trukai
RICE

That's right



KANAGE

"Em nau, narapela wik bilong mi ken"



Kanage em wanpela hauslain man na em save wok long wanpela timba kampani long ples Yahetomo. Wanpela lus wik Fraide, Kanage i wok ova taim na pinis long 7:30 long nait. Em pinis wok na wokabaut i go long haus na em sekim kaikai, tasol i nogat kaikai. Man Kanage i hangre tru. Wantu wanpela tingting i kisim em long go stil. Em lukim gutpela mun i lait na isi tasol em wokabaut i go kamap long wanpela suga gaden bilong wanpela lapun man bilong ples yet. Kanage i lukim ol longpela longpela suga na em i amamas stret. Isi tasol em kalapim banis i go insait na em sut stret long wanpela longpela suga. Kanage i kamautim wanpela longpela suga na i painim samting bilong brukim long hap. Em lukluk i go long ples we ol i save tromoi lip bilong suga na lukim wanpela samting i sain long nait i stap na em i tok, 'Oh sans ya, bai mi brukim suga long en.' Tasol nogat. Em kela pongpong bilong lapun papa bilong gaden ya. Lapun papa i hait long holim pas ol stilman i save go stilim suga bilong em. Taim em i lukim Kanage i kam brukim suga, em i kam klostu long Kanage, na baga lapun ya i wok long kaikaim tit i stap. Em i pasin tingting stret long holim Kanage. Em nau Kanage tu i pasim tingting long brukim suga na em i kam klostu long lapun papa. Lapun papa i wok long taitim bun i stap long kalap na nekim Kanage. Abrus na Kanage i brukim stret suga long het kela bilong trangu lapun papa ya. Lapun kirap na bikmaus long Kanage, 'Aiyo.....mi ya! Mi kam was tasol long gaden bilong mi ya...!'. Taim Kanage i harim lapun papa i bikmaus, lek bilong em i pas long as na em givim siksti i go kalapim banis na i tekov. Sori tumas Kanage i slip hangre long nait long wanem pret i mekim na em i no kisim suga wantaim em na ronowe.

Elaisa Noah
Akameku ples

Kanage bilong Morobe. Wanpela taim ol poroman bilong em laik kaikai samting bilong solwara na ol i go long hotel. Kanage i lukim piksa bilong kindam wantaim kumu i stap long wol bilong hotel. Olsem na em i askim weta long tok Inglis, "I wanna crab" em save tingting kindam long tok Inglis em crab. Olsem na weta i go na kisim kuka i kam. Taim Kanage opim em i lukim kuka na em i tok, 'No, no... mi no tok long kuka, mi tok mi laikim crab.' Na weta i bekim na i tok, 'Dispela em crab.' Tasol Kanage i no bilip long weta. Em bikmaus moa na i tokim weta, 'Yu save long crab o nogat?' Na weta tu i strongim sait bilong em na i tok gen, 'Dispela em crab.' Olsem na Kanage i sem pipia na i tok, 'No, no, I mean kindam with the kumu drawing up there.'

Warap Emnia
Lae, Morobe Provins

Kanage i bilong Agri long Sauten Hailens. Em save wok long Jant Kampani long Madang. Em i gat wanpela poro bilong Sepik tupela i save wok wantaim. Yu save ol Sepik na Tari i save tok wara taim ol i bungim pes. Nau 8 kilok taim bilong wok na Kanage wantaim ol wan wok i kam sanap long ai bilong opis wetim bos long givim wok long ol. Ol sanap na mekim pani na lap i stap na wanpela wan wok i pingaim bel bilong wan wok Sepik. Wan wok Sepik i kirap nogut na Kanage i tokim narapela wan wok husat i pigaim bel bilong wan wok Sepik olsem, 'Hei! yu noken holim bel bilong wara bilong mi olsem. Na wan wok



Sepik i tokim Kanage olsem, 'Yes wara, tokim em wara bilong mi i pulap i stap nogut mi givim em bai pulap na kapsait.' Taim ol wan wok i harim olsem ol i kilim ol yet long lap. Bihain bos bilong ol i kam ausait na kisim ol na ol i go wok.

Mona Tuks
Madang, Madang Provins

Kanage bilong Sepik na stap long taun bilong Bulolo. Wanpela taim, Kandre bilong em i go wokim nabaut nabaut long kem bilong ol Simbu na ol i kam na kukim haus, kilim pik, dok, kakaruk na katim buai na banana bilong ol Sepik long Sepik kompaun. Neks moning, ol Sepik i bung na i go bekim bek. Ol i holim wanpela spesol imejensi miting. Ol Simbu laik bai ol Sepik i baim kompensesen long K1,000 kes mani na 100 laip mama pik. Orait papa Kanage tu i hap man long tromoi tok pisin. Em sekim na skelim, na em kirap na bekim. Em tok, 'I orait, bai mipela givim olsem yupela askim. Bai mipela i no inap long senisim o daunim. Na yupela tu, yupela mas givim mipela wankain samting olsem mipela bai askim long en. Bai yupela i no inap long senisim na daunim pul stop.' ol Simbu laik save long hamas ol Sepik laikim, na papa Kanage i bekim. 'I no bikipela, yupela ol man tu ya, yupela pilim pinis na yupela i stap. Mipela ol Sepik i laikim K5,000 kes mani tasol na traipela laip pukpuk insait long wanpela wik tasol tenkyu tru.' Dispela kompensesen long pukpuk tasol i mekim na ol Simbu i sotwin olgeta. Ol i givap na kensolim miting na kompensesen wantaim.

A. Andrew
Lae, Morobe Provins

Wanpela Sarere apinun, Kanage wantaim poroman bilong em tupela raun long rot na long rot ol i stori long laip bihain long taim ol i dai. Na Kanage yet wokabaut i go pas na poro bilong em kam bihain. Tupela wokabaut i go na Kanage i bamim lek bilong em na em i tok, 'pasted.' Na poro man bilong Kanage i harim na bekim long Kanage, 'Yes, yu go pas.' I no long taim ol i wokabaut i go na Kanage i bamim lek ken na em i tok gen, 'pasted.' Na poro bilong em i harim na bekim ken long Kanage, 'Yes yu mas dai na go pas. Mi bai kam bihain.' Yu save poro bilong Kanage i ting Kanage i tok em i mas dai pas na i go pas long ples daun long wanem em i no klia long tok 'pasted'.

Sawrias Wangkul
Aitape, Sandaun Provins

Wanpela taim Kanage i stap long ples bilong em. Tingim taim bilong san, na Kanage i hot nogut tru. Orait em kirap go long wanpela wara klostu long ples. Taim Kanage go kamap stret long wara, pekpek bagarapim em stret. Kanage lukluk go long wara na lukim wanpela diwai slip antap na akros long wara. Kanage bihainim diwai i go namel. Em rausim trausis na sindaun taitim bun long pekpek. Taim pekpek i lusim as bilong Kanage na ol laik pundaun long wara, wanpela traipela gris pis i swim i go long ples Kanage i pekpek long em. Taim pekpek i lusim as bilong Kanage na i go daun stret na pariap long het bilong dispela pis ya. Kanage lukim i lukim dispela pis ya na em i no moa tingting long pekpek. Kwiktai em i tanim na em i kalap i go insait long wara na holim pis ya na tekov long haus.

Joel Saurin
Bialla, Wes Niu Britan Provins

Kanage em man bilong holim wanpela botol na spak hariap tru. Wanpela taim em dring wanpela gol kam piwa stret. Na long nait, em spak nogut tru na i go long haus bilong em. Long haus, Misis Kanage i slip pinis na i lokim dua. Man lapun Kanage i bel hat nogut tru na i brukim dua na i go insait. Em i spak na hangre wantaim. Kanage i painim kaikai i go na krungutim Misis Kanage. Turangu, Misis Kanage i guria na i ting ol stilman i go insait long haus long holim em. Kwiktai stret em hapim lek na putim long bros bilong Kanage. Nau baga pundaun long ples bilong paia stret. Kanage i kisim taim stret, na i tokim Misis Kanage, 'Mama, kaukau bilong mi we ya?' Isi tasol, Misis Kanage i tok, 'Kaukau yu kaikai pinis long hotel na kam ya! Yu laikim wanem kain kaukau, na yu sikirap long traipela nait. Yu no pulap yet?' Misis Kanage i kilim paia bilong papa Kanage na boi ros i nogat toktok. Isi tasol em i slip wantaim hangere.

Paia A John
Palm Lodge hotel
Kimbe

Kanage em bilong Salage tasol em i stap long Hoskins. Long wanpela nait, Kanage i slip na driman olsem lapun mama bilong em i dai. Olsem na long bikmoning, em kisim bas namba tri na i go long Kimbe

taun. Long Kimbe em kisim bas namba 100 na em i go long ples bilong em. Taim em i kamap long Silaga, bus i stop na em i go daun na stat long krai na bihainim rot i go long haus. Na long ples, ol manmeri ol i wok long wokim kaikai bilong wanpela nupela marit. Taim Kanage i lukim planti ol lain long ples i bun, em i hatim krai i go kamap. Taim em i kamap klosut em krai moa yet. Orait bikman i lukim Kanage na ol i askim ol yet, 'Olsem wanem na papa Kanage i krai?' Kandre tru bilong Kanage i harim na i askim Kanage. Na Kanage i bekim, 'bodi bilong bubu i stap we?' Na kandre bilong Kanage i paul na i tok, 'Kanage, bubu bilong yu i stap yet, em i no dai. Ol lain bilong yumi long ples i wokim kaikai bilong nupela marit ya!' Taim Kanage i harim olsem em krai strong olgeta na i go holim pas tupela marit na amamasim tupela. Kanage painim rot bilong daunim sem bilong em yet. Yu save Kanage em stail mangi bilong giaman tu ya!

Jay Fox
Brisbain

Kanage em wanpela man Sepik. Em kandre tu bilong Toro stret. Na em wanpela fitman bilong painim abus long bus. Long wanpela de, em i go long bus na digim hul bilong pik na go bek long ples. Kanage i gat wanpela dok, nem bilong em Tiyeho. Long wanpela moning, em kisim dok bilong em Tiyeho na tupela i go raun long bus na Kanage i pilim pekpek na em i go rausim mal bilong em na i pekpek i stap. Dok bilong em Tiyeho i go long hul bilong pik na lukim bikipela snek moran i stap insait long hul. Dok i wok long pait long snek na singaut i stap. Kanage em pekpek wara na stap. Tasol tasim dok i singaut, em i no pinis pekpek. Em stapim pekpek, i no rapim as bilong em na i no wet, em i ron i go stret long hul bilong pik. Taim Kanage i go kamap, em lukim dok i singaut na em i ting pik i stap insait. Kanage i no wet, em i linaun na lukluk long hul bilong pik i stap. Dok i smelim pekpek na i kam long baksait bilong Kanage na rapim as bilong Kanage long tang em long em. Kanage i kirap nogut, na hetwin i go insait long hul. Em go daun bungim moran na tupela i pait insait long hul. Kanage em hap man tu ya. Em strong na kilim snek, na i kalap i kam antap, holim dok bilong em na sutim i go insait long hul na i go long ples.

Maxwell
Wewak

KANAGE

"Em nau, narapela wik bilong mi ken"



AIYOO!! GELPREN BAI RITIM INGLIS BILONG MI NA EM BAI DAI STRET LONG MI!

Dia lewa.

Straik it to the ras ward Sepik. Stay for id en stei fo mi. It's our laik en we pren. Dont Talk it out. K-boi!



Wanpela taim Kanage na meri bilong em i pait long potnait pe bilong Kanage. Kanage kirap tokim meri bilong em, 'I no wanpela pe de bai yu malolo long pait long mani, mani, mani. Yu meri wok o mi Kanage wok. Yu samting bilong haus. Olsem na amas mi givim yu, kisim tasol na wokim long laik.' Meri bilong Kanage i no wanbel long tok bilong Kanage na em statim pait gen. Kanage i belhat na paitim meri bilong em gut wan na i pundaun. Kanage i tanim na i laik i go paitim gen meri bilong em. Tasol meri bilong em i kirap kwik na holim bol bilong Kanage. Kanage i nogat strong moa. Em kirap kwiktaim na mekim wanpela stori. 'Tude long dispela awa, long dispela minit na long dispela seken, olgeta memba i laik paitim praim minista. Mi sore bikos em hetkwota bilong yu na mi stret.' Misis Kanage i harim dispela stori na em i paul long toktok na i lusim han bilong em na i askim. 'Lewa, yu harim nius long we? Long redio o TV?' Gutpela meri, nau tasol mi lukim long laip aksen TV bilong Kanage ya! Kanage i bekim olsem na i kirap wiwilim meri bilong em hap dai na ol i kisim em i go long haus sik.

Dee Aee Kainantu

Kanage em bilong ples Bena tasol em save wok long Goroka taun. Kanage save wok olsem klina bilong benk na tu em i no save long tok Inglis. Wanpela taim, bos bilong em i tokim em olsem, 'Yu go long sevis stesen na baim fuel.' Sem taim bos bilong em i givim em K2 wantaim plastik bilong pulimapim fuel. Kanage i kisim K2 na plastik na i wok-about i go long sevis stesen. Yu save pinis, Kanage het i paul pinis. Em i no moa tingim wanem tok bos i tokim em. Olsem na em i go long sevis stesen na baim karasin. Em karim karasin i kam kapsaitim i go insait long lon mowa bilong katim gras. Kanage i traim long statim mowa tasol mowa i no stat. Em go tokim bos bilong em na taim bos i painim olsem Kanage i baim karasin em pinisim Kanage long wok.

Jessie Napris Goroka

Wanpela stori i go olsem. Kanage em i bilong Makam na em prenim wanpela meri Sepik. Meri Sepik em skul na Kanage i no skul. Tasol em i save harim ol pren bilong em save tok Inglis na wanpela taim em laik rait pas long gel pren bilong em. Kanage i rait i go na em laik tokim gel pren bilong em long kipim prensip bilong tupela i mas i stap hait na em rait long tok Inglis. 'Straik it to the ras wara Sepik. Stay for you and stay for me. It's our laik and we pren. Don't talk it out.' Taim gel pren bilong Kanage i lukim em i lap indai stret long tok Inglis bilong kanage na em i bekim pas bilong Kanage na tok, 'Laki tru na yu bilong Makam.'

Clara Akowest Lae

Kanage em bilong ples long Boneo. Dispela ples em i stap long Esia. Tasol taim Kanage i bin liklik mangi, papa bilong em kisim em na tupela ronawe i kam long PNG na stap long Is Niu Briten. Famili bilong em i kamap long wanpela gorila famili. Olsem na taim mama i karim

Kanage long Boneo, em i kisim stret bodi bilong Gorilla. Kanage i stap long Is Niu Briten na i kamap yangpela boi na em i go long skul long Tamtavul komyuniti skul. Long skul ol boi i save kolim em long nem, Mongi. Tasol Kanage i no save bisu, em skul strong na em winim fom foa. Sem taim ol i givim em skolasip long go skul long Boneo. Taim em kamap long Boneo, em go raun wantaim ol sumatin long zu. Insait long zu, i gat sampela Gorilla i stap. Ol i raun i go na wanpela Gorilla i luksave long Kanage olsem em wantok bilong em. Olsem na taim ol i kam ausait, Gorilla i wisil long em. Wantu Kanage tanim na lukluk. Sem taim ai bilong tupela i bung na Gorilla long banis i askim Kanage, 'Wanem taim yu kam?' Kanage isi tasol na bekim, 'Yu bla.....a.....rr...risit. (bloody shit!) don't yu know I am pikinini yauro. Mi kamap long blut bilong yu.' Gorilla long banis i sem pipia na bekim, 'Win bilong yu, tasol yu mas tingim olsem, toktok long maus em yauro, tasol olgeta hap bilong yu, em bubu bilong Gorilla ya!'

Austine Togveri Kimbe

Kanage bilong ples Kambazive insait long Menyama distrik long Morobe provins. Em i go long skul na long moning tru wantaim poro bilong em. Taim ol i go long klasrum, tisa bilong ol i skulim ol long we bilong tok ekyius na go long toilet. Tisa i testim ol na wanwan bilong ol i go antap na tok, 'Excuse me teacher, may I leave the room please?' Tasol Kanage i no harim wanem samting tisa i bin skulim ol mangi. Taim tisa i wok long tis, kanage i wok long pilai long baksait i stap. Orait em taim bilong Kanage na em i go antap na i tok, 'Excuse me teacher, may I borrow your pispis please?' Tisa i kirap na tokim Kanage olsem, 'Sorry, what did you say?' Na Kanage i tok gen, 'I say, please may I borrow your pispis?' Na tisa i laik paitim Kanage, tasol Kanage i lusi nating long klasrum na i ronowe i go long ples.

James Naps Kimbe


Kanage em wanpela kaunsel bilong Ambenob Lokol Level Gavman. Na Kanage em wanpela man bilong pret stret. Wanpela taim em i go long wanpela

miting bilong ol pipel long Halopa ples. Long ples, tudak i bungim Kanage na em i mas slip long nait long wanpela haus. Tasol Kanage i pret na i askim tupela bikman bilong ples long slip long sait sait bilong em. Kanage i amamas na i slip gut tru long namel. Turangu tupela bikman bilong ples Halopa i ting Kanage i pret long ol Sanguma olsem na tupela i was gut long em long nait. Long nait, Kanage i driman na i lukim wanpela wel man i laik tromoi em i go daun long bikpela klif. Kanage i belhat long driman na i pait wantaim dispela wel man. Kirap nogut, rait han bilong Kanage i pas long pes bilong narapela bikman na lep han i pas long pes bilong narapela bikman. Tupela bikman i ting Kanage i laik kilim tupela long nait na ol i wiwilim Kanage stret. Long tulait ol i askim Kanage na em i stori gut long ol long driman bilong em.

John Dumi Madang

Papa Kanage i bilong Pogo poin long Lae. Wanpela taim paps Kanage i laik i go lukim pinis bilong Hailens haiwe. paps Kanage wantaim junia Kanage hitim long hailens haiwe i kam antap long kol ples Mt Hagen. Hitim stret long Mendi na i go daun olgeta, man, yu save, manki nogut ya wok long hitim yet, na i go kamap long Abua gap long Tari, Sauten Halens. Taim tupela kamap stret long kol ples namel long bup. Tupela lukim wanpela longpela wel karuka i karim hangamap i stap. Yu save бага nogut i no save katim karuka na em no save kaikai tu. Tasol em harim stori tasol. Na em laik traim na junia Kanage tu laikim tumas paps Kanage katim karuka ya. Yu save kain bilong paps Kanage ya wip i go antap stret. Taim em i stap antap lek han bilong paps Kanage i pen na i dai olgeta. Paps Kanage hariap tasol kalap antap long karuka na sindaun kisim gut win na wisil wantaim isi isi tasol katim rop bilong karuka-wi-a-yo. Paps Kanage tanim, tanim wantaim karuka i go daun. O—lo—man, paps Kanage pundaun pastaim na karuka ya pundaun antap long em na bel i bruk. A—o—o. Tarangu manki nambis kam i dai long Hailens. Why na sori long em ya.

James Kupia Tari



PNG HIT Parade 1999

SPONSOR - TRADEWINDS

W/B	LW	T/W	SONG	ARTIST
1	1	1	16 x 4	Connections Band
2	2	2(6)	Wok Masin	Kanai Pineri
4	3	3	Aunty Jane	Honai Rhythm
0	12	4	Acting Papua	K-Dumen
6	6	5	Brendy	Bluemates
10	5	6	Lalos Yo	Bluemates
5	7	7	Suspect	Connections Band
16	8	8	Wanfela Girl	Demas Saul
15	14	9	Blu Ais Blong Sentani	Kamezz Band
3	4	10	Oh Tingting	Demas Saul
0	0	11	Luksave pinis	Lista
0	0	12	Martha	Yangillis
13	9	13	Tuleple	Honai Rhythm
0	0	14	Size 28 Reggae	Midstreet
8	15	15	Namaliau	Tamadogs
7	10	16	Kopex Lewa	Kamezz band
0	0	17	Logwei long mama	Itambu
0	0	18	Iduan Bay	Kulsun Taritos
12	16	19	Mango Uposi	Kulsun Taritos
9	13	20	Sit Mi Bogia	Kulsun Taritos
IN:			Logwei long mama	Itambu
			Martha	Yangillis
			Luksave pinis	Lista
			Size 28 Reggae	Midstreet
OUT:			Sweet Darling	Maruia
			Tahiti Summer	Maruia
			Kayama	Maruia
			Biguine A Gogo	Rod Dannys

PNG FM PTY. LTD.
 Trading as
NAU FM
 and
YUMI FM

P.O. Box 774,
 Port Moresby
 Papua New Guinea
 Ph: (675) 320 1996
 Fax: (675) 320 1995

Sekim stori bilong PNG ami kilim OPM man

SAPOS i tru olsem pasin i kamap long niuspepa long 11 Jun 1999, we Meja Jenerel Gerry Singirok wantaim ol ami opisa bilong em i wokim long kilim wanpela Melanesian brata long Wes Papua, Gavman i mas kamapim wanpela wok painim i go insait long dispela na sasim ol ami bilong PNG Difens Fos.

Sapos i tru, mi laik tok olsem, mi sem long kain pasin we ol ami bilong Melanesia i wok long kilim yumi yet Melanesian manmeri olsem pik na dok. Man, yupela bagarapim ol brata susa long Buka pinis na nau sapos i tru, gan i kilim wanpela Wes Papua.

Sapos i tru, mi ting, yupela mas ami bilong ol kongkong wantaim ol wait manmeri. I no bilong yumi, PNG na ol brata susa long Melanesia.

Sapos i tru, gavman i mas rausim dispela hap pepa long

kamap memba bilong Yunaited Nesens Human Raits Komisen na bihain yupela ken kilim mipela ol Melanesian olsem pik na dok.


Mipela em ol Melanesian pipel, na mipela i gat rait long bus, graun na wara bilong mipela na laip bilong mipela i go pas wantaim ol dispela samting.

Na mipela pait long laip na yupela maski long mangalim ol samting bilong mipela na kilim mipela.

Sapos stori i tru, ating ol dispela ami bilong PNG i nogat pasin tumbuna, bus, graun na wara bilong ol na ol yet i nogat bilip na sem long kilim ol wankain kala skin bilong ol yet.

Sapos i tru, Melanesian Kukurai bilong Karkar ailan i mas bilong kongkong ya!

**Melanesian Tru
Mosbi**



• Sampela bilong ol Indonesia pipel ol OPM paitman bilong Wes Papua i bin holim pas ol i stap taim ol PNG Difens Fos i go insait na kisim ol.

NSP studio kisim tok salens

MI wanpela mangi insait long Lae siti husat i no amamas long pasin bos bilong NSP studio, i save wokim long ol rekoting grups long Lae siti.

Em i save sasim ol ben grup husat i laik rekod long studio bilong em long prais i dia tumas.

Ol ben i mas baim K450 pastaim bipo ol i ken rekot. Dispela em i no gutpela long mipela ol mangi Morobe.

CHM na Pacific Gold studio i

save tok orait tasol long ol demo na save rekotim ol ben fri.

Tasol studio bilong NSP i wokim dispela pasin em i no gutpela tumas. I no yu tasol, planti studio i stap olsem na traim na daunim ti bilong baim studio tu.

Em tasol wari bilong mi wantaim ol ben grup long Morobe Provins. Tenkyu tru.

**Mangi Lae
Wopa Kantri**

Ol politisen kisim tok salens

MI wanpela mangi Hagen, nau mi stap long Mosbi. Mi lukim kantri bilong yumi na siti bilong yumi i bagarap olgeta. Yupela ol memba, yupela tok PNG em wanpela kristen kantri.

Tasol insait long dispela biknem kristen, planti rabis pasin i kamap. Ol man i wok long pilai poka masin, i gat planti nait klab, na pasin pamuk i go bikipela long olgeta hap.

Dispela em i no stret long ai bilong God. Buk bilong God long profet Esekial i bin tokim ol Israel olsem; ol i bin mekim planti pasin nogut na graun bilong ol i kamap doti tru long ai bilong God. Olsem na God i belhat tru long ol na i pasim ren bilong mekim ol i save long em.

Ating dispela tok em tru i kamap long kantri bilong yumi nau. God i lukim yumi mekim planti pasin

nogut, olsem na em i pasim ren so bikipela drai sisen i kamap. Mi bilip God i kapsaitim belhat bilong em long yumi nau. Yumi ol kristen i mas bilip tru na wetim kam bek bilong Jisas Kraus.

Sapos yu laik sapotim mi, mi amamas tasol long lukim pas bilong yu long Wantok Niuspepa.

**Plak Koi
Mosbi**

Jacob Wama kisim tok salens

MI wanpela mangi Fanak insait long Amele eria bilong Ambenob Lokol Level Gavman long Madang Distrik, Madang Provins.

Mi laik toktok long memba bilong Madang Open na Minista bilong Fainens na Intanel Revenu, Jacob Wama.

Mista Wama, sapos yu i gat ai, inap long yu lukluk na wokim sampela samting insait long Madang Open?

Hia em ol sampela projek inap long yu wokim:

- Rausim baket toilet sistem long Niu Taun na wokim septik sistem;

- Stretim ol rot insait long taun bikos nau yet pot hol i bagarapim planti hap bilong rot. Sapos yu yet

draiv raun bai yu lukim;

- Putim kolta long Mawan hai we;

- Kamapim spesol konstabol o plis fos long kornyuniti bikos lo na oda i wok long kamap bikipela long Madang;

- Na fandim Madang Distrik Yut opis. Nau yet mipela ol yut i no save kisim helpim long yut opis.

Mista Wama, Distrik Sapot Grant mani i stap we?

Em tasol na sapos Mista Wama yu laik bekim plis rait long Wantok niuspepa o kam long Madang na toksave long mipela ol pipel i votim yu.

**Palmer Fanar
Madang**



• **Jacob Wama**

Sampela plis i no mekim gut wok

MI wanpela mangi husat i save les long sampela pasin ol plisman i save mekim. Olsem na mi sapotim tingting bilong brata Kumul Dhichol bilong Kimbe na tu mi laik putim sampela tingting bilong mi.

Pasin bilong ol plisman i les long wok em i no long Kimbe tasol. Dispela pasin i stap long planti hap bilong PNG.

Sapos hevi i kamap long wanpela ples na trabol man i ronowe, em ol plisman save givim wok long ol man long ples long go painim trabol man.

Na sapos ol pipel long ples ol i no go painim em, ol bai paitim ol na kukim haus na bagarapim ples.

Em i no gutpela pasin ol plisman i save mekim. Olsem na moabeta, gavman i mas tingting long rausim ol yia wan plisman husat i gat kain pasin na kisim ol nupela yangpela plisman, husat i gat strong long pait agensim ol trabol man.

Planti ol plisman i lapun na su i save hevi na yunifom tu save hevi na ol save slek planti.

Ating em tasol. Yu husat laik sapotim o agensim, em yu yet nau. Bai mi amamas tasol long lukim pas bilong yu.

**Bosek Saina
Bagati / Astrolabibe
Madang**

Pipel i laikim gavman i senis


MI sapotim tru pas bilong mangi Tsunami long Wantok Niuspepa. Brata Tsunami i laikim Gavman i mas senis. Yes, mi tu mi laikim gavman i mas senis.

Mi wanpela mangi bilong Inalume long Lalibu Mendi, Sauten Hailens Provins, na mi wanpela ol pipel bilong mipela i lukim olsem i gat planti hevi i wok long kamp long provins na kantri olgeta. As ol i hevi i kamap em i stap long dispela gavman. Gavman nau i mas senis.

Planti samting i go hat tru long dispela taim, na mipela askim lapun papa, Sir Michael Somare i mas go bek gen long lukautim kantri. Mipela i gat bikipela bilip long Sir Michael na mipela i bilip em inap ronim kantri gut.

Em tasol na tenkyu long ritim pas bilong mi.

**Tonny Goipex
Walume lalibu**



• **Makim Sir Michael Somare
olsem nupela praim minista**

Ol mama i mas glasim famili bilong ol yet

MI laik kamapim sampela tingting i bihainim protes mas ol mama long Mosbi i bin kamapim long Trinde 19 Novemba, 1997. Dispela protes mas ol i putim em i gutpela.

Tasol tingting mi gat long en, mi save ol mama bai bel pen, tasol mi laikim ol mama ya i mas skelim gut tok bilong mi.

- Dispela ol mama husat i stap insait long dispela protes, ol i skulim o stretim pinis ol pikinini bilong ol na bihain ol i putim kamap dispela protes mas;

- Husat tru bai stretim ol pikinini long kamap gutpela man na meri bilong dispela kantri. Papamama, palamen haus o haus kalabus;

- Pasin bilong ol meri i save karim nating pikinini i no gat papa. Yupela i kamapim pinis sampela tingting long stapim o pinisim dispela hevi;

- Mama, yu wantaim man bilong yu i gat wanem plen long ol pikinini bilong yutupela taim yutupela i bin kamapim ol; na

- Sampela mama husat i stap insait long dispela protes mas, ating ol pikinini man bilong yupela tu i save bung wantaim arapela long mekim ol kainkain bikhet pasin.

Wantaim ol dispela tingting mi gat, mi save olsem ol lida meri na sampela mama i gat kainkain bekim long daunim tok bilong mi. Yes i no gat rong. Sapos yu laik bekim pas bilong mi, yu mas tingting gut na bekim pas.

Long pinisim tok bilong mi, mi laik tok olsem, lek bilong yu, haus bilong yu, i mas klin gut pastaim, long yu go aut na tokim gavman na arapela pipel long helpim na daunim ol kainkain hevi nau i wok

long kamap.

Askim bilong mi nau i go long ol lida bilong Gavman na ol NGO, na ol Sios insait long kantri. Bai yumi sanap olsem wanem long daunim ol hevi nau i wok long kamap? Em tasol, tenkyu tru.

**Ken John
Madang**

Sapos yu laik salim ol pas bilong yu i kam long dispela niuspepa, Salim i kam long dispela adres:
**THE EDITOR
WANTOK NEWSPAPER
PO BOX 1982,
BOROKO, NCD.**

Finschafen MP i hait we?

Mi laik putim liklik komplek bilong mi i go long memba bilong mipela ol Finschafen long Nesenol Palamen, Alfred Pogo.

Mipela i lukim olsem siks mun i go pinis na nogat wanpela gutpela sevis i kamap yet long Finschafen. Mista Pogo, ating yu bin giamanim mipela long tok olsem ol rot na haus sik na arapela sevises yu tok em 'pes prairiti sevis' bai yu givim bihain long yu win.

Ol sampela memba bilong narapela hap bilong PNG i stat pinis long kamapim wok developmen long ol wan wan ilektoret bilong ol, we mipela i ken lukim long ol niuspepa olgeta de.

Nau yet mipela ken lukim olsem strong bilong mani bilong yumi Kina i go daun stret. Na prais bilong olgeta samting i go antap moa stret long mipela ol grasrut. Olsem na mipela askim

memba bilong mipela long yusim dispela K1 milion EDF mani long kamapim ol gutpela wok o prospek we mipela ol pipel i ken kisim helpim long en.

Mipela i harim sampela tok win olsem yu wok long givim mani nating nating long ol man long Lae na Mosbi.

Mista Pogo, yu mas save olsem dispela ol lain long Lae na Mosbi i no givim yu vot long kamap bikman. Em mipela ol grasruts bilong ples, i givim yu dispela vot long bringim sevises i go insait long ol wan wan ples.

Plis mipela i laikim yu long tok klia sapos i tru o giaman olsem yu bin givim olsem K20,000 long ol lain long Edministretiv Koles long Mosbi na narapela K48,000 i go long tupela bisnisman bilong Finschafen ol bilong ples Floor na tupela i stap long Lae.

Dispela ol mani inap long

helpim wanpela konstitusen o eria long Finschafen long kamapim sampela gutpela wok. Mipela i laik yu tok klia long ol niuspepa o redi sapos i tru yu bin givim aut na em wanpela invesmen o ol sampela gutpela wok bai pipel bilong Finschafen i ken kisim helpim long en bihain taim o nogat. Sapos nogat, bilong wanem as na mani bilong ol pipel i wok long go nabaut long ol rong han?

Mipela bai wet tasol long bekim bilong yu long ol dispela askim. Sapos wanpela man i save long em i lukim dispela plis toksave long em long bekim hariap.

Em tasol komplek bilong mi na sapos ol man i laik sapotim o agensim, em welkam tasol.

A.K. Ele-epa
FIOO ples

Noken tok pilai long God, Sios, na ol wokman-meri bilong Sios

Mi laik sapotim pas bilong Michael Marius bilong Wewak. Yes brata, olgeta tok yu tok em i tru. Olsem na mi laik surukim liklik toktok bilong yu.

Mi laik tok olsem, yu husat i save raitim tok pilai bilong Kanage...Taim yu tok pilai, yu noken kolim nem bilong wanpela Sios, wok manmeri bilong Sios na God. Mipela i mas save olsem Sios na ol wok manmeri bilong God i save helpim yumi long kamapim gutpela sindaun.

Ol dispela institusen na pipel i save helpim yumi long bihainim Krai na tu long kamapim gutpela sindaun long laip bilong yumi wan wan. Na tu yumi noken yusim tok bilong God olsem wanpela tok pilai o samting nating.

Yumi mas save olsem dispela Tok bilong God i bin kamap man insait long bel bilong Maria, olsem tasol dispela tok i kamapim yu na mi na olgeta manmeri i stap long graun. Em tasol na yu husat i laik sapotim o agensim mi, plis rait tasol i go long Wantok Niuspepa na bai mi lukim.

Benedict Corvnan
Wewak

Sapos yu laik salim ol pas bilong yu i kam long dispela niuspepa. Salim i kam long dispela adres:
THE EDITOR
WANTOK NEWSPAPER
PO BOX 1982, BOROKO, NCD.

Watpo karim praim minista long bet?

WARI bilong mi i go olsem, watpo ol manmeri bilong PNG i save karim praim minista long bet?

Ating em i wanpela God? Mi save sem nogut tru long dispela pasin ol manmeri i mekim.

Long ol arapela kantri olsem Ostrelia na Amerika, ol i no save karim praim minista. Long Amerika ol i no save karim presiden bilong ol. Wankain long Rasia na dispela em i bikpela pawa kantri long wol. Presiden bilong ol dispela biknem kantri i save wokabaut tasol.

Ating yumi long PNG i mas ting praim minista bilong yumi em mas wanpela God ya. Long planti ples tu ol i no save karim ol lidaman o kukurai long bet. Olsem wanem, yumi kisim dispela pasin long wanem hap?



• Priam Minista Bill Skate

Em tasol na sapos yu husat i laik bekim plis rait i go long Wantok Niuspepa bai mi ken ritim.

James KTK
Boroko

Adance PNG Pati mas joinim Oposisen

Mi wanpela grasrut man na mi sapotim Lida bilong Advance PNG Pati, John Pundari long kamapim nupela pati bilong em wantaim ol yangpela lida.

Mi bilip sapos yumi gat ol yangpela lida na ol olupela lida i wok bung wantaim, ol inap tru long bringim planti gutpela senis long kantri we inap helpim mipela ol pipel bilong PNG.

Long dispela as, mi askim Mista pundari na 22 memba bilong em long joinim Oposisen

na kamapim gavman long ronim dispela kantri.

Mi laikim yupela i rausim Gavman bilong Skate na Haiveta na kamapim gutpela gavman bilong stretim ol ekonomi hevi bilong kantri.

Em tasol wari bilong mi, na sapos yu husat i laik sapotim mi, rait long Wantok bai mi ken ritim.

James Kambot
Boroko

Banz plis mas wok

Mi laik autim dispela wari bilong mi i go long ol pablik wantaim ol lain husat i bin kisim bagarap long taim dispela tupela tim, Wagi Tumbe wantaim Spear Hagen Eagles i bin pilai long Banz ragbi oval.

Planti samting i bin bagarap, man i dai, olgeta bisnis haus long Banz i bagarap na tu planti PMV ka wantaim praivet ka i bin bagarap. Dispela pait i no stap namel long ol sapota bilong Wagi Tumbe na Spear Hagen Eagles. Nogat. Dispela pait em ol spak man tasol i bin statim.

Long dispela mi laik tok save long ol plis long Banz olsem, dispela ol spak man ol i kam olsem wanem insait long ples bilong pilai? I gat wanpela main geit na ol dispela spak man ol i kam olsem wanem? Na taim ol i kam i stap insait, dispela taim tu, ol i no stap isi. Ol i paitim ol mar na bikhet nabaut.

Long dispela taim yupela ol plisman wantaim ol sekyuriti gad i stap we? Yupela i gat pawa long holim ol na putim ol long sel. Tasol yupela i no mekim. Yupela i lukluk long ol i stap na

bihain pait i kirap. Yupela i kirap hariap na sutim man nating long tia ges.

Long dispela, mi laik askim pablik na bos bilong ol plisman olsem dispela pasin em i gutpela ol nogat? Mi save olsem gavman em God yet i putim na yumi i stap aninit long gavman, taasol gavman i mas bihainim laik bilong God na mekim wok. Noken bihainim man na mekim wok.


Damel Polopela
Hagen, WHP

PRAIS IMAS STAP WAN KAIN

20^t tasol




Em 10^t Yet



SAPOS OL I ASKIM MOA.... GO LONG NARAPELA STOA

JOINT PUBLIC NOTICE

ILLEGAL DEPOT-TAKING SCHEMES



BANK OF PAPUA NEW GUINEA

In January this year the Bank of Papua New Guinea (the Central Bank) published warning in newspaper advertisements about a company that was **NOT** licensed to carry on any aspect of banking business under the *Banks & Financial Institution Act*.

The Bank of Papua New Guinea and the Investment Promotion Authority (the IPA) extend that warning.

We advise that the following organisations are not licensed to carry on any aspect of banking business under the *Banks of Financial Institutions Act*.

- **JR CREATIVE NETWORK LTD** also known as **MONEY RAIN**;
- **U-VISTRAC FINANCE CORPORATION LIMITED**;
- **MILLENNIUM CORPORATION LIMITED**;
- **SOFT LOAN** also known as **BONANZA 99**

This is not an exclusive list. There may be other similarly unlicensed groups.

The public is advised that although these companies and business are registered with the Registrar of Companies, they are not registered or licensed as banks or financial institutions under *Section 4* of the *Banks and Financial Institutions Act* by the Bank of PNG, to carry on any aspect of banking business.

"Banking Business" under the Bank & Financial Institution Act means the business of receiving funds:-

- (a) *through the acceptance of money deposits payable-*
- (i) *on demand; or*
 - (ii) *after a fixed period of time; or*



INVESTMENT PROMOTION AUTHORITY

(iii) *after notice; or*

- (b) *by any similar operation through the sale or placement of bonds, certificates, notes or other securities;*

and the use of the funds wholly or partly for-

- (c) *advances or investments; or*

- (d) *any other operation authorised by law or customary banking practices,*

for the account and at the risk of the person doing the business.

Any such operation carried out by such unlicensed organisations is therefore not regulated or supervised by the *Banks and Financial Institutions Act* or the *Central Banking Act*.

The public is advised that the Investment Promotion Authority and the Bank of Papua New Guinea **DO NOT** and **WILL NOT** sanction any such unlicensed organisation nor accept responsibility or any liability whatsoever for any loss of deposits (funds) in any schemes operated by such an organisation if and when the schemes cannot repay their depositors or any other losses, damages, claims and liabilities whatsoever and howsoever arising in respect of such schemes or operations.

Authorised by Governor of Bank of Papua New Guinea
and
Managing Director of Investment Promotion Authority

PABLIK NOTIS

OL DIPOSIT MONI BISNIS INO KISIM LAISENS LONG KAMAP OLSEM BENK



BANK OF PAPUA NEW GUINEA

Long mun Jenueri long dispela yia, Benk bilong Papua Niugini, o mama Benk bilong Papua Niugini, i bin makim bikpela tok lukaut insait long ol niuspepa long wanpela kampani husar **I NOGAT LAISENS** long kisim diposit moni bilong ol pablik na wok olsem benk.

Nau Benk bilong Papua Niugini wantaim Investment Promotion Authority, o IPA, i laik mekim dispela tok lukaut o woning.

Ol dispela lain kampani husat nem bilong ol i stap tamblo **I NOGAT LAISENS** long kisim diposit moni long pablik.

1. **U-VISTRAC FINANCE CORPORATION LIMITED**
2. **MILLENNIUM CORPORATION LIMITED**
3. **CORAL PACIFIC INTERNATIONAL LTD.** Narapela nem bilong dispela kampani em i **WINDFALL**.
4. **JR CREATIVE NETWORK LTD.** Narapela nem bilong dispela kampani em i **MONEY RAIN**.
5. **SOFTLOAN.** Narapela nem bilong dispela kampani em i **BONANZA '99**.

I tru ol dispela kampani i gat laisens bilong Investment Promotion Authority tasol ol **I NO INAP** long kisim diposit mani bilong ol pablik na wok olsem ol benk.

Ol dispela kampani **I NOGAT LAISENS** bilong Benk bilong Papua Niugini long wok olsem ol benk aninit long bikpela lo ol i kolim Section 4 bilong Banks na Finance Institution Act.



INVESTMENT PROMOTION AUTHORITY

Olsem na Benk bilong Papua Niugini i no inap long sekim, glasim o was gut na lukautim wok bilong ol dispela kampani.

Ol dispela kampani mipela putim nem bilong ol antap em ol sampela lain tasol husat o **I NOGAT LAISENS** long wok olsem ol benk.

Tingting gut na was gut long wanem ol narapela lain i mekim dispela kain pasin tu.

Narapela bikpela samting. Lo bilong Papua Niugini i no inap long helpim ol pablik husat i dipositim mani bilong ol wantaim ol dispela kampani long wanem ol dispela lain **I NOGAT LAISENS** long wok olsem ol benk.

Olsem na ol pablik husat o putim moni bilong ol wantaim ol dispela kampani i no inap long kros wantaim Investment Promotion Authority na Benk bilong Papua Niugini taim moni bilong ol i lus o ol dispela kampani **I NO INAP** long peim moni bilong ol.

Ol dispela pablik husat i putim moni bilong ol wantaim ol dispela kampani **I NO INAP** long tok olsem rong o asua i stap wantaim Investment Promotion Authority na Benk bilong Papua Niugini taim moni bilong ol i lus o ol dispela kampani **I NO INAP** long peim moni bilong ol.

Authorised by Governor of Bank of Papua New Guinea
and
Managing Director of Investment Promotion Authority



Wiken Spot Dro

KOARI RUGBY LEAGUE DRAW - SOGERI

Round 2/1
Sunday June 20, 1999.
Iarowari Sports Oval (Sogeri)

B Grade
 09.00 Pukpuks vs Lakers
 10.00 Tigers vs Choice
 11.00 Kongos vs Panthers
 12.00 Warriors vs Bears

A Grade
 01.00 Pukpuks vs Lakers
 02.00 Tigers vs Choice
 03.00 Kongos vs Panthers
 04.00 Warriors vs Bears

Bye: Owls

RESULTS

For Round 2/1 Sunday 13/6/99

A Grade

Warriors 4 defeated Kongos nil
 Lakers 36 defeated Bears 4
 Tigers 22 defeated Owls 8
 Choice 10 defeated Panthers 6

POINTS TABLE

Club	P	W	D	L	F	A	Pts
Sogeri Choice	9	7	1	1	141	80	15
IBS Pukpuks	8	5	1	2	156	90	11
Crystal Lakers	9	5	1	3	153	94	11
Ice Panthers	9	5	4	1	120	88	10
Trek Warriors	9	5	4	1	86	109	10
Hooks Tigers	9	3	3	3	140	110	9
East Kongos	9	2	7	6	66	84	4
Sirinumu Owls	9	2	8	5	56	113	2

OKKAINHEN RUGBY LEAGUE ASSOCIATION

Draws for this coming weekend as of July 18, 1999.

Round One

09.30-10.30 Sharks vs Comix
 10.40-11.30 Benabena vs 2 Mile
 12.00-12.40 Kaki Bro vs Kesosa
 02.40-03.40 Tapaya vs Hens

PORT MORESBY RUGBY FOOTBALL LEAGUE INC

COMPETITION POINTS TABLE AND MATCH RESULTS

Round 10 June 13, 1999.

Club	P	W	D	L	F	A	P
West	10	8	0	2	290	229	16
Brother	10	6	2	2	243	172	14
Souths	10	6	0	4	216	171	12
Defence	10	5	1	4	189	192	11
Waliya	10	5	1	4	227	244	11
Paga Panthers	10	5	1	4	199	221	11
Kone Tigers	10	5	0	5	229	218	10
Hawks	10	4	1	5	223	185	9
Magani	10	4	1	5	190	194	9
Royals	10	4	1	5	199	221	9
Tarangau	10	4	1	5	173	239	9
Post Puma	10	2	3	5	186	191	7
Dobo Warriors	10	3	1	6	181	204	7
Gerehu United	10	2	1	7	179	260	5

MATCH RESULTS

Waliya 18 beat Hawks 12
 Warriors 36 beat Gerehu United 10
 Tarangau 30 beat Royals 28
 Panthers 30 beat Tigers 22
 Brothers 26 beat Defence 8
 Magani 20 beat Post Puma 18
 West 24 beat Souths 20

B Grade

Team	P	W	D	L	F	A	Pts
Defence	10	8	2	1	183	109	18
West	10	7	1	1	158	120	18
Waliya	10	6	2	2	180	119	14
Brothers	10	6	0	4	144	94	12
Post Puma	10	5	1	4	156	123	11
Magani	10	5	1	4	144	127	11
Souths	10	5	1	4	144	154	11
Dobo Warriors	10	5	0	5	149	132	10
Hawks	10	5	0	5	149	146	10
Kone Tigers	10	2	3	5	128	148	7
Paga	10	3	0	7	109	188	6
Royals	10	2	1	7	170	142	5

G. United	10	2	1	7	110	201	5
Tarangau	10	1	0	9	86	181	2

C Grade

Defence	10	8	1	1	136	65	17
Dobo Warriors	10	8	0	2	134	74	16
Hawks	10	7	0	3	135	74	14
Paga	10	7	0	3	109	98	14
Magani	10	6	0	4	133	117	12
Souths	10	6	0	4	110	102	12
Kone Tigers	10	6	0	4	119	112	12
West	10	5	0	5	148	96	10
Waliya	10	4	0	6	98	107	8
Royals	10	4	0	6	78	92	8
G. United	10	3	0	7	82	106	6
Brothers	10	3	0	7	62	98	6
Post Puma	10	2	1	7	38	96	5
Tarangau	10	0	0	10	38	175	0

* Both Points Ladder as after Round Ten

KIUNGA RUGBY LEAGUE DRAW

Saturday June 19, 1999.
Kiunga Secondary School Oval (KSRL)

Under 16

09.00am Bulldogs vs Sharks
 09.40am Diggers vs Raiders

Under 18

10.20am Bulldogs vs Sharks
 11.00am Diggers vs Raiders

Under 17

01.00pm To be announced
 02.00pm To be announced

Under 19

03.00pm To be announced
 04.00pm Hawks vs Norths
 05.30pm Tigers vs Raiders

Sunday June 20, 1999.
Town Oval (KJRL)

Under 19

10.00am To be announced
 11.00am To be announced

Reserve (KRL)

12.00noon Cowboys vs Waliya

A Grade

01.30pm Hawks vs Norths
 03.00pm Tigers vs Raiders
 04.30pm Cowboys vs Waliya

POINTS LADDER - ROUND FIVE

Club	P	W	D	L	F	A	Pts
Cowboys	5	5	-	-	157	60	10
Norths	5	3	-	2	106	113	6
Raiders	5	3	-	2	84	54	6
Tigers	5	2	-	3	74	78	4
Waliya	5	2	-	3	70	120	4

Club	P	W	D	L	F	A	Pts
Waliya	3	3	-	-	38	4	6
Cowboys	3	3	-	-	32	10	6
Raiders	3	2	-	1	42	26	4
Hawks	3	1	-	2	20	34	2
Norths	3	-	-	3	6	30	0
Tigers	3	-	-	3	8	34	0

Club	P	W	D	L	F	A	Pts
Waliya	2	2	-	-	16	4	4
Raiders	2	1	-	1	10	0	3
Cowboys	2	1	-	1	10	8	2
Tigers	2	-	-	1	0	10	1
Norths	2	-	-	2	12	16	0
Hawks	2	-	-	2	0	20	0

Club	P	W	D	L	F	A	Pts
Waliya	2	2	-	-	24	12	4
Norths	2	1	-	1	12	12	2
Raiders	2	1	-	1	8	10	2
Cowboys	2	-	-	2	0	10	0
Hawks	2	-	-	2	0	10	0

KIUNGA STUDENTS RUGBY LEAGUE POINTS LADDER

Club	P	W	D	L	F	A	Pts
Sharks	6	5	-	1	105	40	10
Diggers	6	3	-	3	82	80	6
Raiders	6	2	-	4	74	69	4
Bulldogs	6	2	-	4	56	100	4

Club	P	W	D	L	F	A	Pts
Bulldogs	6	4	-	2	42	35	8
Sharks	6	3	-	3	35	34	6
Diggers	6	2	1	3	42	34	5
Raiders	6	2	1	3	38	36	5

KIUNGA RUGBY LEAGUE RESULTS

A Grade

Cowboys 31 defeated Norths 24
 Waliya 18 defeated Tigers 16
 Raiders 10 defeated Hawks 8

Reserve Grade

Cowboys 8 defeated Norths 0
 Waliya 10 defeated Tigers 0
 Raiders 14 defeated Hawks 8

KIUNGA JUNIOR RUGBY LEAGUE RESULTS

Under 19

Cowboys 10 defeated Norths 8
 Raiders 0 drew Tigers 0
 Waliya 10 defeated Hawks 8

Under 17

Norths 10 defeated Cowboys 0
 Waliya 12 defeated Hawks 10
 Tigers 8 defeated Raiders 0

KIUNGA STUDENTS RUGBY LEAGUE RESULTS

Under 18

Sharks 12 defeated Diggers 10

Under 16




Bulldogs 16 defeated Raiders 6
 Diggers 16 defeated Sharks 8
 Raiders 14 defeated Bulldogs 6

OROGEN SCHOOLS SOCCER ASSOCIATION - 1999

LEAGUE POINTS LADDER (AFTER WEEK 14)

TEAM	P	W	L	D	F	N	F	A	P
Under 7									
Murray A	14	8	2	4	0	0	17	9	28
Korobosea	14	8	5	3	0	0	15	10	21
Gordons Int	14	9	2	3	0	0	26	8	18
St. Josephs	14	4	4	6	1	0	14	14	18
Ela Beach	14	5	7	2	1	0	17	22	17
Murray B	14	3	5	6	0	0	15	25	15
Bambi Primary	14	2	7	5	1	0	11	22	11
Pomis	14	1	6	7	2	0	7	12	10
Under 8									
Noblette	14	11	0	3	0	0	42	6	36
Korobosea	14	10	2	1	0	1	33	11	31
Sacred Heart	14	10	2	1	0	1	30	10	31
Pomis	14	5	7	2	0	0	20	26	17
Murray	14	5	8	1	0	0	22	25	16
St. Josephs	14	3	7	3	0	1	14	27	12
Gordons Int	14	1	9	3	0	1	6	24	6
Ela Beach	14	1	11	2	0	0	7	45	5
Under 9									
Noblette	14	13	1	0	0	0	35	5	39
Ela Beach	14	11	2	1	0	0	47	10	34
Pomis	14	7	5	2	0	0	24	17	23
Korobosea	14	4	6	4	0	0	15	25	16
Bambi Primary	14	4	5	4	0	1	13	24	16
Gordons Int	14	2	7	5	0	0	10	26	11
Murray	14	2	8	3	0	1	9	30	9
St. Josephs	14	0	9	5	1	0	9	25	5
Under 10									
Korobosea	14	10	0	4	0	0	24	5	34
Gordons Int	14	9	1	4	0	0	18	6	31
St. Josephs	14	7	4	3	0	0	25	14	24
St. Peters	14	5	4	5	1	0	23	14	20
Ela Beach	14	3	7	2	0	2	9	23	11
Murray	14	2	6	4	0	2	17	26	10
Pomis	14	3	8	1	2	2	5	16	10
Sacred Heart	14	1	10	1	3	2	2	10	4
Under 11A									
Pomis A	14	11	1	1	0	0	29	7	35
Gordons Int	14	9	3	3	0	0	29	11	29
St. Peters	14	7	4	4	0	0	24	13	24
St. Josephs A	14	5	5	5	0	0	20	24	19
Murray A	14	5	6	7	0	0	24	34	18
Sacred Heart	14	3	6	6	0	0	17	17	14
De La Salle	14	1	8	8	1	0	4	23	8
Bambi Primary	14	1	7	10	0	0	10	32	6
Under 11B									
Ela Beach	14	5	1	7	0	0	26	11	25
Korobosea	14	7	4	3	0	0	21	12	24
Wards Strip A	14	6	4	4	0	0	12	16	22
St. Josephs B	14								

WANTOK SPOT



• Mendi Muruks tim husat i bin kamapim nem nogut taim ol sapota bilong ol i kirapim pait wantaim ol pilaia na opisel bilong Pot Mosbi Vipers. Vipers i go pas long skoa 8-0 taim gem i stap. *Poto: Joe Ivaharia.*

PNGRFL wetim ripot yet

PAPUA Niugini Ragbi Futbol Lig i wetim yet ripot i kam long tim menesa bilong Pot Mosbi Vipers na Mendi Muruks long bikpela pait i bin kamap namel ol pilaia na sapota long las wik Sande.

Nesenel administresta bilong PNGRFL Sam Kaia i tokim Wantok olsem PNGRFL i no inap mekim wanpela disisen inap em i kisim ful ripot.

I gat bikpela tingting nau i raun olsem PNGRFL i mas givim strongpela mekim save i go long ol tim i kamapim pait.

PNG nau i amamasim 50 yia bilong em

long pilai ragbi lig, tasol i luk olsem pasin bilong kamapim pait na bagarapim arapela tim i wok long strong yet.

Wanpela strongpela sapota bilong ragbi lig i laik PNGRFL i mas rausim Mendi Muruks na askim ol long baim ol pilaia husat i kisim bagarap long pait.

Dispela pait i bin kamap insait long 8 minit long namba tu hap we Cedric Belo bilong Vipers i mekim wanpela strongpela takol long pilaia bilong Mendi Muruks. Orait pilaia bilong Muruks kirap na tromoi han long Belo.

Belo em stronpela het Koiari ya em i bekim na dispela i pulim sapota bilong Mendi Muruks long ran go insait long fil na paitim ol pilaia bilong Vipers.

Ripot i soim olsem het bilong Belo i bruk, wanpela boi Sauten Hailens long Erave Philip Walia tu i kisim taim long sapota bilong Muruks. Walia i brukim han bihain long ol i bung pait wantaim em.

Kaia i tok em i no save wanem taim PNGRFL bai mekim disisen long dispela pait bilong Vipers na Muruks.

Mommers na Davani stap long Wimens Wol Soka kibung

HONARARI presiden bilong Papua Niugini Futbol Asosiesen Peter Mommers i stap nau long Amerika long bikpela kibung bilong Wol Wimens Soka Kongres long Los Angeles long dispela wik.

Mommers i go stap long dispela miting olsem siaman bilong Osenia Wimens soka.

Na tu Kathy Davani em i go olsem mauseri bilong PNGFA. Em bai go sindaun long bikpela kibung we ol soka kantri long wol bai paitim toktok long strongim wok bilong soka.

Davani i winim dispela wok olsem mauseri bilong ol meri long bikpela anuel jenerel miting bilong PNGFA. Olpela mauseri em Mary Albanie tasol em i lus long ileksen long bigin bilong dispela yia.

Mommers i tokim Wantok olsem em i no makim PNG. Em i makim Osenia na em bai stap tu olsem wanpela komiti long stretim fil na ol arapela wok samting.

Wanpela bikpela toktok bai kamap long dispela miting em long kamapim junia wimen wol kap resis.

FIFA, intanesenel soka bodi i strong tru long stretim soka bilong ol wimen insait long wol. Na bikpela toktok kamap em long strongim yut soka bilong meri na Wol Kap bilong ol meri.

FIFA bai glasim SPG soka

HENRY MORABANG i raitim

INTANESENEL soka bodi, FIFA, bai skelim komplek bilong ol memba kantri i go long Saut Pasifik Gems Kaunsil, long rait bilong ol pilaia long makim wanwan kantri.

Insait long eksekutiv miting bilong Saut Pasifik Gems Kaunsil long Guam we i bin kamap long Hilton Hotel las wik i tokaut olsem komplek nau bai go long han bilong FIFA long glasim na stretim.

SPG Kaunsil i makim pinis tripela bikman insait long rijen olsem David Tupo (Jastis

Minista bilong Tonga), Randy Cunliffe (Jas long Suprim Kot long Guam), Roger Kado bilong Nu Kaledonia na Bill Sakovich (nupela sekeretari bilong Kaunsil) long toktok stret wantaim FIFA long dispela hevi.

Hevi o komplek i bin kamap long 1995 Saut Pasifik Gems we Fiji na Tahiti i bin komplek olsem sampela kantri i larim ol ovasis pilaia i pilai long tim.

Aninit long FIFA lo, ol asples man o sitisen tasol i ken stap insait long tim na i no ol arapela man. Tasol lo bilong SPG Kaunsil i larim ol ovasis man husat i stap long kantri inap tripela na foapela yia i ken makim kantri long wanem spot ol i pilai.

Dispela toktok i bin kamapim bikpela hevi we Osenia Futbol Konfederesen (OFC) i stapim olgeta kik resis long Saut Pasifik Gems long Guam.

Sir John Dawanincura i tok olsem soka i bin givim planti hevi tru long SPG Kaunsil.

Olpela presiden Peter Mommers i bin makim mauseri bilong OFC long paitim toktok wantaim Sir John Dawanincura bihain tasol long Saut Pasifik Gems long Tahiti. Tasol siaman i nogat taim long toktok.

Olsem na insait long wanpela eksekutiv miting bilong OFC long las yia Jun, ol i tokaut olsem soka bai i no inap kamap long SP Gems long Guam.

Siaman bilong OFC Charles Dempsey husat i bin kam lukluk raun long Pot Mosbi i tokaut olsem FIFA em i bos bilong soka. Na sapos wanem ol lain i laik pilai soka i mas bihainim mauseri bilong em.

Planti ol kantri insait long wol i memba bilong FIFA. PNG na ol arapela kantri long Osenia i memba bilong FIFA olsem na ol i bihainim tasol mauseri bilong FIFA long noken go long Gems.

Sir John i tok olsem ripot bilong toktok namel long deliget bilong SP Gems Kaunsil na FIFA bai i no inap kamap kwik inap SP Gems Kaunsil i holim miting bilong ol long Novemba long dispela yia.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.